

## San Mateo

*Jesucristo Cohãcjũ macũno tiquiro acaye panopũ  
cjẽna ijire*

*(Lc 3.23-38)*

<sup>1</sup> Jesucristo acayere panopũ cjẽnare yahutja yũhũ. Tiquiro ñecũno mũnano panopũ cjũno Davi wame tiriquire ijie tiahye. Tiquiro ijiato pano tiquina ñecũno mũnano iji turiariquire Abrahã wame tiriquire ijie tiahye.

<sup>2</sup> Abrahã Isaac pacũro ijiahye. Isaac Jacob pacũro ijiahye. Jacob Judá gũhũ pacũro ijiahye.

<sup>3</sup> Fare, Zara mehna tiquina pacũro Judá ijiahye. Tiquina pacoro Tamar wame tiricoro ijiahye. Fare Esrom pacũro ijiahye. Esrom Aram pacũro ijiahye.

<sup>4</sup> Aram Aminadab pacũro ijiahye. Aminadab Naasón pacũro ijiahye. Naasón Salmón pacũro ijiahye.

<sup>5</sup> Salmón Booz pacũro ijiahye. Tiquiro pacoro Rahab ijiahye. Booz Obed pacũro ijiahye.

Tiquiro pacoro Rut ijiahye. Obed Isaí pacũro ijiahye. <sup>6</sup> Isaí Davi pacũro ijiahye. Davi pehe Israe masa pũhtoro ijiahye. Tiquiro Uria wame tiriquire mũnano namonore tiquiro namo tiri bato Salomo wame tiriquire pohna tiahye.

<sup>7</sup> Salomo Roboam pacũro ijiahye. Roboam Abia pacũro ijiahye. Abia Asa pacũro ijiahye.

<sup>8</sup> Asa Josafat pacũro ijiahye. Josafat Joram pacũro ijiahye. Joram Uzia pacũro ijiahye.

<sup>9</sup> Uzia Jotam pacũro ijiahye. Jotam Acáz pacũro ijiahye. Acáz Ezequia pacũro ijiahye. <sup>10</sup> Ezequia Manase pacũro ijiahye. Manase Amón pacũro ijiahye. Amón

Josia pacuro ijiahye. <sup>11</sup> Josia Jeconia gũhũ pacuro ijiahye. Tiquina ijiri pjere Israe yehpa cjênare Babilonia cjêna pehe ñehe cãhye tiquina ya yehpapũ.

<sup>12</sup> Sa ye Babilonia yehpapũ tiquina esari bato, Jeconia Salatiere pohna tiahye. Salatiel Zorobabel pacuro ijiahye. <sup>13</sup> Zorobabel Abiud pacuro ijiahye. Abiud Eliaquim pacuro ijiahye. Eliaquim Azor pacuro ijiahye. <sup>14</sup> Azor Zadoc pacuro ijiahye. Zadoc Aquim pacuro ijiahye. Aquim Eliud pacuro ijiahye. <sup>15</sup> Eliud Eleazar pacuro ijiahye. Eleazar Matán pacuro ijiahye. Matán Jacob pacuro ijiahye. <sup>16</sup> Jacob José pacuro ijiahye. José María manũno ijiahye. María pehe Jesu pacoro ijiri. Jesu pehe masare yũhdũoatiqiro ijiro, Cristo tiquina ni pisuriqiro ijiri.

<sup>17</sup> Sa yeye Abrahãre mari queo mũhtagũ tee Davire mari queo bato tigũ ahriquina ijipihtiyequina tiquina panamena mehna ijiye, catorce cururi waro ijiahye. Sa yeye mari pari turi Davire mari queo mũhtagũ tee Babiloniapũ Israe masare tiquina neato pano mari queo bato tigũ ijipihtiyequina tiquina panamena mehna ijiye, catorce cururi waro pari turi ijiahye. Sa ye tuhasa Babiloniapũ tiquina esari bato mari queo mũhtagũ tee Cristo tiquiro masa bajuagãpũ mari queo bato tigũ ijipihtiyequina tiquina panamena mehna ijiye, catorce cururi waro ijiahye tja.

*Jesucristo tiquiro masa bajarire yahuahye  
(Lc 2.1-7)*

<sup>18</sup> Sa ye ohõ saha Jesucristo masa bajuari jiri. Tiquiro pacoro María pehe José mehna omoca dãhteaticoro ijiahye. Sa yero ticoro omoca

duhteato pano Espíritu Santo tutuaye mehna coã nijinogãre ne bucuã cãhtaro masiahye ticoro basi. <sup>19</sup> Sa yero José ticorore omoca duhteatiquiro tire masino, poto ijiyere yeriquiro ijiro ticorore cohãno taro nimahye. Masa tiquina ihñono ticorore buoro ye dueraro, masa tiquina tãhoato pano yahuro marieno ticorore cohãno taro nimahye. <sup>20</sup> Tire tiquiro tãhoturi watoa Cohãcjũ yaquiro angel pehe quehẽnopũ Josere bajuaro, ohõ saha niahye:

—José, Davi munano panami iji turiagũ, María mehna bue tiro marieno omoca duhteya. Ticoro Espíritu Santo yedohoro mehna coã nijinogãre ne bucuã cãhtaricoro ijire. Sa yegũ bue tiro marieno omoca duhteya ticorore. <sup>21</sup> Ticoro pohna tirota. Tiquirota ticoro macunota tiquiro ya maca cjẽnare pecapũ wahaboriquinare yãhdũoatiquiro ijirota. Tiquiro sa yãhdũoatiquiro ijigũ ihñagũ Jesu wame yegũta mũhũ tiquirogãre, niahye angel Josere.

<sup>22</sup> Ahri ijipihtiye sa wahahye panopũ cjãno Cohãcjũ yere yahu mũhtariquiro tiquiro ni ojoariro sahata. Tire tiquirore Cohãcjũ ojoa dutiahye. Ohõ saha ni ojoahye Cohãcjũ yere:

<sup>23</sup> Nuhmino, nijinogãre bocaro pohna tirota ticoro macunogãre. Sa yero Emanuel wame tirota tiquirogã, ni ojoahye Cohãcjũ yere.

“Emanuel” nino “Cohãcjũ mari mehnata ijire”, nino niaga.

<sup>24</sup> Cohãcjũ yaquiro angel Josere tiquiro ni yahuri bato José pehe wahcã, angel dutiriro sahata María mehna omoca duhteahye. <sup>25</sup> Tiquiro macunogãre ticoro pohna tiato pano José pehe ticoro mehna

ijiera tiahye. Ticoro pehe pohna tia wahahye. Sa yero tiquiro pehe macɯnogãre Jesu wame yeahye.

## 2

### *Asũ mɯja taro cjẽna Jesugãre ihñãne esahye*

<sup>1</sup> Herode Judea yehpa cjẽna pũhtoro tiquiro ijiri pje ti yehpapɯ ijiri macapɯ Belẽpɯ Jesu masa bajuahye. Tiquiro sa masa bajuari bato ñahpicohare buheyequina ñahpicohare quehnoano masíñequina asũ mɯja taro cjẽna ahta, Jerusalẽpɯ wihiahye. <sup>2</sup> Sa wihiye, masare to cjẽnare sinituahye:

—¿Judio masa pũhtoro ijiatiquiro yojopɯre nohopɯ masa bajuagari tiquiro? Asũ mɯja taropɯ cjãna ijiaja. Sa yena ñahpicoha coã bajua wahã sagũ ihñana “Pũhtoro masa bajuaro niaga”, ni masii usã. Sa tia bajuagũ ihñana, usã ihcãno mehna tiquirore ño peona ahtaɯ ohõpɯ, ni, yahuahye buheyequina masare.

<sup>3</sup> Sa ye apequina Herodere tire yahuahye. Tiquina sa yahugũ tũhoro Herode pehe bujua witi tũhotuahye. Sa yeye ijipihtiyequina Jerusalẽ cjẽna gũhɯ tiquiro yero sahata bujua witi tũhotuahye tiquina gũhɯ. <sup>4</sup> Sa yero Herode pehe ijipihtiyequina pahia pũhtoare, mari judio masare buheyequina gũhɯre tiquiro piji cahmecoa peho, tiquinare sinituahye tiquiro:

—¿Nohopɯ masa bajuaboagari Cristo pehe, mɯsa tũhotugũ? ni sinituahye tiquiro.

<sup>5</sup> Ohõ saha ni yahuahye tiquirore:

—Belẽpɯ, Judea yehpapɯ ijiri macapɯ Cristo masa bajuarota. Ohõ saha ni ojoahye Cohãcjũ yere yahu mũhtariquiro:

6 Belēp̄m̄ yeequinare Israe masare dutiatiquiro, tiquinare cohteatiquiro ahtarota. Sa yero apeye macari Judea yehpap̄m̄ ijiye macari yahd̄m̄oro ijire Belē pehe, ni ojoahye Cohācjū yere, ni yahuahye tiquina Herodere.

7 Tiquina sa ni yahuri bato Herode masa tuh̄oerop̄m̄ asū m̄aja tarop̄m̄ ahtariquinare pijioahye. Tiquiro cahap̄m̄ tiquina esagū ihñano, tiquinare sinituahye. Tiquiro sa sinitugū tuh̄oye, tiquina ñahpicohare ihñari decore yahuahye tiquina. 8 Tiquina sa yahuri bato Herode pehe tiquinare Belēp̄m̄ ohoro, ohō saha niahye tiquinare:

—Tiquirogāre quehnoano macaña. Tiquirogāre bocana yah̄are tojoana yahu tojoaya. Yuh̄m̄ gūh̄m̄ tiquirogāre ño peou wahām̄ tuh̄m̄ niaja, niahye tiquinare Herode.

9 Tiquiro sa nidi bato, tiquina wahahye. Tiquina sa wahagū asū m̄aja tarop̄m̄ tiquina ihñaria ñahpicoha pehe tiquina pano uh̄m̄m̄ tādücüahye. Sa yero nijinogā tiquiro ijiro bui waro tojoa wahā sahye tia ñahpicoha. 10 Sa yeye ñahpicohare ihñañe, tutuaro bucueahye tiquina. 11 Nijinogā tiquiro ijiri wuh̄ap̄m̄ esa, sajāa wahahye tiquina. Sa sajā saye, nijinogāre tiquiro pacoro mehna ijiriquirogāre ihñahye tiquina. Sa ihñañe tiquina dusepe curi mehna quehe sa, tiquirogāre ño peohye. Ño peo tuhasa tiquina acarire p̄oahye. Urure, bueyere, mirra wame tiye ehme sitiye gūh̄are ne wio, tire tiquirogāre wapa marieno ohoahye. 12 Tire oho tuhasa carña wahahye tiquina. Tiquina sa carīgū quehēnop̄m̄

Cohãcjũ yahuahye tiquinare: “Herode cahapũ tojoeracãhña”, ni yahuahye Cohãcjũ tiquinare quehẽnopũre. Tiquiro sa ni yahuri bato, tiquina pehe wahcãhye. Tiquina sa wahcãri bato ape mahapũ tiquina ya dihtapũ tojoaa wahahye.

*José gũhũ Jesugãre Egiptopũ ne duhti cãa wahahye*

<sup>13</sup> Tiquina sa wahari bato Cohãcjũ yaquiro angel quehẽnopũ Josere bajuaro, ohõ saha niahye:

—Wahcãña. Herode pehe nijinogãre wejẽno taro, macano nine yojopũre. Sa ye nijinogãre tiquiro pacoro gũhũre Egiptopũ ɯmũñano ne duhti cãa wahaya. Topũre yũhũ nidiro punota ijiya, tee yũhũ yahugãpũ, ni yahuahye angel Josere.

<sup>14</sup> Tiquiro sa nigũ tũhoro, José pehe ñamita wahcã, nijinogãre, tiquiro pacoro gũhũre Egiptopũ ne duhti cãa wahahye. <sup>15</sup> Egiptopũ esa, Herode catiro puno topũre ijiahye tiquina. Sa yeahye panopũ cjãno Cohãcjũ yere yahu mũhtariquiro tiquiro ni ojoariro sahata. Tire tiquirore Cohãcjũ ojoa dutiahye. Ohõ saha ni ojoahye Cohãcjũ yere: “Egiptopũ ijiriquirore yũhũ macũre pijiou”, ni ojoahye Cohãcjũ yere.

*Herode macanagãre wejẽ dutiahye*

<sup>16</sup> Sa ye ñahpicohare buheyequina tiquina duhti yũhdũ cãgũ tũhoro Herode pehe usua yũhdũa wahahye. Sa usaro, Belẽ cjẽnare, ti maca dũhtũ caha cjẽna gũhũre tiquina pohnene ɯmũagãre pũa cũhma cũoyequinagãre wejẽ bato ti dutiahye tiquiro. Coã warore ñahpicohare buheyequina ñahpicohare tiquina ihñari decore yahuahye Herodere. Tiquina sa nigũ tũhoro

tiqairo wejẽ duariquirogã masa bajuari decore masino, “Ohõpe c̄hmari c̄ore” nino, p̄ma c̄hma c̄oyequinagãre wejẽ bato ti dutiahye. <sup>17</sup> Panop̄m c̄jũno Jeremia Cohãcjũ yere yahu m̄htariquiro tiqairo ni ojoariro sahata wahahye. Ohõ saha ni ojoahye tiqairo:

<sup>18</sup> “Ramá wame tirop̄m bisirota. Tutuaro b̄jma witiye mehna utiye bisirota. Raquel panamena numia iji turiaye numiap̄m Israe masa namosãnumia tiquina pohnene tutuaro utieta. Tiquina pohnene apequina wejẽgũ ihñañe, ne b̄jma witi duhusi”, ni ojoahye panop̄m.

<sup>19</sup> Sa ye Herode tiqairo yariari bato Egiptop̄m ijiriquirore Josere Cohãcjũ yaqairo angel quehẽnop̄m bajuahye. Sa bajuaro ohõ saha niahye Josere:

<sup>20</sup> —Nijinogãre wejẽ duamediquina yariaa wahari. Sa yeḡm wahcãña. Tiquirogãre pacoro mehna Israe yehpap̄m ne tojoaa wahaya m̄h̄m, ni yahuahye angel Josere:

<sup>21</sup> Tiquiro sa nidi bato José wahcã, nijinogãre pacoro mehnata Israe yehpap̄m ne tojoaa wahahye.

<sup>22</sup> Sa yeperota Arquelao Herode mac̄no pehe tiqairo pac̄ro comesariquiro ijigũ tãhoro José pehe Judea yehpap̄m tojoa duaro cueahye. Sa yero pari turi tja quehẽnop̄m tiqairore yahu nemoahye. Tiquirore pari turi Judea yehpap̄m iji dutierahye. Tiquiro sa ni yahuri bato, tiquina Galilea yehpap̄m wahaa wahahye. <sup>23</sup> Ti yehpap̄mre Nazare wame tiri macap̄m ijiahye tiquina. Sa yeahye tiquina Cohãcjũ yere yahu m̄htariquina tiquina ojoariro sahata. Ohõ saha ni ojoahye: “ ‘Cristo Nazare

cjũnota ijire', nieta masa", ni ojoahye Cohãcjũ yere yahu mãhtariquina panopũ cjẽna.

### 3

*Ñu wame yeriquiro masare yahuahye*  
(*Mr 1.1-8; Lc 3.1-9, 15-17; Jn 1.19-28*)

<sup>1</sup> Sa ye ti pjere Ñu Cohãcjũ yequinare wame yeriquiro ijiahye. Judea yehpapũ masa marienopũ tiquiro Cohãcjũ yere yahu dũcahye masare. <sup>2</sup> Ohõ saha ni yahuahye tiquinare:

—Mũsa ñaÑe yerire bũjũa witiya. Tire duhuya. Ʋhmũse cjũno Cohãcjũ mãsa pũhtoro tiquiro ijiato mehenogã dũhsare, ni yahuahye tiquiro.

<sup>3</sup> Panopũ cjũno Isaia Cohãcjũ yere yahu mãhtariquiro Ñu tiquiro buheatire ohõ saha ni ojoahye:

Masa marienopũ yahuducu sañuducuriquiro ohõ saha ni buherota tiquiro: “Mari pũhtoro ahtato pano mahare mari quehnoyuro saha quehnoana ijyuyua mãsa. Mũsa ñaÑe yerire bũjũa witiya”, ni sañuducurota, ni ojoahye Isaia Ñure.

<sup>4</sup> Sa yero Ñu camello poari suhtirore sañariquiro, wahiquiro cahsero mehna tũã dihoriquiro iji-ahye. Poreroare, nũcũ cjẽ umi gũhũre ihyaeh tiahye.

<sup>5</sup> Jerusalẽ cjẽna, ijipihtiro Judea yehpapũ ijyeyquina, Jordã wame tiri ma cahapũ ijyeyquina gũhũ tiquirore tũhoye ahtahye. <sup>6</sup> Wihi, tiquirore tũho, tiquina ñaÑe yerire bũjũa witi, Cohãcjũre tire yahu yũhdũahye tiquina. Sa tiquina yahugã tũhoro Jordãpũ Ñu tiquinare wame yeahye.



<sup>7</sup> Sa yero peyequina fariseo masa, saduceo masa gũhũ Nũre tiquina wame ye dutiye ahtagũ ihñano tiquiroy yahuahye tiquinare:

—Aña yero saha ña yũhdũana ijire mũsa. Mũsa ñañe yerire bũjũa witi duerana Cohãcjũ mũsa ñañe yeri buhiri tiquiroy buhiri dahreato pano duhti masiedare mũsa. <sup>8</sup> Sa yena potota mũsa ñañene bũjũa witiya. Quehnoañene comesaya. Sa yena quehnoañe pehere yeya mũsa. <sup>9</sup> Ohõ saha ni tũhotueracãhña: “Panorũ cjũno Abrahã mari ñecũ mũnano ijie tiahye. Sa yena tiquiroy panamena iji turiana ijina mari Cohãcjũ yequina ijiaja”, ni, tũhotueracãhña mũsa. Mũsare niita niaja. Abrahã panamena iji turiana ijimene mũsa. Mũsa sa ijiepegũta ti mũsa sa ijiye dũhseati ijierare. Cohãcjũ pehe ahri utã paca mehna Abrahã panamenare dojogũ ye masine. Sa yero Abrahã panamena iji turiana mũsa ijiye ihyo waro ijire utã paca ti paca ihyo waro ijiroy sahata. <sup>10</sup> Ohõ saha ijire: Masa yucũri yero saha ijire. Cohãcjũ pehe yucũrire quẽatiare comeare cũoriquiroy yero saha ijire. Sa yero ñañe dũca tiye cjũre quẽ cohã, ti nũhcori gũhũre dũte surerota. Dũte sure tuhasa, pecarũ ujũanota tiquiroy ti cjũre, nũhcori gũhũre. Sata yerota masa gũhũre tiquiroy cahmeeñequinare. <sup>11</sup> Yũhũ bato yũhũ yũhdũoro tutu-ariquiroy ahtarota. Quehnoa yũhdũariquiroy ijire tiquiroy. Tiquiroy yero saha ijieraja yũhũ pehe. Sa yegũ tiquiroy tũhotugũ, “Ihyo ijigũ ijiaja yũhũ”, ni tũhotuaja yũhũ. Yũhũ pehe mũsa ñañe yerire bũjũa witi duti, mũsare wame yegũ aco mehna yemi. Tiquiroy pehe yũhũ yũhdũoro yerota. Espĩritu San-

tore masa mehna ijiducugũ yerota tiquiro. Sa yero peca ñañene ujũa wero sahata tiquiro ahtariquiro pehe masa ñañe yerire cose werota. <sup>12</sup> Yũhũ bato ahtariquiro cahseri cohãriquiro yero saha ijire. Cahseri cohãriquiro tiquiro batiro mehna ijipihtiye trigo cahserire puti were. Tiquiro sa puti weri bato trigo pehere tiquiro ihbori wũhũpũ ihborota. Sata yerota tiquina ñañene bujua witiyequinare yũhũ bato ahtariquiro. Tiquiro puti weye cahseri pehere tiquiro ujũanota. Ti peca ujũari peca ne yatisi. Sata yerota tiquiro yũhũ bato ahtariquiro tiquina ñañene bujua witiyequinare, ni yahuahye Ñu.

*Ñu Jesure wame yeahye*

*(Mr 1.9-11; Lc 3.21-22)*

<sup>13</sup> Came Jesu Galileapũ ijiriquiro waha, Jordã wame tiri mapũ buha sahye Ñure wame ye dutiro.

<sup>14</sup> Coã warore Ñu wame ye dueramahye.

—Yohou, mũhũ pehe yũhũ yũhdũoro tutuagũ yũhũ pehere mũhũ wame yegũ quehnoaboaga. Mũhũre wame yebogũ ijieraja yũhũ, ni yũhtimahye Ñu Jesure.

<sup>15</sup> Jesu pehe yũhtiahye tiquirore:

—Yũhũre wame yeya. Ohõ saha yena, Cohãcjũ dutiro saha sohtoa tina niaja mari, niahye Jesu.

Tiquiro sa nigũ tũhoro,

—Aũ, ni yũhtiahye Ñu.

<sup>16</sup> Sa ni tuhasa, Jesure wame yeahye. Tiquiro wame ye tuhasagũ Jesu diapũ ducuriquiro maja dũcahye. Tiquiro maja dũcagũ, mũhmũanopũ parĩ maahye. Cohãcjũ yaquiro Espiritu bujua yero saha

tiquiro bui dihia tagũ ihñahye. <sup>17</sup> Sa dihia tagũ aħmuanopũ yahuducuye bisiahye:

—Ahriquiro yũħũ macũ yũħũ cahĩniquiro ijire. Tiquiro mehna tutuaro bucueja, niahye aħmuanopũ.

## 4

*Watĩno ñañene ye dutimahye Jesure*

*(Mr 1.12-13; Lc 4.1-13)*

<sup>1</sup> Sa ye Espĩritu Santo pehe Jesure masa marienopũ neahye, topũ watĩno tiquirore ñañene ye dutiatio saha.

<sup>2</sup> Topũ esaro cuarenta decori waro ihyaro marieno ijiahye Jesu. Sa yero ıjũa ahbahye. <sup>3</sup> Ʋjũa tiquirore ahbagũ ihñano watĩno pehe tiquiro cahapũ esaro, ohõ saha niahye:

—Mũħũ Cohãcjũ macũ ijigũ, ahria ıtãre ihyaye dojomehneña, nimahye tiquiro Jesure.

<sup>4</sup> Jesu ohõ saha ni yũhtiahye:

—Yeraja. Cohãcjũ yere tiquina ojoari pũpũ ohõ saha nine: “Masare ihyaye mehna dihita catieraro cahmene. Ijipihtiye Cohãcjũ tiquiro ye yahuye mehna ijiro cahmene”, nine Cohãcjũ, ni yũhtiahye Jesu watĩnore.

<sup>5</sup> Tiquiro sa ni yũhtiri bato watĩno pehe Jerusalẽpũ “Cohãcjũ ya maca” tiquina nidi macapũ Jesure neahye. Topũ esa, Cohãcjũ ya wũħũ bui Jesure ne sahye tiquiro. <sup>6</sup> Ne sa tuhasa, tiquirore ohõ saha nimahye:

—Cohãcjũ yere tiquina ojoari pũ ohõ saha nine: “Cohãcjũ tiquiro yequina angelere mahũre ihña ihbo dutirota. Sa yeye tiquina pehe mahũre

ihña ihboeta ‘Utãp̄ p̄ha tu maari,’ niñe”,  
nine tiquiro ojoari p̄.

Tiquiro sa nidi poto ijigã m̄h̄ Cohãcjũ mac̄ ijigã yehpap̄ uhpu dijia ihñoña ȳh̄. M̄h̄re tiquina yedohogũ ihñoña ȳh̄, nimahye wat̄no.

<sup>7</sup> Jesu uhpu dijia ihño dueraro ohõ saha ni ȳhtiahye:

—Cohãcjũ yere tiquina ojoari p̄ ohõ saha nine: “M̄sa p̄h̄toro Cohãcjũ tiquiro nidire ‘¿Poto iji-ajari?’ ni masi duana Cohãcjũre ye ihño duti tuhueracãhña”, nine Cohãcjũ yere tiquina ojoari p̄, niahye Jesu.

<sup>8</sup> Tiquiro sa ni ȳhtiri bato ãhm̄a ȳhd̄d̄ c̄n̄p̄ Jesure ne m̄jahye wat̄no tja. T̄ buip̄ ne m̄ja sa p̄je, ijipihtiyeh macarine ihñodoque di-jiyahye Jesure. Tiquina c̄oyeh ḡh̄re ihñoahye.

<sup>9</sup> Sa ihño Jesure ohõ saha nimahye:

—Ȳh̄re d̄sepe curi mehna quehe sa, ño peoya m̄h̄. M̄h̄ sa yegã ijipihtiyeh ahri macarine m̄h̄re ohoutja, ni yahumahye wat̄no.

<sup>10</sup> Tiquiro sa nigã Jesu ohõ saha ni ȳhtiahye:

—Satana, wahaya m̄h̄. Ohõ saha nine Cohãcjũ yere tiquina ojoari p̄: “M̄h̄ p̄h̄toro Cohãcjũ dihitare ño peoya. Tiquiro ye dutiyeh dihitare yeh”, nine Cohãcjũ yere tiquina ojoari p̄, niahye Jesu wat̄nore.

<sup>11</sup> Tiquiro sa nigã t̄h̄oro wat̄no wahaa wahahye. Tiquiro wahari bato angele pehe wih̄, Jesure yedohoyeh ihyayere ohoahye angele.

*Galilea yehpap̄ Jesu buhe d̄cahyeh*  
(Mr 1.14-15; Lc 4.14-15)

<sup>12</sup> Sa ye Ñure peresup<sub>u</sub> tiquina yegã tũhoro, wahaah wahahye Jesu. Waha, Galilea yehpap<sub>u</sub> esahye. <sup>13</sup> Top<sub>u</sub> ijiri macap<sub>u</sub> Nazarep<sub>u</sub> waha, yũhd<sub>u</sub> cã, Capernau wame tiri macap<sub>u</sub> esahye. Galilea wame tiri ditara dũht<sub>u</sub> cahap<sub>u</sub> ijiri Capernau. Ti maca Zebulón yehpa cahap<sub>u</sub>, Neftalí yehpa cahap<sub>u</sub> ijiri Capernau. Top<sub>u</sub> esa, ijiahye Jesu. <sup>14</sup> Sata yeahye Jesu panop<sub>u</sub> cjãno Cohãcjũ yere yahu mũhtariquiro Isaia tiquiro ni ojoariro sahata. Ohõ saha ni ojoahye:

<sup>15</sup> Zebulón yehpa cahap<sub>u</sub>, Neftalí yehpa cahap<sub>u</sub>, ditarap<sub>u</sub> wahari mahap<sub>u</sub>, Jordã wame tiri ma ape sie pahrẽp<sub>u</sub> Galilea yehpa ijire. Ti yehpa judio masa ijieyequina ya yehpa ijire. <sup>16</sup> To cjẽna Cohãcjũ yere quehnoano masiedare. Sa masiedapeta quehnoariquirore ihñañep<sub>u</sub> masieta. Tiquina pehe Cohãcjũre ne masiedare. Sa yeye pecap<sub>u</sub> wahaboriquina ijimahye. Sa yero ihcãquiro tiquinare Cohãcjũ yere masigã yerota, ni ojoahye Isaia.

<sup>17</sup> Top<sub>u</sub> ijiro, Cohãcjũ yere yahu dũcahye Jesu:

—Musa ñaãe yerire bũjũa witiya. Sa yena quehnoañene comesaya. Æhmuse cjãno Cohãcjũ ijipihtiyequina pũhoro tiquiro ijiato mehenogã dũhsare, ni yahu dũcahye tiquiro.

*Pititiaro wahi wejẽñequinare tiquiro mehna cjẽna  
ijiatiquinare pijiahye Jesu  
(Mr 1.16-20; Lc 5.1-11)*

<sup>18</sup> Sa ye Galilea wame tiri ditara dũht<sub>u</sub> cahap<sub>u</sub> esaro, Simore, tiquiro bahũro Andre mehna boca sahye Jesu. Simo tiquina Pedro ni pisuriquiro

ijiahye. Tiquina pehe wahi wejẽñequina ijiye, tiquina wẽñecjũre doque ñoñe niahye ditarapũ.

<sup>19</sup> –Yũhũ mehna cjãna ijianaja ahtaya mũsa. Yũhũ mehna mũsa ahtagũ mũsa wahire ñehe cahmecoana mũsa ijiro saha, Cohãcjũ yequina iji-atiquinare masare piji cahmecoana ijigũ yeitja mũsare. Yũhũ mehna mũsa ahtagũ sa yeanajare cõtja mũsare, niahye tiquiro tiquinare.

<sup>20</sup> Tiquiro sa nigũ tũhoyeta tiquina wẽñecjũre cũ cã, tiquiro mehna wahahye.

<sup>21</sup> Sa ye Jesu tiquina mehna yũhdũ cã, Santiagore tiquiro bahũro Ñũ gũhũre boca sahye tja. Tiquina Zebedeo pohne ijiri. Tiquina yaria yucũsapũ tiquina pacũro mehna tiquina wẽñecjũre quehnoñe niahye. Tiquina pũarore tiquiro pijioahye. <sup>22</sup> Tiquiro sa pijiogũ tũhoye, tiquina pehe duita tiquina pacũrore, yucũsa gũhũre cũ, Jesu mehna wahahye.

### *Peyequina masare buheahye Jesu*

*(Lc 6.17-19)*

<sup>23</sup> Sa ye ijipihtiropũ Galilea yehpare Jesu buhe tinidi. Judio masa mari buheye wũhũsepũ quehnoañe buheyere, ahmũse cjãno tiquiro pũhtoro ijiye tiyere buheri. Tiquinare buhe, dohatiyequinare quehnoa wahagũ yero, ijipihtiye dohatiyere yũhdũori tiquiro. <sup>24</sup> Tiquiro sa yegũ tũhoye Siria yehpa cjẽna ijipihtiropũ ti yehpapũ ijieyequina tiquirore masi dũcari. Sa masiñe, sijoro saha ijiye dohatiye cũoyequinare, watĩare cũoyequinare, ñama yariaye cũoyequinare, tini masieñequina gũhũre ne sari. Sa yero ijipihtiyequina tiquinare yũhdũgũ yeri Jesu.

25 Tiquiro sa yegū ihñañe, Galilea yehpa cjēna, Decapoli cjēna, Jerusalē cjēna, Judea yehpa cjēna, Jordā ape sie pahrē cjēna peyequina masa tiquiro mehna wahari.

## 5

*Сунурн мѣја, торн буеаһе Jesu масаре  
(Lc 6.20-23)*

<sup>1</sup> Sa ye masa peyequina tiquiro caharн tiquina esagū ihñano Jesu сунурн мѣјаа wahahye. Мѣја sa, торн dujahye. Торн dujigū tiquiro buheyequina tiquiro caharн esahye. <sup>2</sup> Tiquina esagū ihñano ohō saha ni buhe ducahye.

<sup>3</sup> —Tiquina ñañene bujнa witiyequina Cohācjūre cahmeñequina bucueyequina ijire. Ъhmuse cjāno tiquiro puhtoro ijiropнre wahaeta tiquina. Ъhmuse cjē tiquina ye ijire.

<sup>4</sup> 'Utiyequina gūнн bucueyequina ijire. Tiquinare bucuegū yerota mari Pacн.

<sup>5</sup> 'Apequinare yнhdнdнca dueyequina “Ihyo ijina ijiaja нсā”, ni tаhotuyequina bucueyequina ijire. Cohācjū “Ohoutja”, tiquinare tiquiro nidi yehpare cнoeta tiquina.

<sup>6</sup> 'Cohācjū dutiro saha ye duayequina, quehnoañene ye duayequina bucueyequina ijire. Cohācjū tiquiro yedohogū tiquina quehnoañene yeducueta.

<sup>7</sup> 'Apequinare paja ihñañequina bucueyequina ijire. Tiquina sa paja ihñagū Cohācjū tiquina gūннre paja ihñanota.

<sup>8</sup> 'Tiquina ñañene cosenohriquina bucueyequina ijire. Cohācjūre ihñaeta tiquina.

<sup>9</sup> 'Apequinare cahmequedagũ yeyequina bu-  
cuyequina ijire. Tiquinare "Yũhũ pohna ijire",  
ninota Cohãcjũ.

<sup>10</sup> 'Cohãcjũ dutiyere tiquina yeri buhiri ape-  
quina ñano yere Cohãcjũ tiquiro dutiriquinare.  
Tiquina sa ñano yegũ bucuyequina ijire tiquina  
pehe. Ɔhmũse cjũno tiquiro pũhtoro ijiropũ tiquiro  
yere cũoeta tiquina.

<sup>11</sup> 'Yeere mũsa yeri buhiri apequina mũsare  
tiquina tuhtiepegũta bucuena ijire mũsa. Mũsare  
tiquina ñano yepegũta bucuena ijire mũsa.  
Yeequina mũsa ijiri buhiri mũsare ijipihtiye  
ñañe tiquina quitĩ dojomehnepegũta tiquina ni  
mehoepegũta bucuena ijire mũsa. <sup>12</sup> Cohãcjũ yere  
yahu mũhtariquinare mũsa pano ijiriquinare  
tiquinapũreta ñano ye mũhtahye. Tiquinare  
yeriro sahata mũsa gũhũre apequina sa yegũ  
bucueya. Quehnoano jeripohna tiya. Sa yero  
ũhmũsepũ mũsa esagũ pajiro quehnoano yerota  
mũsare Cohãcjũ, ni yahuahye Jesu.

*Moa yero saha, buhrioro yero saha ijire Jesu  
yequina*

*(Mr 9.50; Lc 14.34-35)*

<sup>13</sup> Sa ye Jesu buhe nemoahye:

—Moa mehna wahiquiro dihire ti ñano  
wahaeragũ yero sahata mũsa pehe yeequina  
pehe ijipihtiyequina apequinare ñañene tiquina  
ye dueragũ yere. Sa ijieperota moa pehe ti ñañe  
wahagũ pari turi quehnoañe ye masiedare. Ti  
moa ne quehnoaedare. Ti sa wahagũ ti moare  
cohãno cahmene. Ti moare cohãri bato ti bui masa  
cahta cũre. Ne dahseati ijierare ti moa tiquiro



cohãñe. (Ti dũhseati ijieraro saha ijieracãhña m̃sa. Cohãcjũ ye pehere cohãedacãhña,) ni yahuahye Jesu.

<sup>14</sup> Sa ye tiquiro buhe nemoahye:

—Buhrioro marine ihñagũ yero sahata m̃sa pehe yeequina pehe ahri yehpa cjẽnare Cohãcjũre masigũ yere. Cũnũ bui ijiri macare nũono basioerare. <sup>15</sup> Sa ye sihãriare masa sihãñe, sutu docapũ moha dapo masiedare. Tiare sihãriare uhmũanopũ duhu peore ti wũhũ cjẽna ijipihtiyequina tiquina ihñatiare. <sup>16</sup> Ohõ sahata m̃sa gũhũ buhrioro yero saha ijina, quehnoañene yeya. M̃sa sa yegũ ihñañe masa mari Pacũ uhmũse cjãnore ño peo, “Tutuagũ, quehnoagũ ijire”, nieta, ni yahuahye Jesu.

*Cohãcjũ tiquiro dutiyere tiquiro ojoari gũhũre yahuahye Jesu*

<sup>17</sup> Sa ni tuhasa, tiquinare yahu nemoahye:

—Ahrire m̃sa masigũ cahmeaja yũhũ. Cohãcjũ dutiyere Moiserere tiquiro cũrre, tiquiro yere yahu m̃htañequina tiquina ojoari gũhũre cohãgũ tagũ niedũ. Ti dutiyere m̃sare quehnoano yahu potou tũũ nii. Ti dutiyere poto ijigũ ihñou ahtaũ. Ti dutiye nidiro sahata ye sohtori tii tũũ nii. <sup>18</sup> Ijirota m̃sare niaja. Pihitiri deco pano ijinigũ Cohãcjũ dutiye Moiserere tiquiro cũrre ne mehenogã cohãsi mari. Ahri yehpa, uhmũse gũhũ ti ijiro puno tiquiro dutiye gũhũ ijirota. <sup>19</sup> Sa yeye ti dutiyere ihquẽquina yũhdũdcaye, apequinare sata ye dutiye, uhmũse cjũno tiquiro pũhtoro ijiropũ cahacjẽna yero saha ijieta. Ihcã dutirogã ijiepegãta tiquina yũhdũdcaye, cahacjẽna yero saha ijieta

tiquina. Apequina ti dutiyere quehnoano yeye, apequinare tiquina yero saha ye dutiye, ʌhmʌse cĵāno tiquiro pʌhtoro ijiropʌ pʌhtoa yero saha iji-eta tiquina pehe. <sup>20</sup> Mʌsare niita niaja yʌhʌ. Judio masare buheyequina, fariseo masa gʌhʌ Cohācĵū cahmeñene queoro yerare. Tiquina yʌhdʌoro Cohācĵū cahmeñene yeya mʌsa. Mʌsa sa yerana, tiquiro pʌhtoro ijiropʌre ne esasi mʌsa, ni yahuahye Jesu.

*Usuayere yahuahye Jesu  
(Lc 12.57-59)*

<sup>21</sup> Sa ni tuhasa, tiquinare yahu nemoahye:

—Panopʌ cĵēna ohō saha ni tiquina yahurire tʌhori jimedi mʌsa: “Masare wejēdacāhña. Masare wejēdiquirore tiquina buhiri dahreatiquiro ijire”, tiquina nidire tʌhori jimedi mʌsa. <sup>22</sup> Ahri tiquina yahuri yʌhdʌo cĵūno mʌsare ahri pehere yahu nemoutja. Tiquiro acayʌro mehna usuariquiro pehe tiquina buhiri dahreatiquiro ijire masʌnore wejēdiquiro yero saha. Tiquiro acayʌrore tuhtiriquiro “Ne tʌho masiñe mariegʌ ijire mʌhʌ”, nidiquiro buhiri dahre dutiyequina cahapʌ tiquina neatiquiro ijire. “Tʌho masiegʌ ijire mʌhʌ”, tiquiro acayʌrore sa nidiquirore pecapʌ wahaboaga tiquiro.

<sup>23</sup> Mʌsa acayʌro mʌsare tiquiro ihña tuhtigʌ ohō saha yeya. Cohācĵū wʌhʌpʌ Cohācĵūre mʌsa ño peoato pano, tiquirore wahiquirore mʌsa ohoato pano ohō saha yeya. <sup>24</sup> Cohācĵūre mʌsa ohoatire duhu cū, mʌsa acayʌro cahapʌ waha, “Pari turi cahmequedacūhna. To punota duhuuhna tire”,

niña tiquirore. M̄sa sa nidi bato Cohãcjũre oho, ño peona wahaya tiquiro ya w̄h̄m̄p̄.

<sup>25</sup> 'Apequiro m̄h̄re yahusã duaro, p̄h̄toro masare beseriquiro cahap̄ m̄h̄re tiquiro nea duagã, tiquiro mehna usuaro marieno ijiya. Beseriquiro cahap̄ tiquiro neato pano tiquiro mehna quehnoano ijiya. M̄h̄ sa yegũ ihñano tiquiro m̄h̄re yahusãedaboaga. M̄h̄ sa quehnoano ijieragã ihñano top̄re m̄sa esagũ tiquiro pehe m̄h̄re masare beseriquirore yahusãnota. Tiquiro sa yahusãgã, beseriquiro pehe peresu yeyequinap̄re m̄h̄re ohorota. Sa yeye tiquina m̄h̄re peresu yeeta. <sup>26</sup> Ijirota niaja m̄h̄re. Top̄ ijiniita m̄h̄. Tee tiquina wapa ye dutirire m̄h̄ wapa ye pehogap̄ wijiaguta m̄h̄, ni yahuahye Jesu.

### *Apequiro namono mehna ñano yeyere yahuahye Jesu*

<sup>27</sup> Ohõ saha ni yahu nemoahye Jesu:

—Panop̄ cjẽnare ohõ saha tiquina ni yahurire t̄h̄ori jimedi m̄sa: “Apequiro namono mehna ñano yeracãhña”, tiquina nidire t̄h̄ori jimedi m̄sa. <sup>28</sup> Ahri tiquina yahuri ȳh̄d̄o cjũno m̄sare ahri pehere yahu nemoutja. Numinore ñehedaperota, ihcãquiro ticorore ñano tutuaro cahmeno, ñano wacũ t̄hoturo, ñano ye tuhasari ticoro mehna.

<sup>29</sup> Sa yeḡ m̄h̄ capea poto pehep̄ ijiria mehna ñano yeḡ, tiare ore we ne m̄h̄ cohãboriro sahata ti ñañene duhuya. Tire duhueraḡ pecap̄ wahaguta. M̄h̄ capeare m̄h̄ cohãgã tia capea dihita butire. M̄h̄ pehere pecap̄ m̄h̄ wahagã

ña yuħduare. Sa yegu ti ñañene duhuya. <sup>30</sup> Sa yegu mũhu omoca poto pehe ijiri omoca mehna ñano yegu, ti omocare mũhu dute cohãboriro sahata ti ñañene duhuya. Tire duhueragu pecapu wahaguta. Mũhu omocare mũhu cohãgũ ti omoca dihita butire. Mũhu pehe pecapu mũhu wahagũ ña yuħduare. Sa yegu ti ñañene duhuya, ni yahuahye Jesu.

*Tiquiro namonore cohãñene, wame peoye gũhare yahuahye Jesu*

*(Mt 19.9; Mr 10.11-12; Lc 16.18)*

<sup>31</sup> Ohõ saha ni yahu nemoahye Jesu:

—Panopũ ahri gũhare niahye: “Tiquiro namonore cohã duariquiro tiquiro cohãtire yahuri pũ mehna ticorore cohã masine”, nimahye panopũ. <sup>32</sup> Ahri tiquina yahuri yuħduo cjũno mũsare ahri pehere yahu nemoutja. Tiquiro namono apequiro mehna ñano yericoro ticoro ijierapegũta ticoro manũno ticorore cohãboaga. Ticoro sa cohãnohricoro apequiro mehna omoca duħtero, ñano yero niaga ticoro apequiro mehna ijiro. Ticoro manũno ticorore tiquiro cohãri bato ticorore apequiro mehna ñano yegũ yere. Sa yero tiquiro bato namo tiriquiro gũhu ticoro mehna ñano yero nine, ni yahuahye Jesu.

<sup>33</sup> Ohõ saha ni yahu nemoahye Jesu:

—Panopũ cjẽna ohõ saha tiquina ni yahurire tuħori jimedi mũsa: “Mũsa nidiro sahata yeya. ‘Cohãcjũ mehna poto sa yeitja’ mũsa nidiro sahata yeya”, tiquina ni yahurire tuħori jimedi mũsa. <sup>34</sup> Ahri tiquina yahuri yuħduo cjũno mũsare ahri pehere yahu nemoutja. “Uħmũse mehna

poto nii niaja”, ni ʼhmʼuse mehna wame peoeracāhña. ʼHmʼuse pehe Cohācjũ mari pʼhutoro tiquiro ijiro ijire. Ihyo ijiro ijierare. Sa ijigũ ihñana sa niedacāhña. <sup>35</sup> Ahri yehpa mehna ne wame peoeracāhña. Ahri yehpa Cohācjũ ya yehpa ijire. Sa ijigũ ihñana sa niedacāhña. Jerusalē mehna ne wame peoeracāhña. Tutuariquiro mari pʼhutoro ya maca ijire Jerusalē. Ihyo ijiri maca ijierare. Sa ijigũ ihñana sa niedacāhña ti wamene. <sup>36</sup> “Yʼhʼu dapu mehna poto nii niaja”, ni wame peoeracāhña. Mʼusa poari yehseye poari wahagũ ye masiedare mʼusa. Ti poarire ñiñe wahagũ gũhʼure ye masiedare mʼusa. Sa ye masiena “Yʼhʼu dapu mehna poto nii niaja”, ni wame peoeracāhña. <sup>37</sup> “Yenatja”, nina wame peoro marieno ohõ saha dihita tĩre niducuya. “Yesi”, nina gũhʼu wame peoro marieno niducuya. Mʼusa wame peo nina, watĩno ñariquiro dutiro saha yena niaga, ni yahuahye Jesu.

*Tiquina cahme ihña tuhtiyere yahuahye Jesu  
(Lc 6.29-30)*

<sup>38</sup> Ohõ saha ni yahu nemoahye Jesu:

—Panopʼu ohõ saha tiquina ni yahurire tʼhori jimedi mʼusa. “Mʼuhʼure apequiro mʼuhʼu capeare tiquiro quẽ tihāriro sahata mʼuhʼu gũhʼu tiquirore quẽ tihã cahmeña. Mʼuhʼu upiriare tiquiro quẽ nuhariro saha mʼuhʼu gũhʼu quẽ nuha cahmeña”, tiquina nidire tʼhori ijimedi mʼusa. <sup>39</sup> Tiquina yahuri yʼhdʼu cjũno ahri pehere yahu nemoutja mʼsare. Mʼuhʼure ñano yeriquirore sa ihña cāhña. Ihcã pehe mʼuhʼu wahsupure tiquiro quẽgũ, ape sie gũhʼure quẽ dutiya tiquirore. <sup>40</sup> Apequiro

buhiri dahre dutiriquiروه m̄h̄ure tiqiuero yahusãgũ, dutiriquiروه pehe m̄h̄u camisare m̄h̄ure yahusãriquiروه oho dutiboaga. Tiquiروه oho dutigũ, tiquiروه ohoya. M̄h̄u bui cjã suhtiro gũh̄ure oho nemoña tiquiروه. <sup>41</sup> Apequiروه surara apee borore ihcã kilómetro m̄h̄ure tiqiuero nea basa dutigũ, ape kilómetrore waha nemoña tja. <sup>42</sup> M̄h̄ure sinidiquiروه ohoya. Sa yegũ apequiروه m̄h̄ure waso dutigũ wasoya tiquiروه, ni yahuahye Jesu.

*M̄sare ihña tuhtiyequinare cahña*  
(Lc 6.27-28, 32-36)

<sup>43</sup> Ohõ saha ni yahu nemoahye Jesu:

—Masa ohõ saha nine: “M̄sa mehna cjẽnare cahña. Sa yena m̄sare ihña tuhtiyequinare ihña tuhti cahmeña tja”, tiquina nidire t̄h̄ori jimedi m̄sa. <sup>44</sup> Tiquina yahuri ȳhd̄uo cjũno ahri pehere yahu nemoutja m̄sare: M̄sare ihña tuhtiyequinare cahña. M̄sare ñano yeyequinare tiquina ye ijiatire Cohãcjũre sini basaya. <sup>45</sup> M̄sa sa yena mari Pac̄u uhm̄use cjũno pohna ijire m̄sa. Cohãcjũ pehe ihcãno saha yere masare. Ñañequina gũh̄ure quehnoañequina gũh̄ure asũ asigũ yere tiqiuero. Sa yero Cohãcjũ dutiyere yeyequina gũh̄ure, yeyequina gũh̄ure acoro ahtagũ yere tiqiuero. Masare ihcãno saha tiqiuero yeriro sahata m̄sa gũh̄u yeya. <sup>46</sup> M̄sare cahñequina dihitare m̄sa cahĩgũ ti ne d̄h̄seati ijierare. Wapa ne cohteyequina gũh̄u sata yere. Sa yena ijip̄ihtiyequinare cahña. <sup>47</sup> M̄sa acaye dihitare m̄sa quehnoano piti cagũ ti ne d̄h̄seati ijierare. Cohãcjũre masieñequina gũh̄u sata yere. Sa yena

ijipihtiyequinare quehnoano piti caya. <sup>48</sup> Ñañe mariena ijiya m̄sa. Mari Pac̄m̄ ʌhm̄use cj̄no tiquiro ñañe marieniquiro tiquiro ijiro sahata m̄sa ḡh̄m̄ ñañe mariena ijiya, ni yahuahye Jesu.

## 6

### *Quehnoañe yeyere yahuahye Jesu*

<sup>1</sup> Pari turi tiquiro yahu nemoahye:

—Cohãcj̄ ye ijiatire quehnoañene yena, tire masare “Ohõ saha ijiḡm̄ ijiaja yah̄m̄”, ni ye ihñoredacãhña apequinare. M̄sa sa ni ye ihñori buhiri quehnoañene m̄sa yeri d̄h̄seati ijierare. Sa yero Cohãcj̄ ʌhm̄use cj̄no quehnoañene m̄sa yeri wapa m̄sare ohosi.

<sup>2</sup> Sa yena pejec̄m̄oyequinare yedohona, tire masare ye ihñoredacãhña. Masa tiquina ihñenop̄m̄ yedohoya tiquinare. Sata ihquẽquina ye ihñore mahap̄m̄ ijiyequinare, judio masa mari buheye w̄h̄usep̄m̄ ijiyequina ḡh̄m̄are. Tiquina mari ihñono dihita quehnoano iji mehoñequina ijire. Sa ye ihñore tiquina, “Quehnoañequina ijire ahriquina”, masare ni ihña dutiye. Tiquina sa ni ihñaḡm̄ sa ye ihñoñequina pehe bucue tuhasari. “Quehnoañequina ijire”, ni masa tiquina ño peoḡm̄ bucue tuhasari tiquina. Sa yero Cohãcj̄ pehe ne bucue nemoḡm̄ yesi tiquinare. <sup>3</sup> Sa yena pejec̄m̄oyequinare yedohona, masa tiquina ihñenop̄m̄ yedohoya tiquinare. M̄sa mehna cj̄ena mehna ijina tiquina ihñeno pejec̄m̄oyequinare yedohoya. <sup>4</sup> Masa tiquina ihñenop̄m̄ m̄sa yedohoepeḡta Cohãcj̄ pehe ihñare. Sa ihñano

musa sa yeri wapa ohorota musare, ni yahuahye Jesu.

*Cohãcjüre siniñene yahuahye Jesu  
(Lc 11.2-4)*

<sup>5</sup> Pari turi tiquiroya yahu nemoahye:

—Cohãcjüre sinina, masa ihñoño dihita quehnoano iji mehoñequina yero saha yeracãhña musa. Judio masa mari buheye wuhusepu ducu, mahapu gũhare ducu, Cohãcjüre sini ihñoñe tiquina masare. Sa sini ihñoñe poto masa tiquina ño peoye mehna tiquina bucue tuhasari.

<sup>6</sup> Cohãcjüre sinigu tagu, muhu ya tucũpu biha saña. Biha saña, mari Pacu ihñamehneniquirore siniña. Musa sa yegũ masa marienopu musa siniepegũta mari Pacu musare tuhorota. Sa tuhoromusare quehnoano yerota tiquiroya.

<sup>7</sup> Sa yena Cohãcjüre sinina, tuhoturo marieno musa sinidireta pari turi sini majare tojoeracãhña. Ohõ sahata yere Cohãcjüre masieñequina. “Peye tahari ihcãno saha usã sinigũ Cohãcjũ usãre tuhorota”, ni tuhotumene tiquina. <sup>8</sup> Tiquina yero saha yeracãhña musa. Musa siniato pano mari Pacu musa cahmeñene masi tuhasare. <sup>9</sup> Sa yena ohõ saha ni siniña musa Cohãcjüre:

Usã Pacu, uhmuse cjũ muhu quehnoagu sa ijiducure.

<sup>10</sup> Yojopure ijipihtiequina puhto ijiya. Uhmusepu muhu dutiro sahata tiquina yeriro sahata ahri yehpa cjeña gũhu yeahro.

<sup>11</sup> Sa yegu decoripe usã ihyatire ohoducuya usãre.

<sup>12</sup> Apequina usãre tiquina ñano yerire usã boaja. Sa yegu muhu gũhu usã ñano yerire boya.



13 Sa yegũ usã ñañene ye duagũ usã tutuaro cah-megũ ihñagũ tire usãre ye dutiegũta. Sa yegũ usãre usã ñañene yeragũ yeya.

Mũhũ usã pũhto tutuagũ sa ijiducugũta. Ijipihtiye-quina mũhare sa ño peoducuahro, ni siniña Cohãcjũre.

14 'Apequina mũsare tiquina ñano yerire mũsa bogũ ihñano, mari Pacũ mũmũse cjũno gũhũ mũsa ñano yerire borota. 15 Sa boeperota apequina mũsare tiquina ñano yerire mũsa boaeragũ mari Pacũ gũhũ mũsa ñano yerire bosì, ni yahuahye Jesu.

### *Sijiyere buheahye Jesu*

16 Sa yero tiquiro tiquinare yahu nemoahye:

—Cohãcjũre ño peona tana sijina bujũa witiye-quina yero saha ye ihñoedacãhña. Sata yere masa ihñoño dihita quehnoano iji mehoñequina. Tiquina wũhdoa paca bujũa witiyequina yero saha ijire. Tiquina sa ijiequina ijigũ tiquina sijigũ ihña masine masa. Ijirota mũsare nii niaja. Masa tiquinare ño peogũ cahmene tiquina. Sa yeye tiquinare tiquina ño peogũ ihñañe bucue tuhasari. Cohãcjũ pehe tiquirore tiquina ño peori wapa tiquinare bucuegũ yesi. Sa yena tiquina yero saha ye ihñoedacãhña mũsa. 17 Mũsa sijina, mũsa poarire aco mehna wa peo wũhapo peoya. Sa yena mũsa wũhdoa pacare coseya. 18 Mũsa sa yegũ mũsa sijigũ ihña masisi masa. Cohãcjũ dihita mũsa sijiyere ihña masinota. Mũsa sehsharo mũsa ijigũ tiquiro mũsa mehna sa ijiducure. Sa ihñano tiquiro mũsare quehnoano yerota tiquirore mũsa ño peori wapa, ni yahuahye Jesu.

*Ʋhmuse cjēne cɥo dutiahye Jesu  
(Lc 12.33-34)*

<sup>19</sup> Sa yero tiquiro yahu nemoahye:

—Ahri yehpa cjēne ne cahmecoedacāhña. Ohō cjē ahbaa wahaboaga. Ti ahbaeragũ yaqueriquiro neboaga tire. Tiquiro yaqueragũ mecasia tɥaboaga. Sa yero ahri yehpa cjē butiaro cuarīne. Sa yena ahri yehpa cjēne tutuaro cahmedacāhña.

<sup>20</sup> Ʋhmuse cjē pehere cahmeña mɥsa. Ʋhmuse cjēne mecasia tɥa masiedare. Topɥ mɥsa cɥoye ne ahbaerare. Topɥre yaqueriquiro ne masiedare. Sa yena ɥhmuse cjēne cahmeña mɥsa. <sup>21</sup> Topɥ mɥsa cɥoye ijigũ, ɥhmuse cjēne Cohācjũ yere tutuaro wacũre mɥsa, ni yahuahye Jesu.

*Masa tiquina tɥhoturo sahata yere  
(Lc 11.34-36)*

<sup>22</sup> Sa yero ohō saha ni yahu nemoahye tiquinare:

—Sihāria quehnoano buhriogũ mari quehnoano ihña masino sahata quehnoañene tɥhotuye mehna quehnoano ye masinata mɥsa. Mɥsa tɥhoturo sahata yere mɥsa. Quehnoañene tɥhotuna quehnoano yere mɥsa. <sup>23</sup> Quehnoañene tɥhotuerana ñañene yere mɥsa. Mɥsa ñañe dihitare mɥsa tɥhotuducugũ ti ñañe pehe ña yɥhdɥye ijire, ni yahuahye Jesu.

*Niñerure cahñequina, Cohācjũ pehere cahñedare  
(Lc 16.13)*

<sup>24</sup> Sa yero tiquiro yahu nemoahye tiquinare:

—Ihcāquiro Cohācjũ pehere wacũno, tutua yɥhdɥaro niñeru pehere wacũedare. Niñeru pehere tutua yɥhdɥaro wacũno Cohācjũ pehere

wacũedare. Niñeru dihitare cahmediquiro ijiro Cohãcjũre bucuegũ yerare. Cohãcjũ gũhũre, niñeru gũhũre pũarore cahme yũhdũdũcaro basioerare mũsare.

*Cohãcjũ tiquiro pohnene ihña ihbore  
(Lc 12.22-31)*

<sup>25</sup> 'Sa yegũ ahrire mũsare nii niaja: Mũsa ihyayere, sihniñene, suhti gũhũre pajiro bujũa witi tũhotueracãhña. Mũsare bajumehnenno ihyayere ihyatina dihitare suhti sañatina dihitare Cohãcjũ yerari mũsare. <sup>26</sup> Minicjũa parire Cohãcjũ tiquiro ihña ihboyere masiña mũsa. Tiquina weseri marieñequina ijire. Sa yeye ihyayere tiquina ihboye wũhũse tiquinare mariedare. Mari Pacũ pehe tiquinare tiquina ihyatire ohore. Minicjũa yũhdũoro mũsa pehere cahñe Cohãcjũ. Sa yero mũsa gũhũre ihña ihborota tiquiro. <sup>27</sup> Pajiro mũsa tũhotuye mehna ti mũsare ihcã hora cati nemogũ yerare. Sa yero mũsa pajiro tũhotuye dũhseati ijierare.

<sup>28</sup> 'Sa yena mũsa suhti sañatire pajiro bujũa witi tũhotueracãhña. Nũcũ cjẽ cohorì ti cohojere tũhotuya. Ti cohorì ti basi suhtire yerare. Sa yerapeta ti cohorì quehnoañe suhti yero saha quehnoañe cohorì bajure. <sup>29</sup> Salomo manano quehnoañe suhtire sañariquiro tiquiro ijiepegũta ti cohorì pehe tiquiro yũhdũoro quehnoa yũhdũaye cohorì waro ijire. <sup>30</sup> Cohorìre quehnoañe cohorì yere Cohãcjũ pehe. Ti cohorì pehe meheñe decorigã ijiducu ñai bora dijiaa wahare. Mehenogã iji, ape decopũ pecapũ ujuũ wahare. Sa ijiepegũta cohorìre quehnoañe cohorì ijigũ yere Cohãcjũ. Sa yero Cohãcjũ

cohorire tiquiro quehnoañe cohuri tiquiro yeriro yuhduoro m̄sa ḡhure quehnoano yerota. Suhtire ohorota. Cohãcjũre mehenogã wacũ tutuare m̄sa. <sup>31</sup> Sa yena m̄sa ihyatire, m̄sa sihniatire, m̄sa suhti sañatire pajiro bujua witi t̄hotueracãhña. <sup>32</sup> Cohãcjũre cahmeeñequina pehe tire sa macaducuye nine. Mari Pacu ãhm̄se cjũno ijipihtiye m̄sa cahmeñene masine. Tiquiro sa masigũ pajiro bujua witi t̄hotueracãhña. <sup>33</sup> Cohãcjũ m̄sa p̄htoro tiquiro ijiatore cahme m̄htaña m̄sa. Ijipihtiye apee boro yuhduoro tiquirore cahmeña m̄sa. Quehnoañene tiquiro ye dutiye ḡhure cahmeña. M̄sa sa yeri bato Cohãcjũ pehe m̄sa cahmeñe d̄hsagũ ohorota. <sup>34</sup> Sa yena ñamiap̄re m̄sa d̄hse wahatore pajiro bujua witi t̄hotueracãhña. Ñamiare m̄sa ñano yuhdugũ Cohãcjũ yedohorota m̄sare. Miare m̄sa ñano yuhduato iji tuhasare. Sa yena mia cjẽ dihitarẽ t̄hotuya. Ape deco cjẽne pajiro bujua witi t̄hotu nemoedacãhña. Cohãcjũ pehe m̄sare yedohorota, ni yahuahye Jesu.

## 7

*Apequinare “Ñañequina ijire”, niedacãhña  
(Lc 6.37-38, 41-42)*

<sup>1</sup> Sa yero tiquiro tiquinare yahu nemoahye:

—Apequinare “Ñañequina ijire”, niedacãhña m̄sa. M̄sa sa niedagũ Cohãcjũ m̄sare “Ñana ijire”, nisi. <sup>2</sup> Apequinare “Quehnoano yerare”, m̄sa ni ihñano sahata Cohãcjũ pehe m̄sa ḡhure sata ni ihñanota. <sup>3</sup> Mari queoye mehna mari buhegũ ohõ saha yena ijire m̄sa. M̄sa acayuro

tiquiro capeap̄u meheni pohcarogã sajãgũ ti pohcarogãre quehnoano ihñare m̄usa. M̄usa ya capea pehere pajiri pjĩ ijiepegũta ti pjĩne ne ihñedare m̄usa. Meheni pohcarogãre m̄usa ihñano saha m̄usa acayuro tiquiro ñano yeye pehere quehnoano ihñare m̄usa. M̄usa basi m̄usa ñañene tutuaro yepenata tire masiedare m̄usa, pajiri pjĩne m̄usa ihñeno saha. ¿Duhse ijiro boro sa ijiajari m̄usa? <sup>4</sup> Ohõ saha nibona ijire m̄usa: “Yuh̄u acayuh̄, ñañene yei nine m̄uh̄. Sa yeḡu tire duhuya”, nibona ijire m̄usa. Sa nibona ijiepenata pajiro ñañene yere m̄usa. ¿Duh̄sena m̄usa ñañene yepenata tire masiedajari m̄usa? <sup>5</sup> Masa tiquina ihñono dihita quehnoano iji mehona ijire m̄usa sa yena. Pajiri pjĩne m̄usa capeap̄u ijiri pjĩne m̄usa ne m̄uhtaboriro sahata m̄usa ñano yeye pehere duhu m̄uhtaña. M̄usa sa yeri bato m̄usa acayuro tiquiro ñano yeyere duhugũ ye masiboaga, meheni pohcarogãre m̄usa neboriro sahata.

<sup>6</sup> Diayea yero saha ijiyequina, yesea yero saha ijiyequina gũh̄u ñañequina Cohãcjũ yere quehnoa yuh̄duyere tiquina ño peoerare. Tiquina pehere yahueracãhña. “Tiquina bujape, ñano niari”, nina, yahueracãhña tiquinare, ni yahuahye Jesu.

*Cohãcjũre mari siniñene yahuahye Jesu  
(Lc 11.9-13; 6.31)*

<sup>7</sup> Sa yero tiquiro tiquinare yahu nemoahye:

—Cohãcjũre siniña m̄usa. Sinina m̄usa nenata. M̄usa sinidire bocanata. Tiquirore sa siniducuya m̄usa. M̄usa sa yegũ tiquiro m̄usare ohorota.

<sup>8</sup> Ijpihtiyequina Cohãcjũre siniñequina neeta. Sa

yeye tiquina sinidire bocaeta. Sa yero ijipihtiye-  
quina Cohãcjãre sa siniducuyequinare tiqui-  
ro tiquinare ohorota.

<sup>9</sup> ¿Musa pohna pãgãre musare tiquina sinigũ utã  
pehere ohoboagari musa tiquinare? Ne ohosi.

<sup>10</sup> ¿Musa pohna wahire musare tiquina sinigũ  
aña pehere ohoboagari musa tiquinare? Ne  
ohosi.

<sup>11</sup> Musa ñana ijiepenata musa poh-  
nare quehnoañene ohoe tiri musa. Sa yero Cohãcjũ  
pehe musa yãhdũoro quehnoañene ohore musare  
tiqui-ro poh-nare tiqui-rore sininare. Musa poh-  
nare musa ohoriro yãhdũoro Cohãcjũ pehe tiqui-  
ro poh-nene ohore.

<sup>12</sup> Apequina musare tiquina quehnoano yegũ  
cahmene musa. Tiquinare musa quehnoano  
yegũ cahmeno sahata quehnoano yeya tiquina  
gũhure. Tiquina quehnoano yerapegũta musa  
pehe tiquinare quehnoano yeya. Sata ye dutire  
Cohãcjũ dutiye Moiserere tiqui-ro cũripũ, Cohãcjũ  
yere yahu mũhtariquina tiquina ojoari gũhũ, ni  
yahuahye Jesu.

*Meheni sopecahagã quitire yahuahye Jesu  
(Lc 13.24)*

<sup>13</sup> Sa yero tiqui-ro yahu nemoahye tiquinare.

—Hmũsepũ Cohãcjũ cahapũ waha duana tiqui-  
ro yere yero cahmene musare. Sa yena tiqui-ro yere  
sa ye macaedacãno cahmene. Meheni sopec-  
ahagãpũ musa sajã duagũ mijorĩne. Sata mi-  
jorĩne Cohãcjũ cahapũ musa waha duagũ. Pecapũ  
masa tiquina wahagũ mijoedare. Pajiri sopec-  
ahapũ mari sajãgũ mijoedare. Ti sopecahapũ  
masa tiquina sajãboro saha pecapũ masa tiquina

wahagũ mijoadare. Sa yeye peyequina masa topu wahaye nine. <sup>14</sup> Cohãcjũ cahapu msa waha duagũ mijorĩne. Meheñequinagã masa topu wahaeta. Topu wahayequina ijipihtiye decori Cohãcjũ mehna jiducueta, ni yahuahye Jesu.

*Yucugũ ducare masina, tu padũ gũhure masine msa*

*(Lc 6.43-44)*

<sup>15</sup> Sa yero tiquiro yahu nemoahye tiquinare:

—Quehnoano yeya. “Cohãcjũ yere yahu mũhtana ijiaja”, ni mehoñequinare tũhoeracãhña msa. Tiquina oveja yero saha usueyequina saha bajumene. Tiquina tũhotuyepu ñañequina ijire tiquina. <sup>16</sup> Tiquina ñano yegũ ihñana, ñañequina tiquina ijigũ masinata msa. Tiquina quehnoano yegũ ihñana quehnoañequina tiquina ijigũ masinata msa. Pota bucugũ uhse tũhorine dũca tierare. Potagũ higuera pacare dũca tierare. <sup>17</sup> Quehnoadu yucugũ quehnoañene dũca tire. Ñadu pehe ñañene dũca tire. <sup>18</sup> Quehnoadu yucugũ ñañene ne dũca tierare. Sa yero ñadu quehnoañene dũca tierare. <sup>19</sup> Quehnoañene dũca tieye cjare dũte cohã cã, pecapu ujãnata. Sata yerota Cohãcjũ tiquiro cahmeñene yerariquinare. <sup>20</sup> Sa yena “Cohãcjũ yere yahu mũhtana ijiaja”, ni mehoñequinare ohõ saha masinata. Tiquina yerire ihñana, tiquina ni mehoñequina ijigũ masinata, ni yahuahye Jesu.

*“Mũsare ne masiedaja”, ninota Cohãcjũ peyequina masare*

*(Lc 13.25-27)*

<sup>21</sup> Sa yero tiquiro yahu nemoahye tiquinare:





tutuario bora sa quehea wahahye, ni yahuahye Jesu.

<sup>28</sup> Tiquiro sa ni buhegã tũhoye, tũho maria wahahye masa. <sup>29</sup> “Tiquiro potota puhtoro ijire. Sa yero quehnoano masi pehoriquire ijiro marine buhere tiquiro. Mari judio masare buheyequina yero saha buherare”, ni tũhotuahye tiquina.

## 8

*Jesu cami bũcũ mũna wihirore yũhdũa wahagũ yeahye*

*(Mr 1.40-45; Lc 5.12-16)*

<sup>1</sup> Jesu cũnũpũ buhe dujiriquire dijaa wahahye. Tiquiro dijiagũ ihũãñe masa peyequina tiquiro bato wahahye. <sup>2</sup> Tiquiro sa wahagũ ihcãquire cami bũcũ mũna wihiro tiquirore piti ca, dũsepe curi mehna quehe sa, tiquirore siniahye.

—Puhto, mũhũ yũhũre yũhdũo duagu yũhdũoya, niahye.

<sup>3</sup> Tiquiro sa nigũ tũhoro tiquiro omoca mehna Jesu tiquirore ña peoahye.

—Tire ye duaja. Mũhũre yũhdũgũ yeitja, niahye Jesu tiquirore.

Tiquiro sa nigũta cami bũcũ mũna yatia wahahye. <sup>4</sup> Sa ni tuhasa Jesu tiquirore niahye tja:

—Yũhũ mũhũre ohõ saha yerire ne apequinare yahueracãhũa. Mũhũ pagũre quehnoari pagũ waharire pahire ihũogũ wahaya. Moiserere Cohãcjũ tiquiro cũriro sahata pahire minicjũare ohoya mũhũ yũhdũrĩre masa ijipihtiyequina tiquina masino quehnoano, niahye Jesu.

*Surara p̄htoro tiqiro cahacj̄no dohatiḡ Jesu  
ȳhd̄oahye tiqirore  
(Lc 7.1-10)*

<sup>5</sup> Sa ye Jesu Capernau wame tiri macap̄ tiqiro esaḡ cien surara p̄htoro tiqiro cahap̄ esa, tiqirore tutuaro oh̄ saha ni sinidi:

<sup>6</sup> –P̄hto, ȳh̄ cahacj̄no ne paḡ tutueriqiro waha masiedaro tiqirore tutuaro puriḡ ya w̄h̄p̄ cuñari tiqiro, nidi tiqiro Jesure.

<sup>7</sup> Tiqiro sa niḡ,

–Ā, tiqiro dohatiyere ȳhd̄oḡ wahautja, nidi Jesu.

Tiqiro sa niḡ oh̄ saha nidi surara p̄htoro:

<sup>8-9</sup> –P̄hto, quehnoanota. Wahaeḡta. Ȳh̄ ȳhd̄oro quehnoa ȳhd̄aḡ ijire m̄h̄. Ya w̄h̄p̄ m̄h̄re saj̄ ta dutiboḡ ijieraja ȳh̄. M̄h̄ masiñe mehna ȳhd̄oya tiqirore. M̄h̄ sa yeḡ ȳh̄ cahacj̄no quehnoa waharota. Ȳh̄re ȳh̄ bui ijiyequina apequina p̄htoa dutire. Ȳh̄ ḡh̄ surarare dutiaja. Ihc̄aquiore “Wahaya”, ȳh̄ niḡ tiqiro wahare. Apequiore “Ahtaya”, ȳh̄ niḡ tiqiro ahtare. Ȳh̄ cahacj̄nore “Ahrire yeya”, ȳh̄ niḡ tire yere. M̄h̄ ḡh̄ dutiḡta ijire. Sa yero m̄h̄ dutiro sahata tiqiro dohatiriqiro ȳhd̄rota, nidi tiqiro.

<sup>10</sup> Tiqiro sa niḡ t̄ho maria waharo, peyequina masa tiqiro mehna ijiyequinare oh̄ saha nidi Jesu:

–Ijirota m̄sare niita niaja. Ahriqiro surara p̄htoro Israe mas̄no ijieriqiro Coh̄c̄j̄re tutuaro wac̄u tutuare. Tiqiro cahacj̄nore ȳh̄ ȳhd̄ḡ yeatire masi tuhasare. Ne Israe masare ahriqiro yero saha ijiyequinare ihñedaga ȳh̄.

11 M̄sare niita niaja. Peyequina ahriquiroyero saha Cohãcj̄are wacũ tutuayequina ijipihtiro cj̄ena gũh̄u ʷhm̄use cj̄no p̄htoro tiquiroyero ijirop̄u esa, top̄u ijiyequina mehna ihyaeta. Abrahã, Isaac, Jacob mehna ihyaeta tiquina. 12 Masa apequina pehe Cohãcj̄ũ tiquiroyero p̄htoro ijirop̄u waha-boriquina tiquina ijiepegũta ñanop̄u nahitianop̄u cohã cãnota tiquinare. Top̄u tiquiroyero cohãriquina tutuaro uti, b̄j̄u witiye mehna bahque dihoeta, ni yahuri Jesu.

13 Tire sa ni tuhasa, surara p̄htorore nidi.

—Tojoahya m̄h̄u ya w̄h̄p̄u. M̄h̄u cahacj̄no ȳhd̄rota. “Potota ȳhd̄rota”, ni m̄h̄u t̄hoturiro sahata ȳhd̄rota, nidi Jesu.

Sa nigũta tiquiroyero cahacj̄no pehe quehnoa wahari.

*Pedro mareonore dohatiricorore ȳhd̄roahye Jesu*

*(Mr 1.29-31; Lc 4.38-39)*

14 Sa ye Jesu Pedro ya w̄h̄p̄u esa, Pedro mareono dohatigũ ihñahye tiquiroyero. Ujuaye tigũ cuñahye ticoro. 15 Ticoro sa ijigũ ihñano ticoro omocare ña peoahye. Tiquiroyero sa ña peogũta ujuaye surua wahahye. Surugũ t̄hoturo ticoro pehe wahcãd̄ca, tiquinare ihyayere peoahye.

*Jesu peyequina dohatiyequinare ȳhd̄roahye*

*(Mr 1.32-34; Lc 4.40-41)*

16 Sa ye ñamicahap̄u peyequina watĩare c̄oyequinare masa ne wihiahye Jesu cahap̄u. Tiquina sa ne wihigũ ihñano ihcã tahata tiquiroyero waha dutigũ watĩa wahaa wahahye. Sa yero ijipihtiyequina dohatiyequina tiquina ne

sariquinare yuhduo pehoahye Jesu. <sup>17</sup> Sata yeahye tiquiro panopu cǰũno Cohãcǰũ yere yahu mahtariquiro Isaia tiquiro nidiro sahata. Ohõ saha ni ojoahye: “Mari dohatiyere yuhduo cãnota tiquiro. Mari duti tiyere cohã cãnota”, ni ojoahye Isaia Jesure.

*Ihquẽquina Jesu mehna waha duamahye  
(Lc 9.57-62)*

<sup>18</sup> Ape taha Jesu peyequina masa tiquiro cahapu tiquina ijigũ ihñano, ohõ saha nidi.

—Ape sie pahrẽpu isa pehãuhna, nidi.

<sup>19</sup> Sa usã pehãto pano mari judio masare buheriquiro Jesu cahapu esa, ohõ saha nidi:

—Buhegu, mahu mehna waha duaja noho mahu waharopu, nidi.

<sup>20</sup> Jesu ohõ saha ni yuhtiri:

—Ihquẽquina nucũ cǰẽna wahiquina tiquina coperi cuore. Minicjua gũhu tiquina suhti cuore. Yuhu masu Cohãcǰũ ohorigu pehe yuhu carĩni wahu cuoeraja, ni yuhtiri Jesu.

<sup>21</sup> Sa ye apequiro Jesu buheriquiro ohõ saha nidi:

—Puhto, yuhu pacu tiquiro yariagũ yarĩgũtja. Sa ya tuhasagu pũrita mahu mehna wahagũtja, nidi tiquiro Jesure.

<sup>22</sup> Jesu yuhtiri:

—Yuhure cahmeeñequina yariariquina yero saha ijire. Tiquina pehe yariariquinare yaahro. Sa yegu mahu pehe yuhu mehna cǰũ ijiaçjũ ahtaya, nidi tiquiro.

*Jesu wihnonore yusu dutiahye  
(Mr 4.35-41; Lc 8.22-25)*

<sup>23</sup> Sa ni tuhasa yuc̄sap̄u sajãri. Sa yena usã tiquiro buhena gãh̄u tiquiro mehna waha, sajãu. <sup>24</sup> Ti ditarap̄u usã pehãgũ waro wihnono tutuaro wēdi. Sa yero pahcõri yuc̄sare quē mio cãmedi. Sa wihnono wēpegũta Jesu pehe carĩno nidi. <sup>25</sup> Sa wahagũ ihñana usã tiquirore wahcõu. Wahcõ ohõ saha nii:

—P̄hto, yuhd̄uoya. Mari minina tana niajã, nii usã.

<sup>26</sup> Usã sa nigũ Jesu yuh̄tiri:

—¿D̄hsena cue maca cãri m̄sa? Yuh̄re wacũ tutuerare m̄sa, nidi Jesu usãre.

Sa ninota wahcãd̄uca sa, wihnonore pahcõri gãh̄ure “Yus̄ahya”, nidi. Tiquiro sa nigũ wihnono yuhd̄ua wahari. Sa ye pahcõri gãh̄u yusu dijiaa wahari. <sup>27</sup> Tiquiro sa yegũ ihña ac̄ana, ohõ saha nii usã:

—¿Yohou, d̄hse ijiriquiro boro mas̄no ijiajari ahriquiro? Ahri wihnono, pahcõri gãh̄u tiquiro dutigũ yuhd̄ucaerare tiquirore, nii usã.

*Watã c̄oyequinare watãre cohãhye Jesu  
(Mr 5.1-20; Lc 8.26-39)*

<sup>28</sup> To bato pehã sa, Gadara cjēna ya yehpap̄u esau. Top̄u usã esagũ p̄aro um̄ua masa coperi cahap̄u ijiequina Jesure piti cari. Tiquina watãre c̄oyequina cuayequina ijiri. Sa yero top̄u masa tiquina wahamehnenno ijiri. <sup>29</sup> Tiquirore piti ca, sañuducuri:

—¿M̄h̄u Cohãcjũ mac̄u d̄hse yeḡu ahtajari m̄h̄u usã cahap̄ure? ¿Usãre Cohãcjũ tiquiro buhiri dahreati pje ijierapegũta usãre buhiri dahrei ahtau niajari m̄h̄u? ni sañuducuri tiquina.

<sup>30</sup> Tiquina cahapꝰ peyequina yesea maca ihyaye nidi. <sup>31</sup> Tiquinare ihñañe, watĩa ohõ saha nidi Jesure:

—Usãre cohãgꝰ sisequina cahapꝰ waha dutiya usãre. Tiquina mehna iji dutiya usãre, ni sinidi watĩa Jesure.

<sup>32</sup> —Aꝰ, wahaya, nidi Jesu.

Tiquiro sa nigũ watĩa pꝰaro masa mehna ijiriquina waha, yesea cahapꝰ esari. Tiquina mehna tiquina ijigãta yesea pari, pari cjũpꝰ oma maa buha, ditarapꝰ bora ñjoa, mini yaria phtia wahari.

<sup>33</sup> Tiquina sa wahagũ ihñañe yeseare ihña ih-boyequina pehe cuea waha, oma maa cãa wahari. Macapꝰ esa, yesea tiquina minidire yahu site pehoahye. Watĩare cꝰoriquinare Jesu watĩare tiquinapꝰare ijiriquinare cohã wiori gãhare yahu pehoahye tiquina. <sup>34</sup> Sa tiquina yahu siteri bato ti maca cjẽna ijipihtiyequina Jesure ihñañe ahtari. Sa ye tiquirore ihñañe, tutuaro mehna waha dutiri tiquirore.

## 9

### *Tini masieniquirore yꝰhdꝰoahye Jesu (Mr 2.1-12; Lc 5.17-26)*

<sup>1</sup> Sa ye Jesu yucꝰsapꝰ sajã, ditarapꝰ pehã, tiquiro masari macapꝰ esahye. <sup>2</sup> Topꝰ apequina tini masieniquirore tiquiro cuñari cahsero mehna yo wꝰa wihyahye Jesu cahapꝰ. “Jesu ahriquirrore dohatiyere yꝰhdꝰgũ yerota”, ni tꝰhotuahye tiquina. Tiquina sa ni tꝰhotugũ masino dohatiriquirrore ohõ saha niahye Jesu:

—Bucueya m̄h̄h̄. M̄h̄h̄ ñañe yeyere cohã tuhasa ȳh̄h̄, niahye tiquiro.

<sup>3</sup> Tiquiro sa nigũ t̄hoye ihquẽquina mari judio masare buheyequina ohõ saha ni t̄hotumahye. “Ahriquiro ihyo ijiriquiro sa nino ‘Cohãcjũ ijiaja’, nino nine. Sa nino Cohãcjũre ñano nino nine”, ni t̄hotumahye tiquina. <sup>4</sup> Tiquina sa ni t̄hotugũ masino, ohõ saha niahye Jesu:

—¿D̄hsena sa ñano t̄hotuajari m̄sa? <sup>5</sup> “M̄h̄h̄ ñañe yeyere cohã tuhasaja”, ȳh̄h̄ nigũ “Ni mehogu ijire”, nine m̄sa quehnoano masiedapenata. “Wahcãd̄uca, wahaya”, ȳh̄h̄ nigũ tiquiro tinigũ ihñana, ȳh̄h̄ nidi poto ijigũ duita m̄sa masinata. <sup>6</sup> Ȳh̄h̄ mas̄ Cohãcjũ ohorigu ahri yehpap̄ masa tiquina ñañe yeyere cohã masiaja ȳh̄h̄. Masa tiquina ñañe yeyere cohãcjũre c̄uri Cohãcjũ ȳh̄h̄re. Ȳh̄h̄ sa cohãrire m̄sa masiato saha ohõ sahata ye ihñoutja m̄sa ihñatire, niahye Jesu.

Sa ni tuhasa tini masieniquirore ohõ saha niahye:

—Wahcãd̄ucaya. M̄h̄h̄ cuñari cahserore ne cãhña m̄h̄h̄ ya w̄h̄h̄p̄, niahye tiquirore.

<sup>7</sup> Tiquiro sa nigũ t̄horo tini masieniquiro wahcãd̄uca sa, tiquiro ya w̄h̄h̄p̄ tojoa wahahye.

<sup>8</sup> Sa wahagũ ihñañe masa cueahye. Sa ye Jesure Cohãcjũ tiquiro tutuayere tiquiro ohogũ ihñañe masa Cohãcjũre ño peo, quehnoano yahuducuahye.

*Jesu Mateore pijiahye*

*(Mr 2.13-17; Lc 5.27-32)*

<sup>9</sup> Tiquina sa yeri bato Jesu top̄ ijiriquiro ahta, ȳh̄h̄re Mateore boca sari. P̄h̄toa ye ijiatire

masare wapa ne cohtegũ ijimi. Sa yegũ ti pjere yũhũ dahrari tucũrũ dujiĩ. Topũ yũhũ dujigũ ihñano ohõ saha nidi yũhũre:

—Yũhũ mehna cjũ ijiacjũ ahtaya, nidi Jesu yũhũre.

Tiquiro sa nigũ tũhogũ wahcãdũca tiquiro mehna wahũ.

<sup>10</sup> Came ya wũhũrũ Jesu gũhũ ihyaye ahtari. Peyequina wapa ne cohteyequina, “Ñano yeyequina”, tiquina niñequina gũhũ usã mehna ihyari.

<sup>11</sup> Tiquina mehna usã ihyagũ ihñañe, fariseo masa usãre Jesu buhenare ohõ saha nidi:

—¿Dũhse yero mũsare buheriquiro wapa ne cohteyequina mehna, ñano yeyequina mehna ihyari? nidi tiquina usãre tiquiro buhenare.

<sup>12-13</sup> Tiquina sa nigũ tũhoro Jesu pehe queoye mehna buhero yũhtiri:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire. Sa yegũ ñañequina dihitare tiquina ñañene yerire bũjũa witi duti, quehnoañe pehere comesagũ yei ahtaũ nii yũhũ. Tiquina basi “Quehnoana ijiaja usã”, ni tũhotuyequinare yedohogũ ahtaerũ. Cohãcjũ tiquiro nidire tiquina ojoarire masiña mũsa. “Wahiquinare mũsa wejẽ, ujuũ mũoñe mehna yũhũre mũsa ño peogũ cahmedaja. Apequinare mũsa paja ihñagũ pehere cahmeaja”, ni ojoahye. Ahri tiquiro ojoari dũhse nidire masiña mũsa. Tire quehnoano buhe nemona wahaya, nidi Jesu fariseo masare.



*Sijiyere sinituahye Ñu buheyequina Jesure  
(Mr 2.18-22; Lc 5.33-39)*

<sup>14</sup> Came Ñu wame yeriquiro buheyequina Jesu cahar<sub>u</sub> esa, sinituri:

—Ësã Ñu buhena pehe peye tahari Cohãcjäre ño peona tana, sijiaja. Fariseo masa gãh<sub>u</sub> sata sijire. ¿Duhse yeye mah<sub>u</sub> buheyequina pehe sijierajari? nidi tiquina Jesure.

<sup>15</sup> Jesu tiquiro t<sub>u</sub>hotuye mehna queoye mehna buhero taro tiquinare ohõ saha ni y<sub>u</sub>htiri:

—Ohõ saha ijire ti: Omoca d<sub>u</sub>hterop<sub>u</sub> tiquina pijioriquina omoca d<sub>u</sub>hteriquiro mehna ijiye, siji masiedare. Sata y<sub>u</sub>h<sub>u</sub> buheyequina gãh<sub>u</sub> y<sub>u</sub>h<sub>u</sub> mehna ijiye, siji masiedare. Y<sub>u</sub>h<sub>u</sub> omoca d<sub>u</sub>hteriquiro yero saha ijiaja. Omoca d<sub>u</sub>hteriquiro bose deco tiquiro yeg<sub>u</sub> tiquiro mehna cj<sub>ë</sub>na b<sub>u</sub>j<sub>u</sub>a witiye mehna ijierare. Sa yeye ihyeyequina ijierare. Y<sub>u</sub>h<sub>u</sub> Pac<sub>u</sub> Cohãcj<sub>u</sub> y<sub>u</sub>h<sub>u</sub>re tiquiro nedi bato p<sub>u</sub>ritare y<sub>u</sub>h<sub>u</sub> buheyequina mehna ijisi y<sub>u</sub>h<sub>u</sub>. Sa yeye ti p<sub>u</sub>ep<sub>u</sub>ta y<sub>u</sub>h<sub>u</sub> buheyequina gãh<sub>u</sub> sijieta, ni y<sub>u</sub>htiri Jesu.

<sup>16</sup> Panop<sub>u</sub> cj<sub>ë</sub> buheye wahma buheye mehna tiquina buhe more duag<sub>u</sub> ihñano ohõ saha ni nemori Jesu tiquinare queoye mehna buhero.

—Ne wahma cahsero suhtiro cahsero mehna m<sub>u</sub>nano suhtirore sere ohõno cahmedare. Sa yeg<sub>u</sub> wahma cahsero mari coseri bato m<sub>u</sub>nano suhtirore weje cahmeco, paji y<sub>u</sub>h<sub>u</sub>d<sub>u</sub>aro t<sub>u</sub>h<sub>u</sub>ng<sub>u</sub> yere. (Ahri yero saha m<sub>u</sub>na buheyere wahma buheye mehna piti dahre buheraro cahmene.)

<sup>17</sup> Sa yena ne uhse co bisiye core wahiquiro cahsero ajurore m<sub>u</sub>na ajurore pose yeraro cahmene. Sa yeg<sub>u</sub> uhse co bisiye pahmuñer<sub>u</sub> m<sub>u</sub>na ajurore

tuhre cãhre. Sa tuhngũ uhse co gãhu, ajuro gãhu cohãa wahare. Sa yena uhse co wahma core wahma ajuropũ pose yero cahmene. Sa yegũ uhse co cohãeda, ajuro gãhu cohãedare. (Sata wahma buheye muna buheye mehna buhe moredaro cahmene,) ni yahuri Jesu tiquinare.

*Jairo maconore maso, dii muna dohatiducuricoro gãhare yuhdũoahye Jesu*

*(Mr 5.21-43; Lc 8.40-56)*

<sup>18</sup> Tiquiro sa ni yahuri watoa mari judio masa pũhtoa mehna cjũno Jesu cahapũ wihiri. Wihi, dũsepe curi mehna quehe sa, ohõ saha nidi.

—Yũhu maco mianogã yariaa wahari. Ticorore mũhu omocare duhu peogũ ahtaya. Mũhu sa yegũ masanota, nidi tiquiro Jesure.

<sup>19</sup> Tiquiro sa nigũ tuhoro Jesu wahcãdũca tiquiro mehna wahari. Ûsã tiquiro buhena gãhu wahau.

<sup>20</sup> Ûsã mahapũ wahaducugũ topũ numino dii muna dohatiducuricoro Jesu batopũ ahta, tiquiro suhtiro sohtoare dahra tuhuahye. Doce cũhmari waro decoripe dii muna dohatiro niahye. <sup>21</sup> Ohõ saha ni tũhotuahye ticoro sa yero: “Ti suhtirore dahra tuhugo, quehnoa wahagota”, ni tũhotuahye ticoro. <sup>22</sup> Ticoro sa yegũ masino Jesu majaredũca, ticorore nidi.

—Maco, bucueya mũhu. Mũhu yũhũre wacũ tutuaye mehna quehnoago tojoare yojopũre, nidi tiquiro.

Tiquiro sa nigũta yuhdũa wahari ticoro.

<sup>23</sup> Sa ye tuhasa Jesu pũhtoro ya wũhũpũ esari. Topũ esa, ñehe quea utiyequinare weõgũ mate pohoro saha ijidũre putiyequinare ihñari. Peyequina

masa tiquina ñano bisigũ gũhare tũhori tiquiro.  
 24 Tiquina sa yegũ ihñano masare ohõ saha nidi:

—Wijiaya m̄asa. Yarierare ticoro. Carño nine, nidi tiquinare.

Tiquiro sa nigũ tũhoye “Sa ni maca cãno nine ahriquiro”, niñe, masa b̄j̄uri tiquirore. 25 Sa yero w̄h̄u puhiap̄are ijiyequina masare tiquiro wio pehori bato yariaricoro cahap̄u esa, ticoro omocare ñeheahye. Tiquiro sa ñehẽgũ masa quehe sa, wahcãd̄uca sahye ticoro. 26 Tiquiro sa yerire tũhoye, to cjẽna masa ijipihtiyequina yahu siteri.

*P̄aro caperi bajueyequinare ihñagũ yeahye Jesu*

27 Sa yero Jesu top̄u ijiriquiro wahagũ, p̄aro caperi bajueyequina tiquirore p̄isu n̄n̄u tãri:

—Davi panami iji turiaḡu, masare ȳhd̄uoac̄j̄u, usãre paja ihñaña m̄h̄u, ni sañuducuri tiquina.

28 Tiquina sa nigũta Jesu ape w̄h̄up̄u sajãri. Tiquiro sa sajãgũ masiñe caperi bajueyequina tiquiro cahap̄u sajãa wahari. Tiquina sa sajã sagũ ihñano tiquiro pehe sinituri tiquinare:

—¿“Marine ihñagũ yerota tiquiro”, ni tũhotuajari m̄asa ȳh̄are? nidi tiquiro.

—P̄uhto, sata ni tũhotuaja usã, ni ȳhtiri tiquina.

29 Tiquina sa nigũta tiquina caperire ña peori. Ña peo ohõ saha nidi:

—Ȳh̄are “Sa yerota”, m̄asa ni tũhoturiro sahata sa yeaja m̄sare, nidi Jesu.

30 Tiquiro sa nigũta tiquina caperi pehe quehnoa wahari. Sa ye Jesu ohõ saha nidi tiquinare:

—Ahri ȳh̄u ohõ saha yerire apequinare ne yahueracãhña, nidi.

<sup>31</sup> Tiquiro sa niepegãta waha, topu ijiyequinare yahu siteri tiquina tiquiro sa yerire.

*Yahuducueriquirore yahuducugã yeahye Jesu*

<sup>32</sup> Ti wuhare tiquina wijiagũ waro ihcãquiro yahuducueriquirore ne cãhtari masa. Watĩno tiquiro mehna ijiriquiro tiquirore yahuducueragũ yeahye. <sup>33</sup> Tiquina ne sagũ ihñano watĩnore Jesu cohã wiori. Tiquiro sa cohãgũ watĩnore cuoriquiro pehe yahuducua wahari. Tiquiro sa yegũ ihñañe ijipihtiyequina ihña maria pihtia wahari.

—Ne, ahri yehpa Israe yehpapare ohõ saha yeyere ihñedahti mari, ni yahuducuri tiquina basi.

<sup>34</sup> Fariseo masa pehe sijoro saha ni yahuducuri:

—Watĩa puhtoro tutuaye mehna watĩare cohãre ahriquiro, ni yahuducuri tiquina.

*Masare paja ihñañe Jesu*

<sup>35</sup> Sa ye ijipihtiye macari topu ijiye macarigãre, bujaye macari gũhare buhe tinino wahari Jesu. Quehnoañe buheyere judio masa mari buheye wuhasepu buhero wahari tiquiro. Sa yero Cohãcjũ puhtoro tiquiro ijiatire yahuri. Ijipihtiye dohatiye gũhare to cjẽnare yuhduori tiquiro. <sup>36</sup> Masa peyequina ñano yuhduyequinare, pejecuro wahayequinare tiquina ijigũ ihñano Jesu tiquinare paja ihñari. Tiquina oveja opana marieñequina yero saha tiquina ijigũ ihñano Jesu tutuaro paja ihñari tiquinare. <sup>37</sup> Sa yero ohõ saha nidi tiquiro usãre tiquiro buhenare, queoye mehna buhero:

—Trigo peye bucuã tuhasagũ peye ijigũ dahraye pajiro ijire. Sa ijiepegãta dahrayequina pehe meheñequinagã ijire. Sata quehnoañe buheyere tuhoatiquina peyequina ijigũ pajiro ijire mari

dahraye. Sa ijiepegũta meheñequinagã dahrari masa yero saha quehnoañe buheyere buheatiquina gũḥ meheñequinagã ijire. <sup>38</sup> Sa yena quehnoañe buheyere buheatiquinare apequinare tiquiuro ohoatire siniña Cohãcjũre, nidi Jesu.

## 10

*Jesu doce waro beseahye tiquiuro ohoatiquinare  
(Mr 3.13-19; Lc 6.12-16)*

<sup>1</sup> Came doce usãre tiquiuro buhenare Jesu pijio, tutuayere ohori usãre. Watĩare usã cohã masiatire ijipihtiye dohatiyere usã cohã masiatire ohori usãre.

<sup>2</sup> Ohõ saha wame tii usã Jesu cũrina: Simo ijiri. Tiquiroreta Pedro ni pisuri Jesu. Simo bahũro Andre gũḥ ijiri. Santiago gũḥ tiquiuro bahũro Ñu mehna ijiri. Tiquina Santiago gũḥ pacũro Zebedeo wame tiri. <sup>3</sup> Felipe, Bartolomé, Tomasu, yuḥ Mateo ijii usã. Yuḥ pehe puhtoaya ye ijiatire masare wapa ne cohtegũ ijimi. Usã mehna Santiago ijiri. Tiquiro pehe Alfeo macũno ijiri. Sa yero Tadeo gũḥ ijiri. <sup>4</sup> Simo celote ya curua cjãno ijimediquiro, Juda Iscariote gũḥ ijiri. Juda pehe Jesure ihña tuhtiyequinare ihñoatiquiro ijiri.

*Jesu tiquiuro buheyequinare buhe dutiro ohoahye  
(Mr 6.7-13; Lc 9.1-6)*

<sup>5</sup> Sa ye usãre doce tiquiuro buhenare ohoro, “Ohõ saha yeya”, ni yahuri usãre Jesu:

—Judio masa ijieyequina cahapũre wahaeracãhña. Ne Samaria yehpapũ ijieye macaripũ gũḥure wahaeracãhña. <sup>6</sup> Israe yehpa cjẽna cahapũ pehere wahaya. Cohãcjũre masieñequina

ijire tiquina. <sup>7</sup>“Uhmuse cjũno pũhoro tiquiro ijiato mehenogã dũhsare”, ni buheya tiquinare. <sup>8</sup> Sa yena cami bũcu mũna wihare, apeye peye sijoro saha ijiye dohatiyere cũoyequina gũhare yũhdugũ yeya. Yariariquinare masoña. Watĩa masa mehna ijiyequinare cohãña tiquinare. Mũsare sa ohogu niaja ahri tutuayere. Sa yena mũsa gũhu yũhu sa ohoriro sahata masare yũhdugũ yeya wapa neno marieno.

<sup>9</sup> 'Mũsa wahana niñerure ne nedacãhña. <sup>10</sup> Ne mũsa ajurore, pũaro camisare, pũa pa dahpo suhtire, tuaye cju gũhare nedacãhña. Mũsa sañano dihitare sañaa wahaya. Apeye suhtire nedacãhña. Mũsa buhena waharopũ ijiyequina tiquina pehe mũsare pohe ijiatire ohoeta. Sata ohoro cahmene tiquinare.

<sup>11</sup> 'Ti macaripũ esana, mũsare quehnoano piti catiquirore macaña. Sa yena ti wũhũpũta tojoarĩña. Tee, coã wahanapũ wijiaya ti wũhare. <sup>12</sup> Sa yena wũhũpũ sajãna, “¿Ijiajari mũsa?” niña ti wũhu cjẽnare. Mũsare quehnoano tiquina cahmegũ “Cohãcjũ mehna quehnoano ijiya mũsa”, niña tiquinare. <sup>13</sup> Mũsare tiquina cahmedagũ, mũsa sa niborire niedacãhña. <sup>14</sup> Sa yena mũsare tiquina cahmedagũ, tiquina tũho dueragũ ti wũhare wijiaya. Wijiana, dahpocãri cjẽ dihta esa wahãrĩre wejẽ site cũña mũsa tiquinare tiquina ye buhirire masigũ yena. Ti maca cjẽna mũsare cahmedagũ sata yeya tiquina gũhare. <sup>15</sup> Ijirota mũsare niita niaja. Ahri deco pihtigũpũre Sodoma cjẽna, Gomorra cjẽna gũhu tutuaro buhiri tiatiquinata ijire. Tiquina sa ijiepegũta tiquina yũhdũoro mũsare cahmeeñequina buhiri

tia tiquina ijieta, ni yahuri Jesu.

*Jesu yequinare apequina ñano yeatire yahuahye Jesu*

<sup>16</sup> Sa ni tuhasa ohō saha ni nemori:

—Yuhure tuhoya m̄sa. Oveja yero saha ijinare m̄sare ñañequina watoa ohoḡu niaja. Tiquina ñañequina n̄c̄u cjēna yayia usuayequina yero saha ijire. Sa yena m̄sa pehe apequina wahiquina wac̄u masiñequina yero saha ijiya. Sa ijina ijiepenata bujua yero saha ne usuena ijiya m̄sa.

<sup>17</sup> Quehnoano yeya m̄sa. M̄sare masa p̄htoare ohoeta. Judio masa mari buheye w̄h̄sep̄u quēeta m̄sare.

<sup>18</sup> Sa yeye yeequina m̄sa ijiri buhiri macari cjēna p̄htoa cahap̄u tiquina bui ijiyequina p̄htoa cahap̄u ḡh̄ure neañeta m̄sare. Sa yena m̄sare top̄u tiquina neaḡu p̄htoare, judio masa ijieyequina ḡh̄ure quehnoañe buheyere buhenata m̄sa.

<sup>19-20</sup> M̄sare p̄htoare tiquina ohoḡu tiquinare m̄sa niatire “Yohou, masiedaboaga”, ni tuhhotuerac̄h̄ña. M̄sare tiquina sinituḡta m̄sa niatire masinata. Sa masina tiquinare yahuna, m̄sa tire m̄sa esa tuharo yahuducuna nisi. Coh̄cj̄u pehe mari Pac̄u tiquiuro yaquiuro Esp̄ritu mehna m̄sare yahuducuḡu yerota.

<sup>21</sup> 'Ti pjere tiquina wahmis̄m̄a tiquina bahanare wej̄e dutiye ohoeta p̄htoare yeequina tiquina ijiri buhiri. Tiquina pac̄s̄m̄a tiquina pohnene wej̄e dutiye ohoeta p̄htoare. Tiquina pohne pehe tiquina pac̄s̄m̄are wej̄e dutiye ohoeta p̄htoare. <sup>22</sup> Sa yeye yeequina m̄sa ijiri buhiri ih̄ña tuhtieta masa ijipihtiyequina m̄sare. Tiquina sa yepeḡta ahri yehrap̄u m̄sa catiro

puno m̄sare tiquina ñano yerire ihcãno sahana yũhũre duhuerana, yũhdũnata m̄sa. <sup>23</sup> Ihcã macapũ m̄sare tiquina ñano yegũ ape macapũ duhti cãhña. Ijirota m̄sare niita niaja. Israe yehpapũ ijiye macarine m̄sa pehoato pano, yũhũ masũ Cohãcjũ ohorigũ ahri yehpapũ tojoa taũtja.

<sup>24</sup> 'Ne ihcãquiro buheriquiro tiquirore yahuriquiro buipũ ijierare. Sa yero cahacjũno gũhũ tiquiro pũhoro bui cjũno ijierare. <sup>25</sup> Sa yero ohõ saha tũhoturo cahmene buheriquirore: "Yũhũre buheriquiro yero sahata ijigũtja", ni tũhoturo cahmene. Cahacjũno gũhũre sata ni tũhoturo cahmene. "Yũhũ pũhoro yero sahata ijigũtja", ni tũhoturo cahmene. "Tiquiro bui ijigũtja. Sa yegũ yũhũ pũhoro tiquiro ñano yũhdũriro sahata ñano yũhdũsi yũhũ pehe", ni tũhotueraro cahmene. Yũhũ pehe wũhũ cjũno yero saha ijaia. M̄sa pehe ti wũhũpũ dahrayequina yero saha ijire. Sa yeye masa yũhũre "Beelzebú ijire", ni yahusãñe, m̄sa gũhũre yeequinare ñano ni yahuducueta tiquina, ni yahuri Jesu.

*"¿Noa pehere cuegũ quehnoajari?" ni yahuahye Jesu*

*(Lc 12.2-7)*

<sup>26</sup> Sa ni tuhasa ohõ saha ni nemori:

—Sa yena m̄sare ñano yeyequinare cueracãhña. Masa tiquina yahuerarire came apequina masieta. Sa yeye tiquina nũori gũhũre apequina masieta. <sup>27</sup> M̄sare tũhoerogã yũhũ yahurire peyequina masa watoa buhe turiaya m̄sa. <sup>28</sup> Masũnore wejẽñequina tiquiro pagũ dihitarẽ wejẽne. Tiquiro jeripohna yarierare. Sa yena



m̄sare wejẽ duayequinare cueracãhña. Cohãcjũ pehere cueya. Tiquiro m̄sa pagũrire, m̄sa jeripohnari gũhare pecarũ cohã masine. Sa yena tiquiro pehere cueya.

<sup>29</sup> P̄uaro siripia wapa mariedare. Tiquina sa wapa mariedapegũta ihcãquirogãre Cohãcjũ ne boerare. Cohãcjũ dutieragũ ne yarierare tiquirogã. <sup>30</sup> Sa yero m̄sa poarire ne ihcã poa da dũhsaro marieno masi pehore Cohãcjũ. Sata m̄sa ijiye tiye gũhare masi pehore Cohãcjũ. Sa masino m̄sare ihña ihboducure. <sup>31</sup> Siripiare tiquiro cahño yũhdũoro, m̄sa pehere cahñe Cohãcjũ. Sa yena pajiro tũhotueracãhña m̄sa.

*Jesure m̄sa wacũ tutuarire yahuya masare  
(Lc 12.8-9)*

<sup>32</sup> Ihcãquiro “Jesu yaquiro ijiaja”, masare tiquiro ni yahugũ yũhũ gũhũ tiquirore “Yaquiro ijire”, ni yahugũtja yũhũ Pacure uhm̄se cjũnore. <sup>33</sup> Sa ijiepegũta ihcãquiro “Jesu yaquiro ijieraja”, masare tiquiro nigũ yũhũ gũhũ “Yaquiro ijierare tiquiro”, ni yahugũtja yũhũ Pacure, ni yahuri Jesu.

*Jesu masare tu wagũ yere  
(Lc 12.51-53; 14.26-27)*

<sup>34</sup> Sa ni tuhasa ohõ saha ni yahu nemori:

—¿Dũhse ni tũhotuajari m̄sa yũhare? ¿“Tiquiro masare tiquiro buheri bato apequina tiquinare ihña tuhtisi”, ni, tũhotuajari m̄sa? Sa ijierare. Masare yũhũ buheri bato ihquẽquina yeere tũhoeta. Apequina pehe tiquinare ihña tuhtieta. Ihcãno saha ijisi masa. <sup>35</sup> Bũcũna yũhũ buheyere tiquina tũhori buhiri tiquina pohne tiquinare ihña tuhtieta. Bũcũna numia gũhũ yũhũ

bueyere tiquina t̄hori buhiri tiquina pohna numia tiquinare ihña tuhtieta. Tiquina mareos̄anumia ȳh̄h̄ bueyere tiquina t̄hori buhiri tiquina mac̄h̄ namos̄anumia tiquinare ihña tuhtieta. <sup>36</sup> Sa yeye masa tiquina acayere ihña tuhtiyequina ijietā.

<sup>37</sup> Ȳh̄h̄re tiquina cah̄boriro ȳhd̄oro tiquina pac̄sum̄a pehere cah̄ ȳhd̄uc̄aye, yeequina ijisi tiquina. Ȳh̄h̄re tiquina cah̄boriro ȳhd̄oro tiquina pohne pehere cah̄ ȳhd̄uc̄aye, yeequina ijisi tiquina. <sup>38</sup> Sa yeye arequina curusap̄h̄ yariariro saha yeequina tiquina ijiri buhiri ñano ȳhd̄eta tiquina ḡh̄h̄. Sata ñano ȳhd̄ dueyequina yeequina ijisi tiquina. <sup>39</sup> Masa ȳh̄h̄re wac̄no marieno tiquina esa tuharo yeye pecap̄h̄ wahaeta tiquina. Sa yeye yeere sa yeducuye ijip̄ihtiyē decori ȳh̄h̄ mehna ijietā tiquina, ni yahuri Jesu.

*Mari wapatatire yahuahye Jesu  
(Mr 9.41)*

<sup>40</sup> Sa ni tuhasa oh̄o saha ni yahu nemori:

—M̄sare yeequinare ihc̄aquiroy quehnoano cahmeno, ȳh̄h̄ ḡh̄h̄re cahmeno nine tiquiro. Sa yero tiquiro ȳh̄h̄re quehnoano cahmediquiro ȳh̄h̄re ohoriquiro ḡh̄h̄re cahmeno nine. <sup>41</sup> Sa yero Coh̄c̄j̄ yere yahuriquiro wapatarota. Tiquirore quehnoano yerota Coh̄c̄j̄. Sa yero tiquiro yere yahuriquiro tiquiro ijiḡ ihñano apequiroy pehe yahuriquirore quehnoano cahmeno, yahuriquiro yero sahata wapatarota tiquiro ḡh̄h̄. Sa ye apequiroy quehnoano yeriquiro wapatarota. Sa yero quehnoano

yeriquiro tiquiro ijigũ ihñano apequiro pehe tiquirore quehnoano cahmeno, quehnoano yeriquiro yero saha wapatarota tiquiro gũhũ. <sup>42</sup> Yaquirogã ihcãquiro tiquiro ijigũ ihñañe dũhse ijiyequina tiquirogãre acore mehenogã tiquina sihõpepegãta, potota tiquinare quehnoano yerota Cohãcjũ, ni yahuri Jesu.

## 11

*Ñu wame yeriquiro tiquiro buheyequinare Jesure sinitu dutiro ohoahye*  
(Lc 7.18-35)

<sup>1</sup> Ûsãre tiquiro buhenare tiquiro sa ni yahuri bato to cahapũ ijiye macaripũ buhero wahari tiquiro.

<sup>2</sup> Sa ye tiquiro yerire Ñu peresupũ ijiriquiro tũhooahye. Sa tũhoro Ñu tiquiro buheyequinare Jesure sinitu dutiro ohoahye. <sup>3</sup> Sa ye Jesu cahapũ esa, sinituri tiquina Ñu buheyequina.

—¿Ñu “Yũhũ bato apequiro ahtarota”, tiquiro nidigũ ijiajari mũhũ? ¿Tiquiro nidigũ mũhũ ijieragũ apequirore cohtenatarĩ usã? ni sinituri tiquina pehe Jesure.

<sup>4</sup> Tiquina sa nigũ tũhoro Jesu yũhtiri:

—Yojopũre mũsa tũhorire, mũsa ihñarire Ñure yahuna wahaya: <sup>5</sup> “ ‘Caperi bajueyequina ihñare. Tini masieñequina tinine. Cami bũcũna quehnoa wahare. Cahmono tũhoeyequina tũhoa wahare. Yariariquina masaa wahare. Tiquina ijipihtiyequinare quehnoa wahagũ yei yũhũ. Sa yegũ pejecũoyequinare quehnoañe buheyere yahuaja.

<sup>6</sup> Yũhũre tũhoriquiro “Poto ijire”, niniquiro tiquiro

bucueriquiro ijire’, nidi”, ni, Ñure yahuna wahaya, nidi Jesu.

<sup>7</sup> Ñu buheyequina tiquina wahari bato, Jesu pehe Ñu ijiye tiyere yahu ducari peyequina masare:

—Masa marienopu taare wihnono wēdoqueo mājagū ihñana eserari masa. <sup>8</sup> “Quehnoañe suhti tiriquireore ihñana wahañna”, niedari masa masa marienopu wahana. Quehnoañe suhti tiyequina wapa bujyere cōyequina puhto ye wñhsepu ijire. <sup>9</sup> Masa marienopu esana Cohācjū yere yahu mñhtariquireore ihñana esari masa. Ijirota ijire. Ñu Cohācjū yere yahu mñhtariquireo ijire. Apequina Cohācjū yere yahu mñhtañequina yñhdoro ijiriquiro ijire tiquireo pehe. <sup>10</sup> Panopu Cohācjū yere tiquina ojoari pūpu Ñure ohō saha ni yahuahye:

Mari Pacu tiquireo macñnore ohō saha niahye:  
 “Mñhu pano mñhñre yahuyuatiquirore ohogñ niaja”, niahye, ni ojoahye panopure Ñure.

<sup>11</sup> Mñsare ijirota niaja. Apequina ijipihtiyequina bui ijire Ñu wame yeriquiro. Ahri decoripure tiquireo sa ijiepegūta ñhmñse cñño puhtoro ijiropure ijipihtiyequina docapu ijiriquiro pūrita Ñu bui ijire.

<sup>12</sup> Ñu wame yeriquiro tiquireo buhe, wame ye dñcagū peyequina masa ñhmñse cñño puhtoro ijiropu tiquina tutuaye mehna, tiquina esa tuharo sajā duamedi. <sup>13</sup> Cohācjū yere yahu mñhtañequina tiquina ojoarire, Cohācjū Moiserere tiquireo cñripu gñhñre buhena Cohācjū tiquireo puhtoro ijiatore

masiaja mari. Ñu gũhũ tireta yahuri. <sup>14</sup> “Elia ahtarota”, panopũ tiquina nidiquirota ijire Ñu pehe. Panopũ cjẽna tiquina nidire “Poto ijire”, ni duana Ñu tiquina sa nidiquiro tiquiro ijigũ masinata mũsa. <sup>15</sup> Quehnoano tũhoya mũsa ahrire.

<sup>16</sup> ¿Yojopũ cjẽna masa yabequina yero saha iji-ajari tiquina, mũsa tũhotugũ? Tiquina macanagã yero saha ijire. Apequina tiquina cahmeno saha tiquina yeragũ bucuere tiquinagã. Doeri cjẽ duaropũ ape dujiye, ohõ saha ni pisupere tiquinagã basi: <sup>17</sup> “Mũsa basatire usã putipemi. ¿Dũhsena mũsa basaerari usã tire putigũ? Usã tutuaro ñehe quea utipe, sañuducupemi. ¿Mũsa pehe dũhsena usã mehna utiperari?” niducuriquina yero sahata ijire yojopũ cjẽna gũhũ. Yojopũ cjẽna tiquina cahmeno saha usã yeragũ ihñañe bucuere tiquina gũhũ. <sup>18</sup> Tiquina yero saha yena ohõ saha yere mũsa yojopũ cjãna. Ñu wame yeriquiro Cohãcjũre ño peoro taro sijiro, vinore sihniedari. Tiquiro sa sihniedagũ ihñana “Watĩnore cũoriquiro ijire”, nimesi mũsa tiquiro pehere. <sup>19</sup> Yũhũ masũ Cohãcjũ ohorigũ ijigũ yũhũ ihya, sihniaja. Yũhũ sa yegũ ihñana ohõ saha nine mũsa yũhũ pehere: “Ihñaña. Ahriquiri pajiro ihyariquiro, queheriquiro ijire. Wapa ne cohteyequina, ñano yeyequina gũhũ tiquina piti tiriquiri ijire tiquiro”, nine mũsa yũhare. Sa nina macanagã yero saha yahuducuna nine mũsa. Mũsa cahmeno saha usã yeragũ bucuere mũsa. Sa masiedapenata usã ye ihñorire ihñana, Cohãcjũ yere usã masigũ masinata mũsa, nidi Jesu tiquinare.

*Tiquina ñañene bũjũa witieyequina ye macari*

*cjēnare tuhtiahye Jesu*  
*(Lc 10.13-15)*

<sup>20</sup> Apeye macari cjēnare tuhtiri Jesu. Ti macarine apeye macari yuhduoro Cohācjū tutuaye mehna ye ihñomedi tiqiro. Tiqiro sa ye ihñopegūta tiquina ñañe yerire duhuerari tiquina. Sa yero ohō saha ni tuhtiri Jesu tiquinare.

<sup>21</sup> —Corazín cjāna, m̄sa ñano yuhduata. Betsaida cjāna, m̄sa gūhu ñano yuhduata. M̄sa ye macaripare Cohācjū tutuaye mehna ye ihñomi. Tiro wame tiri macare, Sidō wame tiri maca gūhare tiqiro tutuaye mehna yahu ye ihñogū ihñañe panop̄u to cjēna pehe tiquina ñañene bujua witiboaga. Sa yeye quehnoañene comesaboaga. Masa dija suhtire saña, peca cjē nujuare tiquina bui dahra site peoboaga tiquina ñañene bujua witiyere ihñoñe. <sup>22</sup> M̄sare niita niaja. Buhiri dahreati deco ijigū Cohācjū Tiro cjēna, Sidō cjēna yuhduoro m̄sa pehere m̄sa ñari buhirire ña yuhduaro buhiri dahrerota. <sup>23</sup> Capernaú cjāna, m̄sa esa tuharo uhm̄sepeu waha duamedí. M̄sare Cohācjū pecapu cohānota. M̄sa ya macapu Cohācjū tutuaye mehna ye ihñomi. M̄sa yuhure tuhoerari. Sodoma wame tiri macare Cohācjū tutuaye mehna yahu ye ihñogū ti maca pehe yojop̄re ijiboaga. <sup>24</sup> M̄sare niita niaja. Buhiri dahreri deco ijigū Cohācjū Sodoma cjēna yuhduoro, m̄sa pehere m̄sa ñari buhiri ña yuhduaro buhiri dahrerota, nidi Jesu ti macari cjēnare.

*—Yuh̄u cahapu sona taya, niahye Jesu*  
*(Lc 10.21-22)*

<sup>25</sup> Ti pjere ohō saha nidi Jesu tiquiro Pacuro mehna yahuducuro:

—Yuhu Pacu, mahu umuse cjēna puhto, ahri yehpa cjēna puhto ijire. Ahri mahu buheyere “Quehnoano masina ijiaja usā”, niñequinare masigū yerare mahu. Buhe pehoeyequina pehere mahu yere masigū yere mahu. Mahu sa yegū, “Quehnoare”, niaja yuhu mahure. <sup>26</sup> Sata ijire. Tiquina pehere masigū cahmedi mahu, nidi Jesu tiquiro Pacurore.

<sup>27</sup> Sa yero masare ohō saha ni yahu nemori:

—Yuhu Pacu ijiphtiyere yuhure ohori. Tiquiro dihita yuhure quehnoano masine. Sa yena usā dihita yuhu masi dutiyequina mehna yuhu Pacure masiaja usā. <sup>28</sup> MUSA ñañe apee boro nucuñe yero saha ijire. Nucuñene wana mUSA tahrīno saha ñañene wahyia wahare mUSA. Sa wahyarina ijina yuhure cahmeña mUSA. Musare sogū yeitja. MUSA ñañe yeyere duhugū yeitja. <sup>29</sup> Yuhu dutiyere yeya. Yeere quehnoano masiña. Yuhu paja ihñagu ijiaja. Sa yegu yuhducaegu ijiaja. Yuhu sa ijigū yeere quehnoano masiña mUSA. Sa yena soye mehna quehnoano jeripohna tinata mUSA. <sup>30</sup> Yeere mUSA yegū mijoedare. Sa yero mUSA wuaye ti nuchedaro sahata yuhu pehe musare mehenogā ye dutiaja, nidi Jesu.

## 12

*Judio masa tiquina sori decore trigore peheahye  
Jesu buheyequina*

*(Mr 2.23-28; Lc 6.1-5)*

<sup>1</sup> Mehenogã tiquiro sa ni buheri bato saurú ijigũ usã Jesu mehna trigo wesepu esau. Usã tiquiro buhena ujua ahbana, trigore pehe, ihya tuhasa, yuhdu cãa waha usã. <sup>2</sup> Usã sa yegũ ihñañe, fariseo masa Jesure ohõ saha nidi:

—Tuhorĩña usãre. ¿Duhse ye mahu buheyequina saurú mari sori deco ijiepegũta dahrajari? Marine dutiyere yuhduducaye nine, nidi tiquina.

<sup>3-4</sup> Jesu yuhtiri. “Yuhu buheyequina yuhduducaye niedare”, ni yahuro taro ohõ saha ni yuhtiri:

—Davi tiquiro mehna cjẽna mehna ujua ahbaro Cohãcjũ wuhuru sajã, Cohãcjũ ye pãre ihyahye. Ti pãre pahia dihita ihyae tiahye. Cohãcjũ dutiyere tiquina ojoari pũ apequinare ti pãre ihya dutiare. ¿Davi gãhu tire tiquina yerire Cohãcjũ ojoari pũru buherari musa? (Ti pãre ihyaro Cohãcjũre yuhduducaro niedahye. Miare ahri pjerire ihyaye yuhu buheyequina gãhu Cohãcjũre yuhduducaye niedare.) <sup>5</sup> Sa ye Cohãcjũ wuhuru dahrayequina pahia ne soerare mari soye decorire. Sa soerapeta Cohãcjũ dutiyere yuhduducayequina ijierare. ¿Tire buherari musa Cohãcjũ Moiserere tiquiro cũri pũru? <sup>6</sup> Musare niita niaja. Cohãcjũ wuhure ño peona ti wuhuru dahrayequina tiquina soeragũ ihñaepenata “Quehnoanota”, nine musa. Ti wuhu yuhduoro yuhu pehere ño peoro cahmene. <sup>7</sup> Cohãcjũ yere tiquina ojoari pũ ohõ saha nine: “Wahiquinare wejẽ, ujua muoñe mehna wuhure musa ño peogũ cahmedaja. Apequinare musa paja ihñağũ pehere cahmeaja yuhu”, nine tiquiro yere tiquina ojoari pũ. Tiquiro sa nidire musa quehnoano tuhona, yuhu buheyequinare tiquina



buhiri mariedapegũta tiquinare tuhtieraboaga m̄sa. <sup>8</sup> Ȳh̄h̄ mas̄ Coh̄ãcj̄ũ ohoriḡ ahri deco saurú decore masa tiquina yeatire yahuḡ ijiḡ p̄hto ijiaja, nidi Jesu fariseo masare.

*Omoca b̄hariquiro quitu ijire*

*(Mr 3.1-6; Lc 6.6-11)*

<sup>9</sup> Tiquiro sa nidi bato waha, judio masa mari buheri w̄h̄p̄ es̄ã Jesu mehna. <sup>10</sup> Top̄ omoca b̄hariquiro ijiri. Sa yeye fariseo masa pehe Jesure yahusãñe tehe, tiquirore sinituri:

—Saurú decore mari soru decore mas̄nore ȳhd̄o dutierare Coh̄ãcj̄ũ. ¿Sata ijiajari, m̄h̄ t̄hotuḡ? ni sinituri tiquina.

<sup>11</sup> Jesu ȳhtiri tiquinare:

—¿M̄sa yaquiro oveja saurú ijiḡ copep̄ tiquiro bora sajãḡ tiquirore ne wioeraboagari m̄sa? Ne wionata m̄sa. <sup>12</sup> Oveja ȳhd̄oro ijire mas̄no pehe Coh̄ãcj̄ũ tiquiro ih̄ãḡ. Sa yero saurú ijiḡ quehnoañene mari yeḡ quehnoar̄ne, ni ȳhtiri Jesu tiquinare.

<sup>13</sup> Tiquiro sa nidi bato omoca b̄hariquirore ohõ saha nidi:

—M̄h̄ omocare siõ potoya, nidi tiquiro.

Tiquiro sa niḡ omoca b̄hariquiro pehe siõ poto, omoca quehnoa wahari ape omoca quehnoari omoca yero saha. <sup>14</sup> Soru decore tiquiro sa yeḡ ih̄ãñe, fariseo masa waha, tiquina basi ohõ saha niahye:

—¿D̄h̄se Jesure wej̄natari mari? niahye tiquina basi.

*Coh̄ãcj̄ũ yere yahu m̄htariquiro panop̄ cj̄no Jesure yahuahye*

<sup>15</sup> Jesu tiquina sa nidire masino, wahaa wahari. Tiquiro sa wahagũ peyequina masa tiquireore nũnũ tãri. Sa yero tiquireo pehe ijipihtiequina tiquina mehna cjẽnare dohatiyequinare yũhdũgũ yeri. <sup>16</sup> Sa yero dohatiyequinare tiquinare tiquireo yũhdũorire apequinare yahu site dutierari tiquireo. <sup>17</sup> Sa dohatiyequinare yũhdũgũ yero, Cohãcjũ yere yahu mũhtariquireo Isaia panopũ tiquireo ni ojoariro sahata yero nidi Jesu. Ohõ saha ni ojoahye Isaia:

<sup>18</sup> Ohõ saha nine Cohãcjũ: “Ahriquireo yũhũ cahacjũno ijire. Tiquiro yũhũ beseriquiro ijire. Tiquirore cahĩaja. Sa yegũ tiquireo mehna bucueaja. Yaquireo Espĩriture tiquireore ohogũtja. Sa yero yũhũ tutuaye mehna ijipihtiequina masare yũhũ buheyere yahurota tiquireo. <sup>19</sup> Sa yahuro tiquireo ne purĩno mehna yahusi. Sa yero sañuducusi. Sa yero maca cjã mahapũ peyequina masa watoa tiquireo tutuaro sañuducu yahusi. <sup>20</sup> Wũjũgũ nuhrino cuadũ tiquireo nuhriedagũ yero saha masa gũhũre quehnoano yerota tiquireo. Mehenogã mũjũri pecare tiquireo yatigũ yeraro saha masa gũhũre quehnoano yerota tiquireo. Sata yeducurota tiquireo watĩnore tiquireo yũhdũducato pano. <sup>21</sup> Sa yeye peyequina masa tiquireore wacũ tutueta”, nine Cohãcjũ, ni ojoahye Isaia.

—Jesu watĩno tutuayere cũore, ni yahusãhye masa

(Mr 3.20-30; Lc 11.14-23; 12.10)

<sup>22</sup> Ihcã deco watĩno c̄oriquiروه masa ne cãhtari Jesu cahap̄. Tiquiro pehe watĩnore c̄oro yahuducu masiedari. Sa yero caperi ne bajuerari. Tiquina sa ne wihigũ ihñano, yuhdugũ yeri Jesu tiquiروه. Tiquiro sa yegũ watĩno c̄oriquiro ihña, yahuducuri. <sup>23</sup> Tiquiro sa wahagũ ihñañe, masa ihña maria wahari.

—¿Ahriquiروه Davi panamino iji turariquiروه masare yuhduoatiquiروه ijiajari? nĩdi tiquina basi.

<sup>24</sup> Jesu watĩare tiquiro cohãrيره tuhoye fariseo masa ohõ saha ni tuhoturi:

—Beelzebú watĩa puhtoro tiquiro tutuaye mehna watĩare cohãre Jesu, ni tuhoturi tiquina.

<sup>25</sup> Tiquina sa ni tuhotugũ masino, Jesu queoye mehna yahuri tiquinare, “Watĩno ye tutuaye mehna watĩare cohãgu niedaja”, nino taro:

—Ihcã yehpa cjẽna tiquina basi cahmequeñe, ti yehpa cjẽna waha pihtia wahaboaga. Ihcã maca cjẽna tiquina basi cahmequeñe ti maca cjẽna waha pihtia wahaboaga. Ihcã wuhũ cjẽna gũhũ sata wahaboaga. <sup>26</sup> Sa yeye Beelzebú watĩa puhtoro pehe watĩare cohãno, tiquina watĩa tiquina basi cahmequeñe niboaga. Sa ye tiquina gũhũ waha pihtia wahaboaga. <sup>27</sup> Ohõ saha ni yahusãre m̄sa yuhure: “Tiquiro Beelzebú yedohoye mehna watĩare cohãre”, ni yahusãre m̄sa. M̄sa mehna cjẽna gũhũ watĩare cohãre. ¿Watĩno tiquiro tutuaye mehna watĩare cohãjari tiquina gũhũ, m̄sa ihñagũ? Sa cohãedare. Tire masine m̄sa. Yuhũ gũhũ watĩno tutuaye mehna watĩare cohãedaja. <sup>28</sup> Sa yegũ yuhũ pehe watĩare cohãgu Cohãcjũ yaquiروه Espiritu tutuaye mehna tiquinare cohãja. Yuhũ sa cohãgũ ihñana ohõ saha masiña

m̄sa: Cohãcjũ masa bui p̄htoro ahri yehpap̄re iji tuhasare yojop̄re.

<sup>29</sup> Ohõ sahata ijire queoye mehna mari buhegũ: Tutuariquiro ya w̄h̄p̄ apequiro sajã sa yaque masiedare. Tutuariquirore d̄hteraro tiquiro ya w̄h̄p̄ sajã sa yaque masiedare. Tutuariquirore tiquiro d̄hteri bato sajã sa yaque masine, ni yahuri Jesu.

(Sa ni yahuri, watĩnore tiquiro ȳhd̄d̄carire yahuro. Watĩno tutuariquiro tiquiro ijiepegũta Jesu tiquirore ȳhd̄d̄care watĩare cohãno.)

Sa ni tuhasa ohõ saha ni yahu nemori Jesu.

<sup>30</sup> —Ihcãquiro ȳh̄re cahmedaro, ȳh̄re ihña tuhtiriquiro ijire. Ihcãquiro ȳh̄re yedohoeraro, ȳh̄re wape tigũ yero nine.

<sup>31</sup> 'Sa yegũ m̄sare poto niita niaja ȳh̄. Ijip-ihtiye ñañene masa tiquina yegũ, yahuducugũ gũh̄re Cohãcjũ bo masine. Sa boeperota Espĩritu Santore tiquina ñano ni yahuducugũ ti pũritare ne bosì. <sup>32</sup> Ȳh̄re masũ Cohãcjũ ohorigare ȳh̄re tiquina ñano ni yahuducurire bo masine Cohãcjũ. Espĩritu Santo pehere tiquina ñano ni yahuducurire ne bosì Cohãcjũ. Yojop̄re, deco pihtigũ gũh̄re tiquina sa nidire bosì tiquiro, ni buheri Jesu tiquinare.

*Masa tiquina yahuducuyere t̄hona tiquina ijiye tiyere masiaja mari*

*(Lc 6.43-45)*

<sup>33</sup> Sa yero queoye mehna buhero ohõ saha ni yahu nemori tiquinare:

—Quehnoadũ yucũgũ quehnoañene d̄ca tire. Ñadũ yucũgũ ñañene d̄ca tire. Yucũgũ d̄care

masina “T<sub>u</sub> d<sub>u</sub>cata ijire”, ni masiaja mari. Mari sa masino saha masa tiquina yahuducuyere t<sub>u</sub>hona tiquina ijiye tiyere masiaja mari. <sup>34</sup> Añaa yero saha ñana ijire m<sub>u</sub>sa. M<sub>u</sub>sa ñana ijina, quehnoañene ni masiedare m<sub>u</sub>sa. Mari wacũñep<sub>u</sub> mari t<sub>u</sub>hoturiro sahata mari d<sub>u</sub>serop<sub>u</sub> wijiare. <sup>35</sup> Quehnoariquiro quehnoañene t<sub>u</sub>hoture. Sa yero quehnoañene yahuducure. Ñariquiro ñañene t<sub>u</sub>hoture. Sa yero ñañene yahuducure. <sup>36</sup> Quehnoano t<sub>u</sub>hotu yahuducuna ijiya m<sub>u</sub>sa. Quehnoano yahuducuerana, buhiri dahreati deco ijigũ m<sub>u</sub>sa sa ni maca cãrire Cohãcjũre yahu y<sub>u</sub>hd<sub>u</sub>nata. <sup>37</sup> Queoro m<sub>u</sub>sa yahuducurire masino “Quehnoana ijire”, ninota Cohãcjũ. Sa yero ñano m<sub>u</sub>sa yahuducurire masino “Ñana ijire”, ninota tiquiro, nidi Jesu tiquinare.

*Masa ñañequina Jesure Cohãcjũ tutuaye mehna ye ihño dutiahye*

*(Mr 8.12; Lc 11.29-32)*

<sup>38</sup> Tiquiro sa nidi bato mari judio masare buheyequina, fariseo masa gãh<sub>u</sub> tiquirore ohõ saha nidi:

—Buheg<sub>u</sub>, Cohãcjũ ohorig<sub>u</sub> ijig<sub>u</sub> Cohãcjũ tutuaye mehna ye ihñoña usãre, nimesi tiquina.

<sup>39</sup> Jesu y<sub>u</sub>htiri:

—Yojop<sub>u</sub> cjẽna ñañequina, Cohãcjũre cahmeeñequina Cohãcjũ tutuaye mehna y<sub>u</sub>h<sub>u</sub> ye ihñogũ ihña duamene. Tiquina sa ihña duepegãta Cohãcjũ yere yahu m<sub>u</sub>htariquirore Jona panop<sub>u</sub> cjãnore Cohãcjũ tiquiro tutuaye mehna tiquiro yeri dihitare ye ihñonota masare.

<sup>40</sup> Jona ihtia deco waro pajiriquiro wahi paa

puhiarꝯ ijiahye. Tiquiro sa wahariro sahata yꝯhꝯ gũhꝯ masꝯ Cohãcjũ ohorigꝯ ihtia deco waro masa coperꝯ ijiguta. <sup>41</sup> Nínive cjẽna pehe Jona Cohãcjũ yere tiquiro yahurire tũhoye tiquina ñañe yerire bujma witiyahye. Sa bujma witiyequina ijiye buhiri dahreati deco ijigũ tiquina yojorꝯ cjẽnare tiquina ñañene bujma witiyequinare “Ñañequina ijire”, ni, yahusãeta. Jona tiquinare Cohãcjũ yere tiquiro yahugũ tũhoye quehnoañene cahmeahye tiquina pehe. Sa cahmeñe quehnoano yeye niahye yojorꝯ cjẽna yũhdũoro. Sa yeye tiquina yojorꝯ cjẽnare yahusãeta. Mũsare niita niaja. Yojorꝯ mũsare yꝯhꝯ buheye Jona tiquiro buheri yũhdũoro ijire. <sup>42</sup> Sa ye buhiri dahreati deco ijigũ pũhtoro sur cjõno panorꝯ cjõno ducu, yojorꝯ cjẽnare “Ñañequina ijire”, ni yahusãnota ticoro gũhꝯ. Ticoro Salomo panorꝯ cjõno tiquiro masiñene tũho duaro yoarorꝯ ahri yehpa ape sierꝯ ijiricoro Salomore tũhoro ahtahye. Sa yero quehnoano yero niahye yojorꝯ cjẽna yũhdũoro. Sa yero ticoro yahusãnota yojorꝯ cjẽnare. Mũsare niita niaja. Yojorꝯ mũsare yꝯhꝯ buheri Salomo tiquiro buheri yũhdũoro ijire, nidi Jesu tiquinare.

*Watĩno pari turi masũnore tiquiro sajãri quitire yahuahye Jesu*

*(Lc 11.24-26)*

<sup>43</sup> Sa yero pari turi Jesu tiquiro tũhotuye mehna ohõ saha ni quti yahuri tiquinare:

—Watĩno masũno mehna ijiriquiro waha, aco marieni yehparꝯ tini, tiquiro ijiatore macamahye. <sup>44</sup> Sa bocaeraro, ohõ saha ni tũhotuahye tiquiro. “Masũno yꝯhꝯ cohãriquiro

mehnata pari turi ijigũ wahaɯtja”, ni ɯhotuahye tiqiro. Sa ni ɯhoturo tojoaa waha, tiqiro cohãriquioreta bocahye. Sa tiqiro bocagũ masano pehe quehnoariqiro ijimahye. <sup>45</sup> Sa yero watĩno apequina siete watĩare tiqiro yũhdũoro ñañequinare pijiro wahahye. Tiqiro sa pijigũ tiquina ijipihtiyequina tiqiro mehna ijiahye. Masano pehe to pano ihcãqiro watĩnore ɯoro, ñariqiro ijimahye. Camerũ pehere peyequina watĩare ɯoriqiro ijiro, to pano tiqiro ijiriro yũhdũoro ña yũhdũariqiro ijiahye. Yojorũ cjẽna Cohãcjũre ɯomediquina tiquiore cohãñe, tiquina gũhũ ña yũhdũayequina waro wahaeta, nidi Jesu tiquinare.

*Jesu acaye tiquiore yahu duahye*  
(Mr 3.31-35; Lc 8.19-21)

<sup>46</sup> Masare tiqiro sa ni yahuducuri watoa tiqiro pacoro tiqiro bahana mehna sopecaharũ ducu, tiquiore yahu duari. <sup>47</sup> Sa yero ihcãqiro Jesure yahuri:

—Mũhũ paco mũhũ bahana mehna mũhũre yahu duaye sopecaharũ ducuri, nidi.

<sup>48</sup> Tiqiro sa nigũ ɯhoro topũ ijiyequinare ohõ saha nidi Jesu tiquinare buhero taro:

—¿Noa ijiajari yũhũ paco, yũhũ bahana gũhũ, mũsa ihñagũ? nidi.

<sup>49</sup> Sa nino, ɯsãre tiqiro buhenare ñurpuha, ohõ saha nidi:

—Ahriquina ijire yũhũ paco, yũhũ bahana yero saha ijiyequina. <sup>50</sup> Tiquina yũhũ Pacũ ɯhmũse cjũno tiqiro cahmeñene yere. Sa yeyequina yũhũ

bahꞰ, yꞰhꞰ baho, yꞰhꞰ paco yero saha ijire, nidi Jesu tiquinare.

## 13

### *Jesu oteriquiro quitire yahuahye*

*(Mr 4.1-9; Lc 8.4-8)*

<sup>1</sup> Ti decota Jesu wꞰhꞰpꞰ ijiriquiro wijiari. Wijia, ditarapꞰ waha, ditara dꞰhtꞰ cahapꞰ dujiri.

<sup>2</sup> Tiquiro sa dujigꞰ ihñañe peyequina masa tiquiro cahapꞰ cahmecoa wahpaa waha, bihsaro yeri Jesure. Sa bihsagꞰ ihñano yucꞰsapꞰ sajã, tiapꞰ dujiri tiquiro. Masa pehe padꞰropꞰ ducuri. <sup>3</sup> Sa yero tiquiro peye queoye mehna yahuri tiquinare, buhero taro. Ohõ saha nidi tiquiro:

—Oteriquiro otero wahahye. <sup>4</sup> Tiquiro sa otero wahagꞰ apeye pjeri maha dꞰhtꞰ cahapꞰ bora quehe sahye. TopꞰ bora quehe saye pjerire minicjꞰa ahta, ihya cãhye. <sup>5</sup> Sa ye apeye pjeri utã paca watoa bora quehe sahye. Utã paca watoa dihta marieda cjũnopꞰ duita pihnimahye. <sup>6</sup> Sa pihnieperota asũ tutuaro asigã, nꞰhcori marieda, ñaia wahahye. <sup>7</sup> Apeye pjeri taa watoa bora quehe sahye. Taa pehe dia yꞰhdꞰa waha, oteye pehere wejẽahye. <sup>8</sup> Apeye pjeri quehnoari yehpapꞰ bora quehe sahye. Quehnoano pihni, dꞰca tiahye. Apeye cjꞰ cien pjeri, apeye cjꞰ sesenta pjeri, apeye cjꞰ treinta pjeri dꞰca tiahye. <sup>9</sup> Ahrire quehnoano tꞰhoya mꞰsa, nidi Jesu.

### *Jesu queoye mehna tiquiro buherire yahuahye*

*(Mr 4.10-12; Lc 8.9-10)*

<sup>10</sup> Tiquiro sa nidi bato usã tiquiro buhena tiquiro cahapꞰ esa, sinituu usã tiquirore:



—¿Duhse yegũ masare queoye mehna buheajari mũhũ? ni, sinituu ʘsã.

<sup>11</sup> Jesu yũhtiri:

—Uhmũse cjãno tiquiro pũhtoro ijiyere panopũ cjẽna tiquina masiedarire mũsare yũhũ buhenare masigũ yere Cohãcjũ. Apequina pehere sa yerare tiquiro. <sup>12</sup> Sa yero masiñequinare masi nemogũ yerota tiquiro. Sa yeye tiquina pehe quehnoano masieta. Masieñequina pehe mehenogã tiquina masiepegũta tiquina pehere masiedagũ yerota tiquiro. <sup>13</sup> Sa yegũ queoye mehna buheaja. Ohõ saha ijire. Yojopũ cjẽna ihñaepeta, ihñedariquina yero saha tojoare. Sa yeye tũhoepeta masiedare. Tire tũhoeyequina yero saha ijire tiquina. <sup>14</sup> Sa ijiyequina ijiye Isaia panopũ cjãno tiquiro ni ojoariro sahata yere tiquina. Ohõ saha ni ojoahye: Ohõ saha nine Cohãcjũ: “Cohãcjũ yere tũhonata

mũsa. Sa tũhoepenata, ne masisi mũsa.

<sup>15</sup> Ahriquina masa dapu paca bũtiyequina tojoare. Sa ye tiquina cahmo coperire bihare, ‘tũhoari’, niñe. Tiquina caperire ihmitihãre, ‘ihñari’, niñe. Sa yeraye quehnoano ihñañe, masiboaga tiquina. Sa ye tũhoye, masiboaga tiquina. Tiquina wacũñepũ quehnoano masiboaga. Sa masiñe yũhũre Cohãcjũre cahmeboaga tiquina. Sa yũhũre cahmegũ tiquina ñañene cohã, tiquinare pecapũ wahaboriquinare yũhdũgũ yeboaga yũhũ”, nine Cohãcjũ, ni ojoahye Isaia.

<sup>16</sup> Mũsa pehe mũsa caperi mehna ihñana, masine. Mũsa cahmo mehna tũhona, masine. Sa yena bucuena ijire mũsa. <sup>17</sup> Mũsare niita niaja. Yojopũ mũsa ihñañene mũsa tũhoyere panopũ cjẽna

Cohãcjũ yequina tutuaro ihña duamahye. Cohãcjũ yere yahu mũhtariquina gũhũ tire tutuaro ihña duamahye. Sa ihña duepeta ne ihñedahye. Yojopũ mũsa tũhoye gũhũre tutuaro tũho duamahye tiquina. Sa masi duepeta tire masiedahye, ni yahuri Jesu usãre tiquiro buhenare.

*Jesu oteriquiro queoyere yahu pehoahye*  
(Mr 4.13-20; Lc 8.11-15)

<sup>18</sup> Came Jesu usãre yahu nemori:

—Tũhoya mũsa. Oteriquiro queoyere mũsare yahutja. Yũhũre tũhona, quehnoano masiña.

<sup>19</sup> Oteye pjeri quehnoañe buheye yero saha ijire. Sa yeye maha dũhtũ cahapũ borari pjeri quehnoañe buheye yero saha ijire. Sa yeye masa quehnoañe buheyere tũhoepeta ne masiedare. Sa yero masa quehnoañe buheyere tiquina tũhogũ ihñano watĩno pehe ahta, ti buheyere quehnoañe buheyere masi dutierare masare. Minicjũa ti pjerire tiquina dote nediro saha yere watĩno.

<sup>20</sup> Sa ye utã paca watoa borari pjeri quehnoañe buheye yero saha ijire. Sa yeye masa quehnoañe buheyere tũho, bucueye mehna duita tire tũho nene. <sup>21</sup> Sa tũho nepeta utã paca watoa ijiye cjũ nũhcori marieñe cjũ yero saha ahriquina masa gũhũ tutuerare. Sa tutueraye ñano yũhdũye, yeequina tiquina ijiri buhiri apequina tiquinare ñano yegũ ihñañe yee pehere duhu cãhre. Apequina tiquinare ñano yegũ tire ihcãno sahaeraye, yeere duhu cãhre. <sup>22</sup> Sa ye taa watoa borari pjeri quehnoañe buheye yero saha ijire. Sa yeye masa quehnoañe buheyere tũhoepeta, ahri yehpa cjẽne pajiro bũjũa witi tũhotuye, niñeru

pehere cahñe. Tiquina sa yegũ ti pehe quehnoañe buheyere cahmotare. Sa cahmotagũ masa quehnoañe pehere yerare. <sup>23</sup> Sa ye quehnoari yehpapũ borari pjeri quehnoañe buheye yero saha ijire. Sa ye masa quehnoañe buheyere tũhoye, tire quehnoano masine. Sa masiñequina ijiye, Cohãcjũ cahmeno sahata quehnoañene yere tiquina. Ihquẽquina pajiro quehnoañene yere cien pjeri dũca tiro saha. Apequina doca cjũnogã quehnoañene yere sesenta pjeri dũca tiro saha. Apequina mehenogã quehnoañene yere treinta pjeri dũca tiro saha, ni yahuri Jesu usãre.

*Trigo watoa taa diari queoyere yahuahye*

<sup>24</sup> Sa ye pari turi queoye mehna buheri Jesu:

—Uhmũse cjãno tiquiro pũhtoro ijiye ohõ saha ijire. Wese upũro tiquiro wesepũ quehnoañe pjerire tiquiro oteriro saha ijire uhmũse cjãno tiquiro pũhtoro ijiye. <sup>25</sup> Wese upũro ijipihtiyequina tiquiro mehna cjẽna gũhu tiquina carĩno watoa tiquirore ihña tuhtiriquiro ahtahye. Sa ahtaro trigore ti oteriropũ taare oteahye. Ote tuhasa wahaa wahahye. <sup>26</sup> Came trigo pihniahye. Sa ye ti dũca tiro taro yegũ waro diaa wahahye. <sup>27</sup> Sa ye wese upũrore dahra cohteyequina tiquiro cahapũ esa, yahuahye: “¿Pũhto, quehnoañe pjeri dihitare mũhu wesere mũhu otepegũta, dũhse ye taa gũhu diajari ti wesere?” nidi tiquina. <sup>28</sup> “Yũhũre ihña tuhtiriquiro ijiaga ti taare oteriquiro”, ni ahye wese upũro. “¿Taare usã curegũ cahmeajari mũhu?” nimahye tiquirore dahra cohteyequina. <sup>29</sup> “Taare cureracãhña, ‘Trigo pehere cureari’, nina. <sup>30</sup> Trigo taa mehnata bũcũarĩahdo. Dũca

nedi pje ijigũ neñequinare ohõ saha niitja: ‘Taare cure m̄htaña. Tuhasa m̄sa curerire ɱjũña. Came trigore peheya. Pehe peho, tire ȳh̄ ih-bori w̄h̄p̄ cũña’, niitja tiquinare”, niahye wese up̄ro, nidi Jesu, queoye mehna yahuro.

*Mostaza pje queoyere yahuahye Jesu  
(Mr 4.30-32; Lc 13.18-19)*

<sup>31</sup> Sa ye apeye queoye mehna ɱsãre ohõ saha ni buheri tja:

—Uhm̄se cjãno tiquiro p̄htoro ijiye mostaza pjegã yero saha ijire. Ti pjegã meheni pjegã waro ijire. <sup>32</sup> Ti pjegãre wesep̄ tiquiro oteri bato, quehnoano pihnine. Sa yero paji ȳhd̄ad̄ wahare. Sa wahagũ minicj̄a pari ti d̄p̄rip̄ suhti suhare, ni yahuri Jesu. (Sa nino ohõ saha nino niahye. Mostaza pjegã pajid̄ t̄ b̄c̄ariro saha ɱhm̄se cjãnore mari p̄htorore masiñequina meheñequinagã tiquina iji m̄htaep̄gãta camer̄ peyequina wahaeta.)

*Pãre pugũ yeye queoyere yahuahye Jesu  
(Lc 13.20-21)*

<sup>33</sup> Sa ye apeye queoye mehna ɱsãre ohõ saha ni buheri tja:

—Uhm̄se cjãno tiquiro p̄htoro ijiye pãre pugũ yeye yero saha ijire. Tire numino ihcã ajuro trigore aco mehna quehnoano tire dahra morene pã b̄c̄atire. Ticoro sa yegũ pãre pugũ yeye pehe trigore quehnoano sehsaa wahare, nidi Jesu. (Sa nino ohõ saha nino niahye. Pãre pugũ yeye trigore ti sehsaa wahariro saha ɱhm̄se cjãnore mari p̄htorore peyequina masa ijipih̄tiro cjẽna masieta.)

*Queoye mehna Jesu tiquiro buherire yahuahye  
(Mr 4.33-34)*

<sup>34</sup> Ahri ijiphtiyere buhero, queoye mehna yahuri Jesu. Queoye marieno yahuerari tiquiro tiquinare. <sup>35</sup> Sata yeri tiquiro Cohãcjũ yere yahu m̃htariquiro ni ojoariro sahata. Ohõ saha ni ojoahye panop̃:

Queoye mehna yahutja. Cohãcjũ ahri yehpare tiquiro bajumehnedi bato ne masare tiquiro yahuerarire yahutja, ni ojoahye Cohãcjũ yere yahu m̃htariquiro m̃ñano.

*Trigo watoa taa diari queoyere yahu pehoahye*

<sup>36</sup> Sa ye masare cohe ti, w̃h̃h̃p̃h̃ sajãa wahari Jesu. Sa yena usã tiquiro buhena tiquiro cahap̃h̃ esa, sinituu usã:

—Trigo watoa taa diari queoyere yahu pehoya usãre, nii usã tiquirore.

<sup>37</sup> Jesu ỹhtiri usãre:

—Wese up̃uro quehnoañe pjerire oteriquiro yero saha ijiaja ỹh̃h̃. Ỹh̃h̃ mas̃ Cohãcjũ ohorig̃h̃ ijiaja. <sup>38</sup> Wese pehe ahri yehpa yero saha ijire. Quehnoañe pjeri pihniñe ãhm̃use cjũno p̃htoro ijirop̃h̃ ijiatiquina yero saha ijire. Taa pehe wat̃no yequina yero saha ijire. <sup>39</sup> Wese up̃urore ih̃ña tuhtiriquiro taare oteriquiro wat̃no yero saha ijire. Tire nedi pje pihtiri deco yero saha ijire. Sa ye trigore neñequina angele yero saha ijire.

<sup>40</sup> Taare tiquina cure ãjũariro saha pihtiri deco ijigũ wat̃no yequinare pecap̃h̃ cohãeta tiquinare.

<sup>41</sup> Ỹh̃h̃ mas̃ Cohãcjũ ohorig̃h̃ yequina angelere ohog̃tja. Ỹh̃h̃ ohogũ angele pehe ñañene ye dutiyequinare, ñañene yeyequinare ỹh̃h̃ p̃htoro

ijiropu neañeta. <sup>42</sup> Ne sa tuhasa pecapu cohãeta tiquinare. Topu tiquina tutuaro uti, bujua witiye mehna bahque dihoeta. <sup>43</sup> Sa ye Cohãcjũ yequina tiquina Pacuro tiquiro puhtoro ijiropu ijieta. Topu ijiye, asũ deco cjũno yero saha quehnoano buhri-oeta tiquina. Ahrire quehnoano tãhoya musa, ni yahuri Jesu.

*Quehnoa yũhdũyere tiquiro nũorire tiquiro bocari queoyere yahuahye*

<sup>44</sup> Sa ye apeye queoye mehna yahuri tja:

—Uhmuse cjũno tiquiro puhtoro ijiye niñeru tiquiro nũori yero saha ijire. Masũno tire wesepu wacũeno mehna boca, pari turi tire nũo nemoahye. Sa bocaro tutuaro bucueahye tiquiro. Sa yero tiquiro bocarire neno taro, ti wesere dú duahye. Sa yero tiquiro yere dua peho, ti wesere dúahye, ni yahuri Jesu. (Sa nino ohõ saha nino niahye. Uhmuse cjũno tiquiro puhtoro ijiye tiquiro bocari yero saha ijire. Tiquiro bocarire tiquiro tutuaro cahmediro sahata uhmuse cjãnore masa puhtorore tiquina masidi bato masa tutuaro cahmene tiquirore.)

*Wapa bujũri pje queoyere yahuahye*

<sup>45</sup> Sa ye apeye queoye mehna yahuri tja:

—Uhmuse cjũno tiquiro puhtoro ijiye wapa bujũye pjerire perla wame tiye pjerire dúriquiyo yero saha ijire. <sup>46</sup> Ti pjerire macano quehnoa yũhdũari pjere bocahye. Bocaro, ti pjere dú duaro, ijipihtiye tiquiro yere dua pehorõ wahahye. Sa dua tuhasa ti pjere wapa bujũri pjere dúahye, nidi Jesu. (Sa nino ohõ saha nino niahye. Ti pjere perla pjere tiquiro cahmediro sahata uhmuse cjãnore

masa p̄htorore quehnoano tiquina masidi bato masa tutuaro cahmene tiquire.)

*Wēñan̄ queoyere yahuahye*

<sup>47</sup> Sa ye apeye queoye mehna Jesu yahuri tja:

—Ūhm̄use c̄j̄no tiquire p̄htoro ijiye wēñan̄ tiquina doque ñod̄ yero saha ijire. T̄ wēñan̄ mehna peyequina wahi sijoro saha ijiyequinare ñehene. <sup>48</sup> T̄ wahpaa wahaḡ wahi wejẽñequina pehe tare pad̄rop̄ weje n̄j̄a, quehnoañequina wahire besere. Quehnoañequinare tiquina p̄h̄usep̄ bese sajãre. Ñañequina wahire cohãre. <sup>49</sup> Pihtiri deco ijiḡ ohõ saha ijirota. Angele pehe masare beseeta. Ñañequinare ne wioeta quehnoañequina cahap̄ ijiyequinare. <sup>50</sup> Ne wio, tiquinare pecap̄ cohãeta. Top̄ tiquina uti, tutuaro b̄j̄a witiye mehna upiri bahque dihoeta ñañequina pehe, ni yahuri Jesu.

*M̄na buheyere, wahma buheye ḡh̄re yahuahye*

<sup>51</sup> Tiquire sa ni yahuri bato sinituri usãre:

—¿Ahri ijipihtiyere t̄hoajari m̄sa? ni sinituri tiquire.

—T̄hoaja usã, ni yahtii usã.

<sup>52</sup> Usã sa niḡ tiquire yahuri usãre:

—Judio masare buheyequina ūhm̄use c̄j̄no tiquire p̄htoro ijiyere buheye, p̄aro buheyere yahure. M̄na buheyere, wahma buheye ḡh̄re yahure. Tiquina w̄h̄ up̄ro yero saha ijire. Tiquire w̄h̄p̄ ijiyere quehnoañene ne wioro, wahmare, m̄na ḡh̄re ne wiore tiquire, nidi Jesu usãre.

*Jesu Nazarep# wahahye*  
(Mr 6.1-6; Lc 4.16-30)

<sup>53</sup> Ti queoyere tiquiro buheri bato, waha# usã tiquiro mehna. <sup>54</sup> Waha, tiquiro masari macap# esa#. Top# esa, judio masa mari buheye w#h#sep# buheri tiquiro. Tiquiro sa buhegũ t#hoye, t#ho maria wahari tiquina.

—¿Ahriquiro nohop# t#hoyari ahri buheyere? ¿D#hsero quehnoano masi pehoajari tiquiro? Cohãcjũ tutuaye mehna ye ih#ore tiquiro basi.

<sup>55</sup> Ahriquiro taboa dahrariquiro mac#no ijire. Sa ye tiquiro pacoro María ijire. Sa ye Santiago, José, Simo, Juda, tiquiro bahana ijire. <sup>56</sup> Yojop#re tiquiro bahana numia ahri macap# ijire. Sa yero tiquiro mari yero saha ijiriquiro ijire. ¿Sa ijieperota nohop# t#hoyari tiquiro ahri buheyere? ni yahuducuri tiquina basi.

<sup>57</sup> Sa ye tiquina tiquirore cahmedari. Tiquina sa cahmedagũ ih#ano oh# saha nidi Jesu tiquinare:

—Cohãcjũ yere yahu m#htariquirore apequina ño peore. Tiquina sa ño peoepegũta tiquiro ya maca cj#na, tiquiro acaye tiquirore ño peerare. Sa yena yah#re ño peerare m#sa oh#p# yah# masarig# ijigũ, nidi tiquiro tiquinare.

<sup>58</sup> Sa yero tiquirore tiquina wacũ tutueragũ ih#ano, ti macap# Cohãcjũ tutuaye mehna peye tahari ye ih#oedari Jesu.

## 14

*Ñu wame yeriquiro m#nano yariarire yahuahye*  
(Mr 6.14-29; Lc 9.7-9)

<sup>1</sup> Ti pjere Herode Galilea cj#no p#htoro Jesu yerire t#hooahye. <sup>2</sup> Sa t#hooro oh# saha nimahye:



—Ñu wame yeriquiro ijiaga masatjiãno. Sa yero yojopure tiquiro masari bato ahri tutuayere cuore tiquiro bajumehneñene yero, nimahye Herode tiquiro cahacjẽnare. Jesure “Ñuta ijire”, ni tãhotumahye tiquiro Ñure tiquina wejẽdi bato.

<sup>3-5</sup> Sa yero Ñure tiquiro wejẽ dutiatio pano Herode tiquiro bahuro Felipe namonore namo tiahye. Tiquiro sa yegũ ihñano Ñu wame yeriquiro Herode pehere ohõ saha nie timahye:

—Mũhũ bahũ namonore namo tigũ Cohãcjũ dutiyere yãhdũdũcagũ nine mũhũ, nie timahye Ñu.

Tiquiro sa nidi buhiri Herode tiquirore wejẽ duamahye. “ Ñu Cohãcjũ yere yahu mũhtariquiro ijire”, ni tãhoturi judio masa”, nino, tiquina pehere cueahye Herode. “Ñure yãhũ wejẽgũ tiquina usuaboaga”, nino tiquinare cueahye. Sa cuero Ñure wejẽ dueramahye. Sa wejẽ dueraperota Herode tiquirore ñehe dũhte duti, peresu yeahye. Tiquiro namono Herodia dutiro mehna sa yeahye Herode. <sup>6</sup> Sa ye Herode masa bajuari deco ijigũ bose deco yeahye tiquiro. Topũ Herodia macono bose deco wihyequina tiquina ihñonopũ basa ihñoahye. Ticoro sa basa ihñogũ ihñano Herode bucueahye. Sa bucuero ticorore niahye:

<sup>7</sup> —Cohãcjũ mehna poto niita niaja. Yãhũre mũhũ sinino punota ohogũtja yãhũ mũhũre, niahye Herode pehe Herodia maconore.

<sup>8</sup> Tiquiro sa nigũ tãhoro Herodia ticoro maconore ticoro siniatire yahuahye ticorore. Ticoro sa yahugũ ticoro macono pehe ohõ saha ni sini-ahye Herodere.

—Ñu wame yერიკირო დაპურე დატე სურე დუტია. Sa yegჳ waparo mehna თიკირო დაპურე ოჰოია უაჰარე, ნიაჰე თიკორო.

<sup>9</sup> Ticoro sa nigũ tჰორო Herode tutuaro ბუჟაა ვითიაჰე. Masa თიკინა იჰნონოჲ “Ohogatja maჰარე”, ნიაჰე თიკირო. Sa yero თიკირო ბუე თირო “Maჰარე ოჰოერაჟა”, ნი მასიდაჰე თიკორო. Sa yero თიკორო დუტირო საჰათა Herode पेჰე თიკირო ცაჰაჯენარე Ñure wejē დუტიაჰე. <sup>10</sup> Sa yero Ñu დაპურე დატე სურე დუტიაჰე. <sup>11</sup> Sa დატე სურე თუჰასა, waparo mehna თიკირო დაპურე ნე ცაჰტაჰე თიკინა. Herodia მაკონორე თიკირო დაპურე თიკინა ოჰოგა, თიკორო पेჰე თიკორო პაკორორე უაჰდუოაჰე ტჟა.

<sup>12</sup> თიკინა სა იერი ბათო Ñu ბუჰეეკინა აჰტა, თიკირო პაგარე მასა კოპეჲ ნეა ცუაჰე. Sa ცუ თუჰასა, თიკინა თირე ჯესურე იაჰუე ვიჰირი.

*Cinco mil masare ihyaye ohoahye Jesu*  
(Mr 6.30-44; Lc 9.10-17; Jn 6.1-14)

<sup>13</sup> თიკინა სა ნი იაჰუგა ტჰორო, Jesu ასა მეჰნა უკასარჲ საჟა, მასა მარიენოჲ სიჰო ვაჰარი. Jesu თოჲ ვაჰაგა ტჰოე, მასა თიკინა იე მაკარიჲ იჟირიკინა აჰტა, მაჰარჲ თიკირორე ნუნჲ თა ცაა ვაჰარი. <sup>14</sup> Sa yero ასა ვაჰა სარი ბათო თიკირო პეეკინა მასარე იჰნანო, პაჟა იჰნარი თიკინარე. Sa პაჟა იჰნანო თიკინა მეჰნა კენა დოჰატიეკინარე უაჰდუგა იერი. <sup>15</sup> Ñamicაჰარჲ ასა თიკირო ბუჰენა თიკირორე ოჰო საჰა ნიი:

—Ñamicაჰარჲ ვაჰარო ნინე. Ohō მასა მარიენოჲ იჟირე. Sa yegჳ მაკარიჲ მასარე თიკინა იჰიატირე დუ დუტია თიკინა პოჰე ტიატირე, ნიმი ასა თიკირორე.

16 Jesu yuhtiri usãre:

—Wahaeracãhdo tiquina. Mûsa basita ihyayere ohoya tiquinare, nidi usãre.

17 —Ihcã omope paca pã paca, wahi puaro to punota ijire usãre, ni yuhtii usã.

18 —Tire yuhure ne cãhtaya mûsa, nidi usãre.

19 Tiqairo sa nigũ tuhona neam usã. Usã ne sari bato taa bui masare tiqairo duji dutiri. Tiquina dujigũ ihcã omope paca pã pacare, puaro wahire ne, uhmusepu ihña muo, Cohãcjũre “Quehnoare”, nidi. Sa ninota pã pacare nuhano, usãre tiqairo buhenare ohori. Tiqairo sa ohogũ usã pehe tire masare itii. 20 Sa ye ijipihtiyequina quehnoano ihya, yapi yuhduwa wahari. Tiquina yapi wehorire doce puhuse waro ne cahmecoa, wahpo dapou usã tiqairo buhena. 21 Topu tire ihyariquina umua dihitare queogũ cinco mil umua ijiri. Numia, macanagã gũhu ijiri.

### *Jesu aco bui tiniahye*

*(Mr 6.45-52; Jn 6.16-21)*

22 Came usãre tiqairo buhenare Jesu ditara ape sie pahrẽpu pehãyu dutiri masare tiqairo cohe tiri watoa. 23 Cohe ti tuhasa, canupu mûja, Cohãcjũre sinino wahahye. Ñamine topu tiqairo ihcãquiota ijiahye. 24 Ti pjeta ditara decopu yucusa mehna pehãducuna nimi usã. Wihnono tutuaro ahta, pahcõri bujũye wahcã, yucusare quẽ sajãri. 25 Sa wahagũ bohrea mûja tato pano Jesu aco bui tini cãhtari usã cahapu. 26 Usã cahapu tiqairo ahtagũ ihñana cue nii usã. Sa cuena sañuducumi usã.

—Yariariqairo munano pagu ijire, ni sañuducumi usã.

27 ʘsã sa cuegũ ihñano Jesu ohõ saha nidi:

—Ne yuhare ihña cueracãhña. Yuhata ijiaja, nidi usãre.

28 Tiquiro sa nigũ tũhoro Pedro nidi tiquirore:

—Pũhto, potota mũhata ijigũ, aco bui yuhare mũhũ cahapũ ducu cã dutiya, nidi tiquiro.

29 —Ahtaya, ni yũhtiri tiquiro pehe.

Tiquiro sa nigũ Pedro yucũsare dijia, aco bui Jesu cahapũ ducu cãmedi. 30 Wihnono tutuaro ahtagũ ihñano cueri tiquiro. Sa cuero diha dijiaa wahamedi.

—Yuhare yedohoya pũhto, ni sañuducuri tiquiro Jesure.

31 Tiquiro sa nigũta tiquiro omocare ñehe,

—Meñenogã wacũ tutuare mũhũ yuhare. ¿Dũhsegũ yuhare wacũ tutuerajari mũhũ? nidi tiquiro Pedrose.

32 Tiquiro sa nidi bato yucũsapũ sajãri tiquina. Tiquina sa sajãri bato wihnono yũhdũa wahari.

33 Sa yena usã tiquiro buhena yucũsapũ ijina Jesure ño peou.

—Potota mũhũ Cohãcjũ macũta ijire, nii usã tiquirore.

*Genesare cjẽna dohatiyequinare yũhdũoahye Jesu*

*(Mr 6.53-56)*

34 Sa yeri bato pehã, Genesare wame tiri yehpapũ esã. 35 To cjẽna Jesure ihña masidi. Sa masiñe tiquiro cahapũ ijiyequinare dohatiyequinare ne cãhta dutiri. Sa ye tiquina dohatiyequinare tiquiro cahapũ ne cãhtari.

36 —Mũhũ suhtiro dũhtũ caha dihitare usãre ñehe tuhu dutiya, ni sinidi tiquina Jesure.

Sa ye tiquiro suhtirore ñehe tuhuriquinape topequinata quehnoa wahari.

## 15

*Masa ñañequina wahagũ yeyere yahuahye Jesu  
(Mr 7.1-23)*

<sup>1</sup> Sa ye Jerusalẽ cjẽna, fariseo masa, marine judio masare buheyequina mehna Jesu cahapũ wihye, sinituri tiquirore:

<sup>2</sup> —¿Dũhse ijiro boro mari acaye bucsũna mũnapũ tiquina dutirire yerajari mũhũ buheyequina pehe? Tiquina ihyato pano tiquina dutiriro sahata omo coserare, nidi tiquina Jesure.

<sup>3</sup> Jesu yũhtiri tiquinare:

—¿Dũhse yena mari acaye panopũ cjẽna ye dutiye dihitare yena tana Cohãcjũ ye dutiye pehere yerajari mũsa pehe? <sup>4</sup> Ohõ saha nine Cohãcjũ: “Mũsa pacũsumũare ño peoya”, nine. Sa yero “Ihcãquiro tiquiro pacũsumũare ñañene quti dahreriquiro ijiro ti buhiri apequina tiquina wejẽatiquiro ijirota”, nine Cohãcjũ. <sup>5</sup> Tiquiro sa niepegãta ohõ saha ye dutire mũsa pehe tiquina pacũsumũare yedoho dutierana: Tiquina pacũsumũare ohoborire Cohãcjũ pehere oho dutire mũsa. Sa ni buhemene mũsa. <sup>6</sup> Sa buhena tiquina pacũsumũare ño peogũ yerare mũsa. Mũsa sa yena Cohãcjũ dutiyere yũhdũdcana nine mũsa, mari acaye panopũ cjẽna ye dutiye dihitare yena. <sup>7</sup> Masa tiquina ihõnoo dihita quehnoano iji mehona ijire mũsa. Cohãcjũ yere yahu mũhtariquiro Isaia mũsare potota yahu ojoahye panopũre:

8 Ahriquina masa yuhure quehnoano yahudu-cuepeta yuhure ne ño peoerare. <sup>9</sup> Sa ye yuhure tiquina ñu buheye ne dahseati ijierare. “Cohãcjũ ye dutiye ijire ahri”, ni meho buhere tiquina ye buheye pehere, ni ojoahye Isaia, nidi Jesu fariseo masare, mari judio masare buheyequina gũhure.

<sup>10</sup> Sa ni tuhasa tiquiro cahapũ masare pijio, ohõ saha nidi:

<sup>11</sup> —Tũhoya mũsa. Yũhũ niñene quehnoano masiña mũsa. Mũsa dũserire sajàñe pehe mũsa ihyaye pehe mũsare ñana ijigũ yerare. Mũsa ñañe yahuducuye pehe mũsa dũseri wijiaye pehe mũsare ñana ijigũ yere, nidi Jesu.

<sup>12</sup> Tiquiro sa ni buheri bato usã tiquiro buhena pehe tiquirore yahuu.

—Mũhũ sa nigũ tũhoye fariseo masa usuari, ni yahuu usã tiquirore.

<sup>13</sup> Tire tũho, ohõ saha ni yũhtiri usãre:

—Tiquina fariseo masa taa yero saha ijire. Yũhũ Pacũ uhmũse cjũno ijipihtiye oteyere tiquiro oterarire nũhcori mehnata cure, cohãnota. Sata yerota tiquinare. <sup>14</sup> Tiquinare sa ihña cãhña mũsa. Tiquina caperi bajueyequina tiquina ihña masiedaro saha ne Cohãcjũ yere masiedare. Sa ye pecapũ wahaeta. Sa masiedapeta apequina masieñequinare buhe duamedì. Sa ye caperi bajueyequina coperũ tiquina boraboriro saha tiquina buhenohriquina gũhũ pecapũ wahaeta, nidi Jesu.

<sup>15</sup> Tiquiro sa nigũ tũhoro Pedro nidi:

—Ahri quitire masa tiquina dũseri wijiaye quitire yahu nemoña usãre tja, nidi tiquiro Jesure.

16 Jesu yuhtiri:

—¿Ne, yojopu tuhoerajari musa? 17 Masa ihyayere ihyagũ tiquina duseripu sajãre. Sa ye tiquina paapu sajã, yuhduu wahare. Ihyo waro ijire. Mari ihyaye marine ñana wahagũ yerare. ¿Ahrire masiedajari musa? 18 Masa duseripu wijiaye, tiquina yahuducuye pehe tiquina tuhotuyepu ahtare. Tiquina yahuducuye pehe ñañe ijiro, masare ñañequina ijigũ yere. 19 Ñañe tuhotuye, masare wejẽne, apeqiro namono mehna ñano yeye, ñano yeye numia mehna ñano yeye, yaqueye, ni mehoñe, masare ñañe quti dahreye masa tuhotuyepu ahtare. 20 Ti ñañe pehe masare ñañequina ijigũ yere. Sa yepegũta bucuna yee tiri sahata masa omo coserapeta tiquina ihyagũ ti masare ñañequina ijigũ yerare, nidi Jesu.

*Judio masono ijericoro Jesure wacũ tutuahye  
(Mr 7.24-30)*

21 Sa ni buhe tuhasa, usãre siho wahari tja. Tiro wame tiri maca cahapu Sidõ wame tiri maca cahapu esau usã. 22 Usã topu esagũ Canaa yehpa cjõno topu ijericoro Jesu cahapu esa, sañuducuri:

—Puhto, Davi panami iji turiagu masare yuhduoacju, yuhure paja ihñaña mahu. Yuhu maco watĩnore curo, ña yuhduaro yuhduri ticoro, ni sañuducuri ticoro.

23 Ticoro sa niepegũta Jesu yuhtierari. Sa yegũ ihñana usã tiquiro buhena pehe tiquirore ohõ saha nimi.

—Waha dutiya ticorore. Ñano cariboro bisiaga, nimi usã.

24 Usã sa nigũ tuhoro yuhtiri ticorore:

—Israe masare Cohãcjũre masieñequina dihitare yedoho dutiro ohori yũhũ Pacũ yũhũre, nidi tiquiro.

<sup>25</sup> Tiquiro sa niepegũta Jesu dahpocãri cahapũ dũsepe curi mehna quehe sari ticoro.

—Pũhto, yedohoya yũhũre, nidi ticoro.

<sup>26</sup> Jesu yũhtiri ticorore.

—Ohõ saha ijire ahri: Coã warore wũhũ upũro pohne ye ihyayere diayeare oho mũhtagũ quehnoaedare. Israe masa yere ape yehpa cjẽnare yũhũ oho mũhtagũ quehnoaedare, nidi Jesu ticorore queoye mehna yahuro.

<sup>27</sup> —Sata ijire pũhto. Sa ijiepegũta diayea gũhũ wũhũ upũro mesa docapũ tiquina ihya site boroyere ihya cohtere tiquina gũhũ. Ape yehpa cjõ yũhũ ijiepegũta yũhũ gũhũre yedoho masine mũhũ, ni yũhtiri ticoro.

<sup>28</sup> Ticoro sa nigũ tiquiro yũhtiri:

—Numio, mũhũ yũhũre tutuaro wacũ tutuare. Mũhũ cahmeno sahata sa waharota, nidi Jesu ticorore.

Tiquiro sa nigũta duita quehnoa wahari ticoro macono.

*Peyequina dohatiyequinare yũhdũgũ yeahye Jesu*

<sup>29</sup> Sa ni tuhasa Ʃsãre siho waha, Galilea wame tiri ditara dũhtũ cahapũ siho esari tja. Esa, mehenũgã cũnũre mũja, tũ buipũ dujiri. <sup>30</sup> Topũ tiquiro ijigũ peyequina masa tini masieñequinare, caperi bajueyequinare, pari yuri wahayequinare, yahuducu masieñequinare, peyequina apequina dohatiyequinare tiquiro cahapũ ne wihiri masa. Ne wihi tuhasa Jesu dahpocãri cahapũ duhu cũri



tiquina. Tiquina sa duhu cūri bato quehnoa wahagū yeri Jesu tiquinare. <sup>31</sup> Tiquiro sa yegū ihñañe masa ihña maria wahari. Yahuducu masieñequina tiquina yahuducugū ihñañe, pari yuri wahayequina tiquina quehnoa wahagū ihñañe, tini masieñequina tiquina tinigū ihñañe, caperi bajueyequina tiquina ihñagū ihñañe, ihña maria wahari tiquina. Sa ye ohō saha nidi:

—Israe masa usā pūhto, Cohācjū tutuagu, quehnoagu ijire, ni ño peori tiquina Cohācjāre.

*Cuatro mil masare ihyayere ohoahye Jesu  
(Mr 8.1-10)*

<sup>32</sup> Tiquiro sa yeri bato Jesu usāre tiquiro buhenare ohō saha nidi:

—Ahriquina masa yūhū mehna ihtia deco waro iji tuhasare. Sa ye pohe mariedare tiquinare. Pohe mariedagū ihñagu tiquinare paja ihñaja. “Tiquina ujūa ahbayequina, mahapū borari”, nigū tiquinare ihyaye marieno tiquina ye wūhūsepu waha duti dueraja. Sa yegu tiquinare pohe ohō duaja, nidi tiquiro.

<sup>33</sup> Tiquiro sa nigū usā tiquiro buhena tiquirore sinituu:

—¿Dūhse mari ohōre masa marienopūre pāre boca ohoboagari mari? nii usā tiquirore.

<sup>34</sup> —¿Nohope paca pā pacare cūoajari mūsa? nidi.

—Siete pā pacare, meheñequinagā wahire cūoaja, ni yūhtii usā.

<sup>35</sup> Usā sa nigū tiquiro masare yehpapū duji dutiri. <sup>36</sup> Tuhasa siete pā pacare, wahigā gūhūre ne, Cohācjūre “Quehnoare”, nidi. Sa ninota pā pacare nuha, usāre tiquiro buhenare ohoari. Sa yena usā pehe ti ihyayere masare itii. <sup>37</sup> Sa ye masa tire

ihya, yapi yuhduwa wahari. Tiquina yapi wehorire siete puhuse waro ne cahmecoa, wahpo dapou usã. <sup>38</sup> Topu ihyariquinare umua dihitare queogũ cuatro mil waro umua ijiri. Numia, macanagã gũhu ijiri. <sup>39</sup> Tiquina sa ihya tuhasagũ Jesu masare waha duti, yucsapu sajã, Magadán wame tiri yehrapu usãre siho esari.

## 16

*Fariseo masa, saduceo masa gũhu Cohãcjũ tutu-  
aye mehna ye ihñogũ ihña duamahye  
(Mr 8.11-13; Lc 12.54-56)*

<sup>1</sup> Sa ye fariseo masa, saduceo masa mehna Jesu cahapu wihiri. Tiquiro ñano yegũ ihña duamedí tiquirore yahusã duaye. Sa ye tiquina tiquirore Cohãcjũ tutuaye mehna ye ihño dutimedí tiquiro masiedagũ ihña duaye, “Cohãcjũ ohoriquiro ijierare”, ni duaye. <sup>2</sup> Tiquina sa ye dutigũ Jesu yuhtiri tiquinare:

—Ñamicahapu umuano sohãgũ ihñana “Quehnoari ñami ijirota”, nine musa. <sup>3</sup> Sa yena bohrearo umuano sohãgũ, ñicuri deco ijigũ ihñana “Acoro ahtarota”, nine musa. Sa quehnoano masiepenata Cohãcjũ tutuaye mehna musare yuhu ye ihñogũ ihñaepenata ne tire quehnoano masiedare musa. <sup>4</sup> Yojopu cjëna ña yuhduwequina Cohãcjüre ño peo dueyequina Cohãcjũ tutuaye mehna ye ihñogũ ihña duamene. Ye ihñosi yuhu. Cohãcjũ yere yahu muhtariquiro Jona tiquiro duhse waharire masi tuhasare musa. Ti dihitare ihñoutja musare, ni yuhtiri Jesu.

Sa ni yahu tuhasa siho wahaa wahari tja.

*Fariseo masa saduceo masa tiquina ñaña  
buheyere yahuahye Jesu*

*(Mr 8.14-21)*

<sup>5</sup> Ditarare usã pehãna, pãre bo cū cã, pehã tari jii usã. <sup>6</sup> Sa yero Jesu usãre yahuri:

—Quehnoano yeya. Fariseo masa, saduceo masa tiquina ye pã pugũ yeyere ihñana quehnoano yeya. Cuarĩne ti, ni yahuri.

<sup>7</sup> Tiquiro sa nigũ tũhona tũho masiedana, usã basi tire yahuducuu:

—Mari pãre mari ne cãhtaeragũ ihñano sa niaga ahriquiro, nimi usã basi.

<sup>8</sup> Usã sa nidire masino, usãre sinituri:

—¿Dũhsena mũsa pã borire wacũajari mũsa? Mehenogã waro yũhũre wacũ tutuare mũsa.

<sup>9</sup> ¿Yojopũ masiedajari mũsa? ¿Cinco mil umũare ihcã omope pã pacare yũhũ nuha ohorire, numia gũhũre yũhũ ohorire wacũedagari mũsa? ¿Nohope pũhũse waro mũsa ne cahmecoa wahpo daporire wacũedagari mũsa? <sup>10</sup> ¿Sa yegũ siete pã pacare nuha, cuatro mil umũare yũhũ ohorire, numia gũhũre yũhũ ohorire wacũedagari mũsa? ¿Nohope pũhũse waro mũsa ne cahmecoa wahpo daporire wacũedagari mũsa? <sup>11</sup> ¿Sa yena pã pugũ yeyere yũhũ yahugũ dũhse yena quehnoano tũhoerajari mũsa? Sa nigũ pã warore nigũ niedaja. Fariseo masa, saduceo masa tiquina pã pugũ yeyere ihñana quehnoano yeya. Cuarĩne ti, ni yahuri usãre tiquiro.

<sup>12</sup> Tiquiro sa ni yahugũpũ usã masii. “Pã pugũ yeye”, nino pã warore nino niedari. Sa nino fariseo masa, saduceo masa tiquina buheyere

nino nidi. “Tiquina ye buheyere t̃hoeracãhña”, nino nidi.

*Jesu poto Cristo tiquiro ijyere Cohãcjũ  
ohoriquiro tiquiro ijyere yahuahye Pedro  
(Mr 8.27-30; Lc 9.18-21)*

<sup>13</sup> Sa ye Jesu mehna wahana, Cesarea Filipo wame tiri maca cahap̃ ijyere macarip̃ esau usã. Sa yero macap̃ sajã sari bato Jesu usãre tiquiro buhenare sinituri:

—¿Noa boro ijiagari yuh̃, masa yuh̃re tiquina t̃hotugũ? ni sinituri tiquiro.

<sup>14</sup> —“Ñu wame yeriquiro ijire”, nine m̃h̃re. Apequina “Elia ijire”, nine. Apequina “Jeremia ijiboaga o apequiro Cohãcjũ yere yahu m̃h̃tariquina mehna cjãno m̃nano ijiboaga”, nine, ni ỹhtii usã tiquirore.

<sup>15</sup> —¿Musa pehe m̃sa t̃hotugũ noa boro ijiagari yuh̃? ni, sinituri tiquiro.

<sup>16</sup> Simo Pedro ỹhtiri:

—M̃h̃ Cristo Cohãcjũ ohorig̃ ijire. Cohãcjũ catiriquiro waro mac̃ ijire m̃h̃, ni ỹhtiri Simo Pedro.

<sup>17</sup> —Simo Ñu mac̃ m̃h̃ bucuẽg̃ ijire. Ohõ saha ni m̃h̃ yuh̃re ỹhtiye masa tiquina yahuri ijierare. Yuh̃ Pac̃ uhm̃use cjãno pehe tire m̃h̃re masigũ yeri. <sup>18</sup> M̃h̃re niita niaja. M̃h̃ Pedro wame tig̃ ijire. (Pedro nino utã nino nine.) Ahri utã paa bui tutuari w̃h̃re yuh̃ yeboriro saha yeequina pehere wacũ tutuayequina ijigũ yeitja yuh̃. Sa ye yeequina ne pecap̃ wahasi.

<sup>19</sup> Uhm̃use cjãno mari p̃h̃toro ijiro cjã sawire m̃h̃re ohoutja. Sa yeg̃ ahri yehpare m̃h̃ ye

dutieragũ ʘhmʘsepʘ gũhʘre ye dutisi. Ahri yehpare mʘhʘ ye dutigũ ʘhmʘsepʘ gũhʘre ye dutiye ijjeta, nidi Jesu.

<sup>20</sup> Tiquiro sa nidi bato ʘsãre tiquiro buhenare ohõ saha nidi:

–Yʘhʘre “Cristo ijire tiquiro”, ni yahu site-niedacãhña apequinare, ni, dutiri ʘsãre.

*Jesu tiquiro yaria masa wijiatiye yahuahye*

*(Mr 8.31-9.1; Lc 9.22-27)*

<sup>21</sup> Ti pjeta Jesu ʘsãre tiquiro buhenare quehnoano yahu peho dʘcari:

–Jerusalẽpʘ yʘhʘre waharo cahmene yojopʘre. Topʘ judio masa mari bucuna, mari pahia pʘhto, marine judio masare buheyequina gũhʘ yʘhʘre ñano yeeta. Yʘhʘre wejẽeta. Sata ñano yʘhdʘro cahmene yʘhʘre. Sa yegʘ ihtia deco wahaboro masa wijiagʘta, ni yahuri ʘsãre tiquiro.

<sup>22</sup> Tiquiro sa nigũ tʘhoro Pedro pehe ape sie cjũnogã Jesure ne sadʘca, tiquirore ohõ saha nidi:

–Pʘhto, mʘhʘ nino saha sa wahaeracãhdo. Mʘhʘre tiquina wejẽdacãhdo, nimedi tiquiro Jesure.

<sup>23</sup> Tiquiro sa nigũ tʘhoro Jesu majaredʘca, tiquirore ohõ saha nidi:

–Satana yero saha yahuducugʘ nine mʘhʘ. Sa niedacãhña. Mʘhʘ tʘhotuye masa ye ijire. Cohãcjũ ye ijierare. Sa yegʘ yʘhʘ yeatire cahmota duare mʘhʘ, nidi Jesu Pedrore.

<sup>24</sup> Tiquiro sa nidi bato ʘsãre yahuri:

–Ihcãquiro yaquiro iji duaro, tiquiro cahmeno ye duamedire duhu cãnota. Sa yero yaquiro tiquiro ijiri buhiri ñano yʘhdʘeperota yʘhʘre duhusi. Sa yero yeere yeducuriquiro ijirota.

25 Masano yũhare wacũno marieno tiquiro esa tuharo tiquiro cahmeno sahata yero, pecarũ waharota. Sa yero yeere masano sa yeducuriquiro ijipihtiye decori yũhũ mehna uhmũsepũ ijirota tiquiro. 26 ¿Ihcãquiro masano ahri yehpa cjẽne ijipihtiyere cõoriquiro Cohãcjũre cahmedaro pecarũ waharo, yabere wapatajari tiquiro? Sa ijiriquiro ne wapataerare. Pecarũ tiquiro jeripohna wahagũ ne dahse wapa ye wioro basioerare. 27 Yũhũ masũ Cohãcjũ ohorigũ yeequina angele mehna ahri yehpapũ tojoa tagũ yũhũ Pacũ asi siteye mehna tojoa tagũ ijipihtiyequina masare tiquina ñaÑe yeri buhiri buhiri dahreitja. Tiquina quehnoañe pehere yegũ quehnoano yeitja tiquinare. 28 Ijirota mũsare yahutja. Ihquẽquina mũsa ohõpũre ijina mũsa yariato pano yũhare yũhũ pũhto sajãgũ ihñanata, ni yahuri Jesu.

## 17

### *Jesu tiquiro pagũre comesahye* (Mr 9.2-13; Lc 9.28-36)

1 Sa ye seis decori bato Jesu Pedrore, Santi-agore tiquiro bahũro Ñũ gũhare uhmũanũ cũnarũ tiquina dihitare piji mũjari. 2 Uhmũanopũ tiquina esari bato tiquina ihñonopũ tiquiro pagũre comesahye. Tiquiro wũhdoa asũ deco cjũno yero saha asi siteahye. Sa yero tiquiro suhtiro buhrioro yero saha yehsero wahahye. 3 Sa ye Jesu Moise mũnano, Elia mũnano mehna tiquina yahuducugũ ihñahye tiquina ihtiaro buheyequina. 4 Sa yero Pedro Jesure nimahye:

—Puhto, mari ohõp̄ ijigũ quehnoa duare. Mũhũ cahmegũ ihtia wãhũgã yeitja. Mũhũ ya wãhũgã, Moise ya wãhũgã, Elia ya wãhũgã yeitja, nimahye tiquiro.

<sup>5</sup> Tiquiro sa ni yahuducuri watoa ehmeo quehnoano asiye ehmeo tiquinare cahmotahye. Sa wahagũ ehmeo watoap̄ yahuducuye bisiro ca tahye.

—Ahriquiro yũhũ macũ yũhũ cahĩniquiro ijire. Tiquiro mehna bucueaja. Tiquirore tũhoya, ni yahuducuro ca tahye.

<sup>6</sup> Sa nigũ tũhoye tiquiro buheyequina tũho maria waha, yehpap̄ doque quehe sahye.

<sup>7</sup> Tiquina sa wahari bato Jesu tiquina cahap̄ esa, tiquinare bũacarero, ohõ saha niahye:

—Wahcãducaya mũsa. Yojop̄re mũsa ihñarire, mũsa tũhori gũhare cueracãhña, niahye tiquiro tiquinare.

<sup>8</sup> Tiquiro sa nigũ tiquina ihña wahcõ, Jesu dihitare ihñahye. Tiquina ihñariquina pehe mariedahye.

<sup>9</sup> Sa ye cũnũp̄ tiquina dijia tagũ Jesu tiquinare tutuaro mehna niahye:

—Mianogãta yũhũ sa waharire apequinare yahueracãhña. Yũhũ masũ Cohãcjũ ohorigũ yũhũ yaria masa wijiari batop̄ tire apequinare yahuya mũsa, niahye Jesu.

<sup>10</sup> Tiquiro sa nidi bato Pedro gũhũ tiquirore sinituahye:

—“Cristo masare yũhdũoatiquiro tiquiro ahtato pano Eliare ahta mũhtano cahmene”, nine marine judio masa buheyequina. ¿Dũhse ijiro boro sa niajari tiquina? ni sinituahye tiquina tiquirore.

11 Jesu yãhtiahye:

—Potota ijire. Eliare ahta mãhta dutiri Cohãcjã, ijipihtiyere quehno mãhtatiquirore. 12 Ohõ saha nigũ mãsare nigũ njaja. Elia wihi tuhasari. Tiquiro sa wihiepegũta tiquina tiquirore ne ihña masiedari. Sa ye tiquina dũhse ye duaro yeri jiri tiquirore. Sata yeeta yũhũ gãhũre. Yũhũ masũ Cohãcjã ohorigũ ijiaja. Tiquina sa yegũ ñano yũhdũgũtja yũhũ, niahye Jesu.

13 Tiquiro sa ni yahugũ tiquina quehnoano tũhoahye. “Elia”, nino, Ñũ wame yeriquirore nino niahye. Tire masiahye tiquina.

*Jesu watĩnore cãoriquirore yũhdũoahye  
(Mr 9.14-29; Lc 9.37-43)*

14 Sa ye peyequina masa caharũ tiquina dijia tagũ ihñano ihcãquiro mũmno Jesu caharũ esa, dũsepe curi mehna quehe sari.

15 —Pũhto, yũhũ macũre paja ihñaña. Tiquiro ñama yariayere dohatiriquiro ijire. Sa yero ña yũhdũaro yũhdũre. Peye tahari pecarũ bora sa quehea mũjare tiquiro. Ihquẽ tahari diarũ bora ñojoa mũjare. 16 Sa yegũ mũhũ buheyequina caharũ tiquirore ne sami. Tiquina tiquirore yũhdũo masiedari, nidi tiquiro Jesure.

17 Jesu yãhtiri:

—Yojorũ cjãna, ñana ijire mãsa. Yũhũre ne wacũ tutuerare. Yoa yũhdũari pje mãsare buhemi yũhũ. ¿Noho puno yoari pje yũhũre mãsa cariboajari? Tiquirore ne cãhtaya yũhũre, nidi Jesu.

18 Sa yero watĩnore tiquiro tuhtigũta watĩno pehe mãsano mehna ijiriquiro wahaa wahari. Sa wahari batogãta quehnoa wahari tiquiro.



19 Came usã tiquiro buhena usã sehsaro ijina Jesure sinituu:

—¿Dusena usã pehe ahriquiro pehere watĩnore cohã masiedari, mũhũ tuhhotugũ? ni sinituu usã.

20 Jesu yũhtiri:

—Yũhũre mehenogã wacũ tutuare mũsa. Poto mũsare yahugũta niaja. Mostaza capegã meheni pjegã ijire. Ti yero saha Cohãcjũre mehenogã mũsa wacũ tutuana ohõ saha wahagũ ye masinata mũsa. Ahdũ cũnũre “Sohõpũ wahaya”, mũsa nigũ, waharota. Cohãcjũre sata wacũ tutuana, ijipihtiyere ye masine mũsa. [ 21 Sa ijiepegũta ahriquiro boro watĩnore mũsa cohã duana Cohãcjũre tutuaro sinino cahmene mũsare. Sa ye duana sijiro cahmene mũsare Cohãcjũre sinina tana,] nidi Jesu usãre.

*Pari turi Jesu tiquiro yaria masa wijiatire yahuahye*

*(Mr 9.30-32; Lc 9.43-45)*

22 Sa ye Galilea yehpapũ usã tinigũ, Jesu usãre yahuri:

—Yũhũ masũ Cohãcjũ ohorigũ ijiaja. Masa yũhũre ñehe, apequinarũre yũhũre ohoeta. 23 Sa tiquina ohori bato yũhũre wejẽeta. Sa tiquina wejẽgũ ihtia deco wahaboro masa wijiağũta, ni yahuri tiquiro usãre.

Tiquiro sa ni yahugũ tutuaro bũjũa witiĩ usã.

*Cohãcjũ wũhũ cjẽ wapare sinituahye apequina*

24 Sa yena Capernaupũ sajã sagũ, Cohãcjũ wũhũ cjẽ ijiatire wapa ne cohteyequina Pedro cahapũ esa, tiquirore sinituahye.

—¿M̄sare buheriquiro Cohãcjũ w̄h̄u cjẽ wapa ijiatire wapa yeajari tiquiro? ni sinituahye tiquina.

<sup>25</sup> —Wapa yere tiquiro, ni yãhtiahye Pedro.

Tiquiro sa nidi bato w̄h̄uꝑ̄u tiquiro sajãgũ Jesu sinitu m̄htahye Pedroro:

—¿Simo d̄h̄se ni t̄hotuajari m̄h̄u? ¿Ahri yehpa cjẽna p̄h̄toa yabequina pehere wapa neajari, m̄h̄u t̄hotugũ? ¿Tiquina mehna cjẽnare wapa neajari? ¿O ape yehpa cjẽna pehere wapa neajari, m̄h̄u t̄hotugũ? ni sinituahye tiquiro Pedroro.

<sup>26</sup> —Ape yehpa cjẽna pehere wapa nene, ni yãhtiahye Pedro.

Tiquiro sa nigũ Jesu yahuahye:

—Sa yero p̄h̄toro tiquiro ya yehpa cjẽnare wapa nedari. <sup>27</sup> Sa ijiepegũta wapa ne cohteyequinare usuagũ ye dueraja mari. Sa yena wapa yenata. Ditarap̄u wahaya. Top̄u esa, yohyeri dare doque ñoña. Sa yeḡu wahi m̄h̄ure ihyariquirore weje n̄oña. Tiquiro d̄userop̄u niñeru cjoere bocagũta m̄h̄u. Ti cjoe queoro wapa tiri cjoe ijirota. Ȳh̄ure, m̄h̄u ḡh̄ure Cohãcjũ w̄h̄u cjẽna tiquina wapa negũ quehnoano queoro esa tuharota ti cjoe. Ti cjoere bocaḡu mari wapamonore wapa yeḡu wahaya, niahye Jesu Pedroro.

## 18

*Jesu buhयेquina tiquina mehna cjãnore p̄h̄to s̄o duamahye*

*(Mr 9.33-37; Lc 9.46-48)*

<sup>1</sup> Ti pjere usã tiquiro buhena Jesu cahap̄u esa, sinituu tiquirore:

—¿Uhmuse cjãno pũhtoro ijiropũre usã mehna cjãno noa wahaboagari pũhtoro? ni sinituu usã.

<sup>2</sup> Usã sa nigũ Jesu nijinogãre pijio, tiquirogãre usã caha duhu docori. Duhu doco tuhasa, usãre nidi:

<sup>3</sup> —Poto musare yahugũtja. Ahriquina macanagã Cohãcjũre tiquina pũhtoro waro tũhoture. Sa yena musa gũhũ tiquina yero saha tũhotuna, quehnoañene comesana, uhmuse cjãno pũhtoro ijiropũre wahanata. Tiquina yero saha tũhotuerana pũhtoro tiquiropũ wahaasi musa.

<sup>4</sup> Sa yero uhmuse cjãno pũhtoro ijiropũre sa tũhotu cãriquiropũ ahriquiropũ nijinogã yero saha tũhoturiquiropũ apequina bui pũhtoro wahare.

<sup>5</sup> Sa yena yeere yena tana ohõ saha ijiyequinogãre cahmena, yũhũ gũhũre cahmene musa, ni yahuri Jesu.

*Ñañene yegũ cuarĩne*

*(Mr 9.42-48; Lc 17.1-2)*

<sup>6</sup> Sa yero tiquinare yahu nemori:

—Ahriquiropũ yero saha ijiriquiro yũhũre wacũ tutuariquiropũre yahutja musare. Apequiropũ ahriquiropũ yero saha ijiriquirore ñañene ye dutiro tiquiropũ ña yũhdũaro yũhdũrota. Tiquiropũ wamũare pajiria utãre duhte yo, pajiri mapũ tiquiropũre cohãgũ ñano wahaboaga tiquiropũ. Sa ijipegũta ahriquiropũ yero saha ijiriquirore ñañene ye dutiriquiro tiquiropũ pehe pajiri mapũ tiquina cohãriquiropũ yũhdũoro ñano yũhdũrota.

<sup>7</sup> Masare ñañene yegũ yeye ijire. Tire yeye ahri yehpa cjẽna ñano yũhdũre. Ñañene yeducure masa. Tiquina sa yegũ tiquinare ñañene yegũ yeyequina pehe ña yũhdũaro yũhdũeta.

8 'Mũhũ omoca mehna ñano yegũ ti omocare mũhũ dũte cohãboro saha ti ñañene duhuya. Tire duhueragũ pecarũ wahagũta. Topũre ne peca yatierare. Mũhũ omocare mũhũ cohãgũ ti si dihita butiboaga. Sa yegũ mũhũ pehe sa bajuri turu ijiepegũta came Cohãcjũ mehna ijigũta. Pũa omoca mehna pecarũ wahagũ mũhũ sa wahagũ ña yũhdũaboaga. Sa yegũ ti ñañene duhuya. Mũhũ dahpocã mehna ñano yegũ ti dahpocã gũhũre mũhũ dũte cohãboro saha ti ñañene duhuya. Tire duhueragũ pecarũ wahagũta. Topũre ne peca yatierare. Mũhũ dahpocãre mũhũ cohãgũ ti si dihita butiboaga. Sa yegũ sa bajuri turu ijiepegũta came Cohãcjũ mehna ijigũta. Pũa dahpocã mehna pecarũ wahagũ mũhũ sa wahagũ ña yũhdũaboaga. Sa yegũ ti ñañene duhuya. 9 Mũhũ capea mehna ñano yegũ tiare ore we mũhũ cohãboro saha ti ñañene duhuya. Tire duhueragũ pecarũ wahagũta. Topũre ne peca yatierare. Tiare mũhũ cohãgũ tia dihita butiboaga. Ihcã pehe capea mariedapegũta came Cohãcjũ mehna ijigũta. Pũa capea mehna pecarũ wahagũ mũhũ sa wahagũ ña yũhdũaboaga. Sa yegũ ti ñañene duhuya, ni yahuri Jesu.

*Oveja butiriquiro queoyere yahuahye Jesu  
(Lc 15.3-7)*

10 Sa ni tuhasa ohõ saha ni yahu nemori:

—Ne, ahriquinagãre macanagãre ihña tuhtier-acãhña. Mũsare niita niaja yũhũ. Tiquinagã yeequina angele tiquinagãre cohteyequina uhmũseperũ ijieyequina pehe yũhũ Pacũ caharũ sa ijiducure. [ 11 Yũhũ masũ Cohãcjũ ohorigũ ahri yehparũ

pecarꝰ wahaboriquinare yꝰhdꝰogꝰ tꝰꝰ nii yꝰhꝰ,] ni yahuri Jesu.

<sup>12</sup> Sa ni tuhasa tiqũiro tꝰhotuye mehna ohõ saha ni queoye mehna buheri ꝰsãre.

—Ovejare cohteriquiro cien ovejare cꝰoriquiro ihcãquiro oveja butia wahagũ ohõ saha yerota tiquinare cohteriquiro pehe. Apequina ovejare noventa y nueve ovejare tiquina ihyaropꝰ duhu doco, butiriquirore macano waharota. <sup>13</sup> Ijirota nii niaja mꝰsare. Tiquirore bocaro bucuerota tiqũiro. Apequina noventa y nueve dꝰhsayequina mehna bucueri tiqũiro. Tiquinare tiqũiro bucueriro yꝰhdꝰoro butiriquiro pehere bocaro tutuaro bucuerota. <sup>14</sup> Sata mari Pacꝰ ꝰhmꝰse cꝰãno ahriquina ihyo ijiyequina gũhꝰre pecarꝰ tiquina wahagũ cahmedare, ni yahuri Jesu.

*Mꝰhꝰ acayꝰro mꝰhꝰre ñano yegũ ohõ saha ye dutiahye Jesu*

*(Lc 17.3)*

<sup>15</sup> Sa ni tuhasa ohõ saha ni yahu nemori:

—Mꝰhꝰ acayꝰro mꝰhꝰre ñano tiqũiro yegũ tiqũiro mehna yahugꝰ wahaya. Mꝰsa sehsaro tire yahuya. Mꝰhꝰ sa yegũ tiqũiro mꝰhꝰre tꝰhoboaga. Tiquiro tꝰhogũ “Mꝰhꝰre ne pari turi ohõ saha yesi yꝰhꝰ”, tiqũiro nigũ mꝰhꝰ acayꝰrore pari turi piti tigꝰ niaga mꝰhꝰ. <sup>16</sup> Mꝰhꝰre tiqũiro tꝰho dueragũ pũrita ihcãquiro mehna waha duagꝰ o pꝰaro mehna waha duagꝰ tiquinare piti ti cã, pari turi tiqũirore yahuna wahaya. Mꝰsa sa yena pꝰana o ihtiana tiqũirore mꝰsa yahusãgũ, “Poto tjire”, ni masieta apequina. <sup>17</sup> Sa yena mꝰhꝰ mehna cꝰãna gũhꝰre tiqũiro tꝰho dueragũ ijipihtiyequina Jesu

yequina cahmecoañequinare yahusãna wahaya. Sa yena Jesu yequina cahmecoañequinare tiqairo tũho dueragũ ihñana Cohãcjũre ño peo dueriquiro tiqairo ijiro saha yeya tiqirore. Wapa ne cohteriquiro tiqairo ijiro saha yeya tiqirore.

<sup>18</sup> 'Ijirota m̄sare niita niaja. Ahri yehpap̄m̄ m̄sa Jesu yequina ñañene m̄sa ye dutieragũ ʘhm̄sep̄m̄ gũh̄are ye dutisi. Ahri yehpap̄m̄ m̄sa quehnoañene ye dutigũ ʘhm̄sep̄m̄ gũh̄are ye dutiye ijirota.

<sup>19</sup> 'Pari turi m̄sare yahutja ahrire: M̄sa p̄hana Cohãcjũre sinigũ, m̄sa p̄hana m̄sa sinidire ihcãno saha m̄sa tũhotugũ ȳh̄m̄ Pac̄m̄ ʘhm̄se cjãno tire yerota. <sup>20</sup> P̄h̄aro o ihtiaro yeequina, yeere yea-tiquina tiquina cahmecoagũ ȳh̄m̄ tiquina mehna ijiaja, ni yahuri Jesu.

*Cahacjũno apequiro tiqairo wapamonore tiqairo bo duerari quitire yahuahye Jesu*

<sup>21</sup> Came Pedro Jesu cahap̄m̄ esa, sinituri:

—¿P̄h̄to, ȳh̄m̄ acayaro m̄h̄m̄ yaquiro peye tahari ȳh̄m̄re ñano tiqairo yegũ ihñaḡm̄ nohope tahari tire boḡtari ȳh̄m̄? ¿Siete tahari boḡtari ȳh̄m̄? ni sinituri Pedro.

<sup>22</sup> Jesu ȳh̄tiri:

—Siete taharita m̄h̄m̄re apequiro ñano yerire m̄h̄m̄ bogũ to wahaerare. Peye tahari m̄h̄m̄re ñano tiqairo yegũ gũh̄are boya.

<sup>23</sup> 'ʘhm̄se cjãno masa p̄h̄toro tiqairo ijiye ahri queoye yero saha ijire. Ijipihtiyequina masa p̄h̄toro tiqairo cahacjẽnare tiqirore wapamoñequinare wapa ye peho duti duamahye.

<sup>24</sup> Tiquina wapamorire tiqairo queo d̄ucagũ,

tiquiروه dahra cohteyequina pehe pajiro wapamoriquiروه tiquiro cahap̄a ne cãhtahye. Wapamoriquiروه paji ȳh̄d̄h̄aro wapamoahye tiquiro p̄htorore. <sup>25</sup> Sa yero tiquiro wapa ye masiedagã tiquiro p̄htoro tiquiروه, tiquiro namonore, tiquiro pohnene cahacj̄ena s̄o, tiquire apeqinare dua dutimahye. Sa ye ijipihtiye tiquiro c̄oye ḡh̄are dua dutimahye, tiquiro wapamonore wapa ye peho dutiro. <sup>26</sup> Tiquiro sa dua dutigã pajiro wapamoriquiروه pehe d̄usepe curi mehna quehe sa, tiquiro p̄htorore tutuaro siniahye: “P̄hto, ȳh̄are paja ih̄n̄aḡu cohteniña. M̄h̄are wapa ye pehoutja”, niahye tiquiro p̄htorore. <sup>27</sup> Tiquiro sa nigã t̄h̄oro, tiquiروه paja ih̄n̄ano tiquiro wapamonore sata bo cãhye.

<sup>28</sup> Tiquiro sa yeri bato wapamoriquiروه pehe waha, apeqiro cahacj̄nore tiquiروه mehenogã wapamoriquiروه boca sahye. Sa boca saro wam̄a ñeheahye tiquiروه. “Ȳh̄are m̄h̄u wapamonore wapa ye pehoya”, niahye tiquiro mehna cj̄nore tiquiro yero saha ijiriquiروه cahacj̄nore. <sup>29</sup> Tiquiro sa nigã apeqiro cahacj̄no pehe d̄usepe curi mehna quehe sa, tiquiروه tutuaro sinimahye. “Ȳh̄are paja ih̄n̄aḡu mehenogã cohteniña. M̄h̄are wapa ye pehoutja”, nimahye apeqiro cahacj̄no tiquiروه. <sup>30</sup> Tiquiro sa ni siniepegãta ȳhtierahye. Sa yero tiquiro apeqiro cahacj̄nore peresu ye dutiahye. Tee tiquiro wapa ye pehoḡp̄a wioro taro niahye tiquiروه. <sup>31</sup> Pajiro wapamoriquiروه mehenogã wapamoriquiروه tiquiro sa yegã ih̄na, usua, apeqina cahacj̄ena pehe tiquina p̄htorore

yahusãñe wahahye. <sup>32</sup> Tiquina sa ni yahusãgũ tũhoro tiquina pũhtoro tiquina yahusãriquiore pijio, ohõ saha niahye: “Mũhũ ña yũhdũagũ ijire. Mũhũ yũhũre tutuaro sinigũ mũhũ wapamonore bo pehomi yũhũ. <sup>33</sup> Mũhũre yũhũ sa yepegũta mũhũ pehe mũhũre wapamoriquiore boerañõhti. Mũhũ wapamono pehere yũhũ boriro sahata tiquiro mũhũre wapamono gũhũre mũhũ bogũ quehnoa yũhdũaboaga. ¿Dũhsegũ tiquirore paja ihñedari mũhũ, sa yegũ?” niahye pũhtoro tiquirore. <sup>34</sup> Sa nino tutuaro usua, peresu yeahye tiquiro cahacjũnore. Tee tiquiro wapa ye pehogũpũ wioro taro niahye, ni yahuri Jesu.

<sup>35</sup> Sa yero ohõ saha ni ahri quitire yahu bato tiri:

–Sata yerota yũhũ Расѣ ũhmũse cjũno mũsare. Mũsa ijipihtina mũsa acaye mũsare tiquina ñano yerire quehnoano mũsa bo pehoeragũ tiquiro mũsare buhiri dahrerota, nidi Jesu.

## 19

*Tiquina namosãnumiare cohãñene yahuahye Jesu  
(Mr 10.1-12; Lc 16.18)*

<sup>1</sup> Tire tiquiro sa ni yahuri bato tiquiro Galileapũ ijiriquiro Judea yehpapũ usãre siho wahari. Jordã wame tiri ma ape sie pahrẽpũ esau usã. <sup>2</sup> Topũ usã wahagũ peyequina masa usãre nũnũ tã cãri. Tiquina mehna cjẽnare dohatiyequinare yũhdũgũ yeri tiquiro.

<sup>3</sup> Sa ye ihquẽquina fariseo masa Jesure yahusã duaye, ñano tiquiro yahuducugũ tũho duaye, tiquirore sinituri:



—¿Mari namosãnumiare cohãgũ quehnoaboagari? ¿Mari dutiye pehe sata ye dutiagari, m̄h̄h̄ t̄h̄hotugũ? ni sinituri tiquina.

<sup>4</sup>Jesu ȳhtiri:

—¿Cohãcjũ yere tiquina ojoari p̄p̄ ne ahrire buherari m̄sa? Ohõ saha ni ojoahye: “Coã warop̄are ahri yehpare bajumehnediquiro am̄ano, numino ḡh̄are yeahye”, ni ojoahye. <sup>5</sup> Sa yero ohõ saha ni oja nemoahye: “Sa yero am̄ano tiquiro pac̄sum̄are cohã wijia, tiquiro namono mehna ijirota. Sa ye tiquina p̄aro ijiepetahcã paḡh̄ yero saha ijire. <sup>6</sup> Sa ye tiquina p̄aro yero saha ijierare. Ihcã paḡh̄ yero saha ijiye nine. Cohãcjũ tiquiro omoca d̄hte dutiyequina ijire. Sa ye tiquinare cahme duhueraro cahmene”, ni ojoahye, nidi Jesu tiquinare.

<sup>7</sup>Tiquiro sa nigũ fariseo masa sinituri tja:

—M̄h̄h̄ ohõ saha ni yahuepegũta ohõ saha ni ojoahye Moise pehe: “M̄h̄h̄ namonore cohã duaḡh̄ papera p̄re tire ojoaya. Sa ojoaḡh̄ ti p̄re m̄h̄h̄ namonore m̄h̄h̄ ohori bato ticorore cohã masine m̄h̄h̄”, ni ojoahye Moise. ¿M̄h̄h̄ nino saha ijiepegũta Moise pehe d̄h̄sero ohõ saha ni ojoayari? ni ȳhtiri tiquina tiquirore.

<sup>8</sup>Jesu ȳhti cahmedi tiquinare:

—Cohãcjũre m̄sa ñec̄sum̄a panop̄h̄ cjẽna tiquina t̄ho dueragũ ihñano tiquina namosãnumiare tiquina cohãgũ, “Sata wahacũnahdo”, niahye Moise. Tiquiro sa niepegũta coã warop̄are ahri yehpare sa ijierari. <sup>9</sup> M̄sare niita niaja. Mas̄no tiquiro namono ticoro ñano yerapegũta ticorore cohãno, apecorore namo tiro, tiquiro apecoro mehna ñano yero nine.

[Sa yero ahriquiro cohãricorore namo tiriquiro gũhũ ticoro mehna ñano yeriquiro ijire,] nidi Jesu.

<sup>10</sup> Tiquina sa nigũ tũhona, usã tiquiro buhena pehe tiquirore ohõ saha nii:

—Sata umũno tiquiro namono mehna tiquina cahme cohãedagũ mari pehere mari namo tieragũ quehnoaboaga, nii usã.

<sup>11</sup> Jesu yũhtiri:

—Ihquẽquinareta namo ti dutierare Cohãcjũ. Tiquiro namo ti dutiriquina dihita namo tieta.

<sup>12</sup> Umũare namo ti dutieraye ihquẽgã ijire. Ihquẽquina umũa numiare cahmeeñequina masa bajuare. Apequina umũa masa tiquina apẽni tõho tiquina weriquina pehe namo ti masiedare. Apequina umũa umũase cjũno tiquina pũhoro yere yedoho duaye, namo tierare. Sa ye ahriquina namo ti dueyequina sata tũhotu cãhñequina, sata tiquina sohtori tigũ quehnoare, nidi Jesu usãre.

*Macanagã ye ijiatire Cohãcjũre sini basahye Jesu (Mr 10.13-16; Lc 18.15-17)*

<sup>13</sup> Sa ye masa macanagãre Jesu cahapũ ne wihiri. Sa ne wihiye, tiquina Jesure tiquiro omocare tiquinagã bui ña peo duti duamedí. Sa ye tiquinagãre Cohãcjũre sini basa duti duamedí Jesure. Tiquina sa yegũ ihñana usã tiquiro buhena tiquinare tuhtimi. <sup>14</sup> Usã sa tuhtigũ ihñano, usãre Jesu ohõ saha nidi:

—Macanagã yũhũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjũre tiquina pũhoro tũhoture. Sa ye tiquiro umũase cjũno pũhoro ijiropũ ahriquinagã yero saha tũhotuyequina ijire topũre, nidi Jesu usãre.

15 Sa ninota tiquiro omocare tiquinagã bui ña peo tuhasa, wahaa wahari.

*Doeri cjẽ upuro Jesure sinituahye*

*(Mr 10.17-31; Lc 18.18-30)*

16 Tiquiro sa yeri bato ihcãquiro Jesu cahapũ wihi, sinituri tiquirore:

—¿Ne quehnoagũ buhegũ, ijipihtiye decori Cohãcjũ mehna iji duagũ, quehnoañene ye duagũ dũhse yeboagari yũhũ? nidi tiquiro.

17 —¿Dũhse ijiro boro yũhare quehnoañene sinituajari mũhũ? Cohãcjũ dihita quehnoariquiro ijire. Ijipihtiye decori Cohãcjũ mehna iji duagũ tiquiro dutiyere yeya, nidi Jesu.

18 —¿Dise boro dutiyere pehere nigũ niajari? ni sinitu nemori tiquiro.

Jesu yũhtiri:

—Masare wejẽdacãhña. Wũana tieracãhña. Yaqueracãhña. Ni mehoedacãhña. 19 Mũhũ pacũsumũare ño peoya. Mũhũ basi mũhũ cahño saha mũhũ cahapũ ijiriquiro gũhare cahña. Ahri dutiyere yero cahmene, nidi Jesu.

20 —Ahri dutiyere ne yũhdũdũcaera tii yũhũ. ¿Dũhse ye nemoagari yũhũ ijipihtiye decori Cohãcjũ mehna iji duagũ? nidi tiquiro Jesure.

21 Tiquiro sa nigũ tũhoro Jesu yahu nemori:

—Mũhũ ñañe mariegũ iji duagũ mũhũ ye ijipihiyere duagũ wahaya. Sa duagũ ijipihtiye mũhũ wapatari niñerure pejecũoyequinare ohoya. Mũhũ sa yegũ pajiro mũhũ ye uhmũsepũ, Cohãcjũ cahapũ ijirota. Mũhũ sa yeri bato yũhũ mehna cjũ ijigũ ahtaya, ni yahuri Jesu.

<sup>22</sup> Tiquiro sa nigũ tũhoro tutuaro bujũa witiri. Tiquiro doeri cjẽ upũro ijipihtiyẽ cœoriquiro ijiri. Sa yero Jesu yahugũ tũhoro tutuaro bujũa witiri. Pejecœoyequinare oho dueraro wahaa wahari.

<sup>23</sup> Tiquiro sa wahari bato Jesu usãre tiquiro buhenare yahu nemori:

—Ijirota musare niita niaja. Doeri cjẽ upũro Cohãcjũ pũhtoro ijiropũre tiquirore waharo basioera cjũre. <sup>24</sup> Musare yahu nemoutja: Camello pehe awia copepũ tiquiro sajã duagũ basioerare tiquirore. Tiquiro sa ijiro yũhdũoro doeri cjẽ upũro Cohãcjũre cahmedaro, Cohãcjũ pũhtoro ijiropũre waharo basioerare, nidi tiquiro.

<sup>25</sup> Tiquiro sa nigũ tũhona usã tũho maria waha, usã basi ohõ saha nii:

—Aa, dũhse tiquiro nino sahata ijigũ, ne ihcãquiro masũno Cohãcjũ cahapũ waha masiedaboaga, nii usã basi.

<sup>26</sup> Usã sa nigũ Jesu usãre ihñano, yahuri:

—Masa tiquina esa tuhoro tiquina quehnoano yeri mehna Cohãcjũ cahapũ waha masiedare. Cohãcjũ pehe masare pecapũ wahaboriquinare yũhdũo masine. Tiquiro ijipihtiyere quehnoano ye masi peho cãre, nidi tiquiro usãre.

<sup>27</sup> Tiquiro sa nigũ Pedro tiquirore nidi:

—Tũhorĩña. Usã pehe usã ye ijipihtiyere cũ cãũ mũhũ mehna wahana tana. ¿Usã ohõ saha yena, dũhse ijiyere wapatanatari usã? nidi tiquiro.

<sup>28</sup> Tiquiro sa nigũ tũhoro ohõ saha nidi Jesu:

—Musare niita niaja: Pihtiri deco bato ijipihtiyẽ wahma dihita comesaeta. Ti pjepũre yũhũ

masu Cohãcjũ ohorigu yũhũ pũhtoro yũhũ dujiropũ asi siteropũ dujiitja yũhũ. Topũ yũhũ dujigũ mũsa gũhũ doce dujiye pahtaripũ pũhtoa tiquina dujiye pahtaripũ dujinata. Sa yena Israe masare doce cururi cjẽnare besenata mũsa quehnoañequina gũhare, ñañequina gũhare. <sup>29</sup> Sa ye yeere yena tana mũsa wũhũsere, mũsa bahanare, mũsa pacũsmũhare, mũsa pohñare, mũsa weserire cũrina ijina, pajiro wapatanata. Sa yena ijipihtiye decori Cohãcjũ mehna ijinata. <sup>30</sup> Sa ijiepegũta yojopare peyequina pũhtoa ijiriquina ti pjeperẽ ihyo ijieyequina tojoaeta. Sa ye yojopare peyequina ihyo ijieyequina ijimediquina ti pjeperẽ pũhtoa comesaeta, ni yahuri Jesu usãre tiquiro buhenare.

## 20

*Uhse wesere dahrayequina queoyere yahuahye Jesu*

<sup>1</sup> Sa ye Jesu pari turi queoye mehna yahu nemori tja:

—Uhmũse cjãno masa pũhtoro ijire. Wese upũro queoye mehna tiquiro pũhtoro ijieyere yahutja mũsare. Tiquiro wese upũro bohrea quehagũ tiquiro ya wesere dahratiquinare pijiro wahahye. <sup>2</sup> “Ihcã cjoe niñeru cjoe wapa yegũtja ihcã decore”, niahye tiquinare. “Aũ”, niahye dahratiquina. Tiquina sa nigũ wesepũ dahra dutiro ohoahye tiquiro tiquinare. <sup>3</sup> Sa yero decopũ nueve ijigũ doeri cjẽ duaropũ wahahye tiquiro. Topũ esaro, apequina dahraeyequinare ihñahye. <sup>4</sup> Sa ihñano tiquinare niahye: “Mũsa gũhũ ya wesere dahrana wahaya. Quehnoano wapa yegũtja”, niahye

tiquiro. <sup>5</sup> Sa ye tiquina wesepu dahraye wahahye. Sa ye wese upuro coheri pje ijigũ, ñamicahapu tres ijigũ gũhare dahra dutiahye. <sup>6</sup> Sa ye ñamicahapu cinco ijigũ doeri cjê duaropu tiquiro wahahye tja. Topu esa, apequina dahraeyequinare ihñano, tiquinare niahye: “¿Musa dahse yena niajari dahraerapenata ohõpũre?” ni sinituahye tiquinare. <sup>7</sup> “Ne, usãre dahraye mariedare”, ni yũhtiahye tiquina. “Musa gũhu ya wesere dahrana wahaya”, niahye tiquinare. Sa ye tiquiro nidiro sahata tiquiro ya wesere dahraye wahahye.

<sup>8</sup> Sa ye ñamicahapu dahra duhuri pje ijigũ wese upuro tiquiro dahrayequinare cohteriquirore ohõ saha niahye: “Dahrayequinare pijiya. Tiquina wihigũ tiquinare wapa yeya. Camepu yũhu dahra dutiriquinare wapa ye mũhtaña. Tiquinare wapa ye tuhasa, apequina gũhare wapa ye tuhasa, yũhu dahra duti mũhtariquinare wapa ye bato tiya”, niahye tiquiro. <sup>9</sup> Sa yero cinco ijigũ dahra dũcayequinare ihcã cjoe niñeru cjoe wapa yeahye. <sup>10</sup> Tiquiro sa wapa yegũ ihñañe, “Usãre paji cjũnogã wapa yerota”, ni tũhotumahye tiquiro duti mũhtariquina pehe. Tiquina gũhare ihcãno saha wapa yeahye. <sup>11</sup> Sa ye niñerure tiquiro wapa yegũ tiquina pũhtoro mehna usuaye, tiquina basi cahme niahye: <sup>12</sup> “Ahriquina usã batopu tiquiro dahra dutiriquina pehe ihcã horata dahrari. Usã pehe ihcã deco quehnoano dahra nahñoa wahami. Ñano asũ asiri usãre. Usã sa yoari pje dahraepẽgũta usã batopu dahra dũcariquina gũhare ihcãno saha wapa yeri tiquiro”, ni usuahye

tiquina basi. <sup>13</sup> Ihcãquiro tiquina mehna cjãno tiquiro sa nigũ tãhoro, wese upãro yãhtiahye tiquirore: “Ne yũhũ acayũ, ‘Ihcã cjoer niñeru cjoere wapa yegũtja’, nimi mũsare. Yũhũ sa nigũ yãhtiri mũsa. Sa yegũ yũhũ nidiro sahata mũsare wapa yei yũhũ. Queoro wapa yei mũsare. Ne yaquerũ mũsare. <sup>14</sup> Sa yegũ yũhũ wapa yerire ne, mũhũ ya wũhũpũ tojoarĩsa. Ahriquirore came yũhũ dahra dutiriquiro gũhũre mũsare yũhũ wapa yeriro punota wapa yegũtja. <sup>15</sup> Yee niñeru ijire ahri. Sa yegũ yũhũ cahmeno sahata ahri mehna wapa yegũtja. ¿Arequinare bui cjũnogã yũhũ quehnoano wapa yegũ ihña tuhtiajari mũhũ?” niahye tiquiro wese upãro, ni yahuri ti queoyere Jesu.

<sup>16</sup> Sa nino, yahu nemori tiquiro:

—Ahri queoye nidiro saha came cjã curua iji mũhtari curua ijirota uhmũsepũ. Sa ye iji mũhtari curua pehe tiquina camerũ cjã curua tojoarota uhmũsepũ, ni yahuri Jesu.

*Pari turi Jesu tiquiro yaria masa wijiatire yahuahye*

*(Mr 10.32-34; Lc 18.31-34)*

<sup>17</sup> Sa ye Jerusalẽpũ wahaducu, usãre doce tiquiro buhenare pijio tuhasa, ape siepũ usãre usã sehsaro neari Jesu. Usã sehsaro usã ijigũ usãre yahuri:

<sup>18</sup> —Tũhoya yũhũre. Yojoopũre Jerusalẽpũ wahana niaja mari. Topũ yũhũre masũre Cohãcjũ ohorigũre ñehe, arequinapũre yũhũre ohoeta. Pahia pũhtoare, judio masare buheyequina gũhũre yũhũre ohoeta. Sa ye yũhũre wejẽ dutieta tiquina. <sup>19</sup> Sa wejẽ dutiye, judio masa ijieyequinare yũhũre ohoeta. Tiquina sa ohori

bato tiquina pehe yũhũre bujũpe, tana, curusapũ quẽ bihaeta yũhũre. Sa yegũ yũhũ yariari bato ihtia deco wahaboro masa wijiagũtja, ni yahuri Jesu usãre.

*Santiago, Ñu mehna tiquina pacoro pehe tiquinare sini basahye Jesure*  
(Mr 10.35-45)

<sup>20</sup> Sa ye Zebedeo namono pũaro ticoro pohne mehna Jesu cahapũ esa, dũsepe curi mehna quehe sahye tiquiore sinino taro.

<sup>21</sup> —¿Dũhse yũhũ yegũ cahmeajari mũhũ? niahye Jesu ticorore.

—Mũhũ pũhto sajãgũ yũhũ pohñare dutiyequina sũña. Sa yegũ mũhũ pũa peheripũ duji dutiya tiquinare, ni siniahye ticoro.

<sup>22</sup> Jesu ohõ saha niahye:

—Mũsa ñano yũhdũatire masiedapenata sa sine mũsa. ¿Yojopũre yũhũ ñano yũhdũato saha mũsa gũhũ ñano yũhdũna ihcãno sahaboagari mũsa? niahye Jesu ticoro pohñene.

—Ihcãno sahanata, ni yũhtiahye Santiago, Ñu mehna.

<sup>23</sup> —Ijirota niita niaja mũsare. Yũhũ ñano yũhdũato saha ñano yũhdũnata mũsa gũhũ. Sa ijipegũta yũhũ mehna dutiatiquinare, yũhũ mehna dujiatiquinare bese masiedaja yũhũ. Yũhũ Pacũ pehe quehno tuhasari tire. Sa ye tiquiore beseatiquina dihita yũhũ poto pehe yũhũ cũ pehe pehe dujieta, niahye Jesu tiquinare.

<sup>24</sup> Sa yena usã apeqũna diez tiquiore buhena pehe Santiago, Ñu ahriquina pũaro mehna usuũ usã. Jesure tiquina pacoro ticoro sini basarire



tuhona usuam tiquina mehna. <sup>25</sup> Usã sa usuagũ ihñano, Jesu usãre ijipihtina tiquiro buhenare piji cahmecoa, yahuri usãre:

—Cohãcjãre masieñequina puhto pehe tiquina masare dutiye, usuaro mehna dutire. <sup>26</sup> Mh̄sa pehe ne sa yesi mh̄sa basi. Mh̄sa mehna cjãno puhtoro iji duaro, ijipihtiequina tiquiro mehna cjẽna cahacjãno ijiro cahmene tiquirore. <sup>27</sup> Sa yero ijipihtiequinare dutiriquiro iji duaro, apequina cahacjãno ijiro cahmene tiquirore. <sup>28</sup> Sata ijigũ ijiaja yũhũ gãhũ. Yũhũ masũ Cohãcjũ ohorigũ ahri yehpapũre masare yedohogũ ahtaũ. Sa yegũ peyequina masa ye buhirire yariagũ ahtaũ nii. Sa yegũ masare pecapũ wahaboriquinare yũhdũogũ ahtaũ nii. Masare dutipegũ tagũ niedũ, nidi Jesu usãre.

*Pũaro caperi bajueyequinare ihñagũ yeahye Jesu (Mr 10.46-52; Lc 18.35-43)*

<sup>29</sup> Sa ye Jericõpũ ijirina usã wahagũ peyequina masa Jesure nũnũ tãri. <sup>30</sup> Sa ye Jesu tiquiro yũhdũagũ pũaro caperi bajueyequina maha duhtũ cahapũ dujiyequina tuhori. Sa tuhoye, ohõ saha ni sañuducuri:

—Puhto, Davi mũnano panami iji turiagũ, masare yũhdũoacjũ, usãre paja ihñaña, ni sañuducuri.

<sup>31</sup> Tiquina sa ni sañuducugũ masa pehe tiquinare tuhtiri.

—Dihta mariahña, nidi masa tiquinare.

Tiquina sa tuhtigũ tuhoye, to pano tiquina sañuducuriro yũhdũoro sañuducu nemori tja.

—Usã puhto, Davi mũnano panami iji turiagũ, usãre paja ihñaña, ni sañuducu nemori.

<sup>32</sup> Tiquina sa nigũ tũhoro Jesu esadũca, tiquinare pijio, sinituri:

—¿Dũhse yũhũ yegũ cahmeajari mũsa? ni sinituri.

<sup>33</sup> —Pũhto, usãre ihñagũ yeya, ni yũhtiri tiquina.

<sup>34</sup> Tiquina sa nigũ Jesu tiquinare paja ihñari. Sa paja ihñano tiquina caperire ña peori. Tiquiro sa ña peogũta tiquina pehe ihñaah wahari. Sa ihñañe, tiquiore nũnũ tã cãa wahari.

## 21

### *Jerusalẽpũ esahye Jesu*

*(Mr 11.1-11; Lc 19.28-40; Jn 12.12-19)*

<sup>1</sup> Sa ye Jerusalẽpũ esana tana Betfagé wame tiri macapũ esa mũhtaũ usã Jesu mehna. Cũnũ Olivo wame tidũ cahapũ Betfagé ijiri. Topũ esaro, usã tiquiore buhena mehna cjẽnare pũaro Jesu tiquiore pano oho mũhtari. <sup>2</sup> Ohõ saha dutiri tiquinare:

—Si macapũ burroare nena wahaya. Topũ esana, duita burrore ticoro macũnogã mehna tiquina dũhte docoricorore bocanata. Tiquinare boca, yuta dare pã, ne cãhta basaya yũhũre. <sup>3</sup> Mũsa sa yegũ ihñano, burroa upũro “¿Dũhsena tana burroare pãjari mũsa?” tiquiore nigũ tũhona ohõ saha ni yũhtiya. “Mari pũhtoro burroare cahmedi. Sa yero mianogã wiarota tiquiore”, ni yũhtiya tiquiore, ni duti ohori Jesu pũaro tiquiore buheyequinare.

<sup>4</sup> Sa yeri Cohãcjũ yere yahu mũhtariquiore tiquiore ni ojoariro sahata. Ohõ sahata ni ojoahye paũopũ:

<sup>5</sup> Jerusalẽ cjẽnare ohõ saha ni yahuya:

“Ihñaña m̄sa. M̄sa p̄h̄toro m̄sa cahap̄a ahtare. Tiquiro quehnoano masa quehnoariquiro ijire. Burro mac̄nogã bui pesariquiro ahtarota”, ni yahuya Jerusalē cjēnare, ni ojoahye panop̄a.

<sup>6</sup> Jesu tiquiro dutiriquina p̄h̄aro ti macap̄a esa, tiquiro dutiro sahata yeahye tiquina. <sup>7</sup> Burrore, ticoro mac̄nogã ḡh̄are ne cãhta, tiquina bui sañañe suhtire tu we ne, burrogã bui duhu p̄ori tiquina. Tiquina sa yeri bato Jesu tiquirogã bui m̄ja p̄jeri, waharo taro. <sup>8</sup> M̄ja p̄je tuhasa, tiquirogã bui Jerusalēp̄a wahari. Tiquiro ahtagã ihñañe masa peyequina tiquina bui cjē suhtire tu we ne, seō cū m̄htari tiquiro wahari mahare, Jesure ño peoye. Apequina pehe p̄uri tiye d̄p̄arire mahap̄a cū m̄htari tiquirore ño peoye. <sup>9</sup> Sa ye tiquiro pano wahayequina, tiquiro bato n̄n̄n̄ tãñequina mehna sañuducuri:

—Davi panamino iji turiariquirore marine ȳhd̄oatiquirore ño peouhna. Ahriquiro Cohãcjũ ohoriquiro quehnoano ijiahro. Ëhm̄se cjānore “Tutuaḡa ijire”, ni ño peouhna, ni sañuducuri masa.

<sup>10</sup> Sa ye Jerusalēp̄a tiquina esagã to cjēna pehe ihña maria wahari.

—¿Noa ijiajari ahriquiro? ni cahme sinituri tiquina.

<sup>11</sup> Apequina masa ȳhtiri:

—Ahriquiro Cohãcjũ yere yahu m̄htariquiro Nazare cjāno Jesu wame tiriquiro ijire, ni yahuri tiquina masare.

*Cohãcjũ w̄h̄ap̄a esahye Jesu  
(Mr 11.15-19; Lc 19.45-48; Jn 2.13-22)*

<sup>12</sup> Came Cohãcjũ wuhupũ esari Jesu. Ti wuhupũ esa, sajãa wahari. Ti wuhupũ duayequinare, dúyequina gũhare cohã wiori tiquiro. Sa yero niñeru comesaye mesarire ne majare cũ mujari. Bujuaare duayequina tiquina dujiye pahtari gũhare sata yeri. <sup>13</sup> Sa yero tiquinare ohõ saha nidi:

—Cohãcjũ yere tiquina ojoari pũpũ ohõ saha nine: “Ya wuhũ Cohãcjũ mehna yahuducuri wuhũ wame tirota”, nimene tiquiro ojoari pũpũ. Mũsa pehe ahri wuhupũ duana mũsa basĩ cahme yaquere mũsa, nidi tiquiro tiquinare.

<sup>14</sup> Tiquiro sa yeri bato caperi bajueyequina, tini masieñequina gũhũ Cohãcjũ wuhupũ tiquiro cahapũ wihiri. Tiquina sa wihigũ tiquinare yuhdũgũ yeri tiquiro. <sup>15</sup> Sa quehnoañene tiquiro yegũ ihñañe, pahia pãhtoa, marine judio masare buheyequina gũhũ usuari tiquiro mehna. Sa ye macanagã Jesure “Davi panami iji turiagũ, masare yuhdũoacjũ, tutuagũ ijire mũhũ”, tiquina ni ño peogũ tũhoye usuari pari turi tiquina. <sup>16</sup> Sa usuaye ohõ saha nidi Jesure:

—¿Tiquina sa nigũ tũhoerajari mũhũ? Sa niedacãhdo, ni tuhtiri tiquina Jesure.

—Tiquina sa nigũ tũhoaja. ¿Cohãcjũ ojoari pũpũ ahrire ne buherari mũsa?

Macanagãre Cohãcjũre quehnoano ño peogũ yeri mũhũ, nine Cohãcjũ yere tiquina ojoari pũpũ, nidi Jesu.

<sup>17</sup> Sa ni tuhasa tiquinare cohã cã, Betania wame tiri macapũ esa, ti ñamine topũ ijiri.

*Jesu higuerağure yaria dutiahye  
(Mr 11.12-14, 20-26)*

<sup>18</sup> Ape deco bohrearopu Jerusalēpu tojoaro, ujuu ahbari Jesu. <sup>19</sup> Sa ujuu ahbaro, maha duhtu cahapu ijidu higuerağu wame tidure ihñano, tu ducare macano wahamedi. Ducca mariedari tu pehe. Puri dihita ijiri. Tu sa ijigũ ihñano Jesu tare ohõ saha nidi:

—Ahdu ne pari turi duca tisi, nidi tiquiro.

Tiquiro sa nigũta duita tu pehe ñaia wahari. <sup>20</sup> Tu sa wahagũ ihñana usã tiquiro buhena ihña maria waha.

—¿Yohou, dahsero ahdu duita ñaia wahajari? ni sinituu usã.

<sup>21</sup> Jesu yuhtiri:

—Ahrire wacũña musa. Cohãcjũre quehnoano wacũ tutuaya. “Potota sa yerota tiquiro”, nina, ahdure yuhu yeriro sahata ye masinata musa gũhu. Sa yena ahdure yuhu yaria dutiriro yuhduoro ye masinata musa. Ahdu cunure “Duha ne, pajiri mapu cohãdu ijiahro”, musa nigũ duha cohãdu ijirota. <sup>22</sup> Cohãcjũre musa wacũ tutuagũ, “Yuhu sinidiro sahata waharota”, musa ni wacũgũ musa sinidiro sahata waharota, nidi Jesu usãre.

*Jesure dutiriquirore sinituahye apequina  
(Mr 11.27-33; Lc 20.1-8)*

<sup>23</sup> Sa ye Cohãcjũ wuhupu tojoa sa, buheri tiquiro. Tiquiro sa buhegũ pahia puhto, mari judio masa bucuna mehna tiquiro cahapu wihi, sinituri:

—¿Duhsegu canu ñamicahare sa yeari muhu? ¿Noa mahuire tire sa ye dutiari? ni sinituri tiquina.

<sup>24</sup> Tiquina sa nigũ Jesu yuhtiri:

—Musa pehere sinitu m̄htaḡtja. Quehnoano ȳh̄re m̄sa queoro ȳhtiḡ m̄sare yahutja ȳh̄ ḡh̄. <sup>25</sup> ¿Ñu masare tiquiro wame yeḡ noa boro pehe tiquirore wame ye dutiyari, m̄sa t̄hotuḡ? ¿O Coh̄cj̄ dutierayari? ¿O masa pehe dutiyari, m̄sa t̄hotuḡ? ni sinituri Jesu tiquinare.

Tiquiro sa niḡ tiquina pehe tiquina basi oh̄ saha nidi:

—¿D̄hse ni ȳhtinatari mari? “Coh̄cj̄ Ñure dutie tiahye”, mari niḡ, “¿D̄hsena Ñu tiquiro dutiepeḡta t̄ho duerari m̄sa?” niboaga Jesu marine. Sa yena “Coh̄cj̄ Ñure dutie tiahye”, ni ȳhti masiedaja mari. <sup>26</sup> Ahriquina masa pehe “Potota Ñu Coh̄cj̄ yere yahu m̄htariquiro ijiri”, ni t̄hoturi tiquina. Sa ni t̄hotuye “Ñu tiquiro wame yeḡ Coh̄cj̄ pehe tiquirore dutierahye”, mari niḡ t̄hoye masa usueta mari mehna. Sa yena ti ḡh̄re yahu masiedaja mari, nidi tiquina basi.

<sup>27</sup> Tiquina sa nidi bato Jesure ȳhtiri tiquina.

—Ñure wame ye dutiriquirore ̄s̄a masiedaga, nidi tiquina.

Tiquina sa niḡ t̄horo oh̄ saha nidi Jesu:

—Ti pje p̄rita ȳh̄ ḡh̄ m̄sa sinitu m̄htarire yahueraja m̄sare. Ȳh̄ yerire dutiriquirore yahueraja m̄sare, nidi tiquiro tiquinare.

### *P̄aro pac̄ro queoyere yahuahye Jesu*

<sup>28</sup> Tiquiro sa nidi bato Jesu queoye mehna buhe nemori tiquinare:

—¿Ne, d̄hse t̄hotuajari m̄sa ahri queoyere? P̄aro pac̄ro ijiahye. Wahmino pehere oh̄ saha niahye tiquiro pac̄ro: “Мас̄, wesep̄

dahragu wahaya”, niahye. <sup>29</sup> “Wahaeraja”, ni yuhtimahye tiquiro macuno coã warore. Sa nieperota camepũre wesepũ waha duaro ijiahye tiquirore. Sa yero wahahye tiquiro. <sup>30</sup> Sa yero tiquina pacuro tiquiro macuno dũhsariquiro cahapũ esa, tiquiro wahminore tiquiro dutiriro sahata wesepũ waha dutimahye. “Au”, nimahye dũhsariquiro. Sa nieperota wahaerahye tiquiro. <sup>31</sup> ¿Diquiro pehe tiquiro pacuro dutiriro sahata yeari? ni sinituri Jesu.

—Tiquiro wahmino pehe yeahye, ni yuhtiri tiquina.

Tiquina sa nigũ Jesu yahuri:

—Mũsare niita niaja. Wapa ne cohteyequina, umũa mehna ñano yeducuye numia tiquina buipũ waro mũsa pehe ña yuhdũana ijire. Sa ye Cohãcjũ puhtoro ijiropũre mũsa esaborirore tiquina pehe mũsare esa mũhtaboaga. <sup>32</sup> Ñu wame yeriquiro buhero mũsare “Quehnoano yeya”, ni yahumedi. Sa tiquiro yahugũ dũhsariquiro pacurore tiquiro yuhtierariro sahata tiquirore tuhoerari mũsa. Sa yena tiquirore yuhtierari. Wapa ne cohteyequina pehe, umũa mehna ñano yeducuye numia gũhũ tiquirore tuhori. Tiquina sa tuhogũ ihñari mũsa. Mũsa sa ihñaepenata tiquirore ne tuho duerari. Sa yena tuhoerari mũsa, nidi Jesu pahia puhtoare, mari judio masa bucuana gũhũre.

*Ñañequina dahra cohteyequina queoyere yahuahye Jesu*

*(Mr 12.1-12; Lc 20.9-19)*

<sup>33</sup> Sa ye Jesu pari turi queoye mehna ohõ saha ni tiquinare buhe nemori:

—Apeye queoyere tuhoya m̄usa. Dihta c̄oriq̄uiro ijiahye. Tiquiro ya dihtap̄u ūhse darire oteahye. Ote tuhasa, sahr̄ĩnore ye tuhasa, ūhsere tiq̄uina c̄uhta m̄atoati copere sehe, ūhm̄ari w̄uhuḡa yeahye.

’Sa yero ti wesere apequinare ihc̄ã pehe pahr̄e pahma c̄uahye. Sa yero ti wesere tiquinare ih̄ña ihbo duti, ape yehpap̄u wahaa wahahye tiquiro. <sup>34</sup> Sa ye ūhse ñidi p̄je ijiḡu wese up̄aro tiquiro cahacj̄enare wesere ih̄ña ihboyequina cahap̄u ohoahye. Wese cj̄e tiquiro oteri d̄ucare tiquiro ya pahr̄e cj̄e d̄ucare ne dutiro ohomahye.

<sup>35</sup> Sa ye wesere ih̄ña ihboyequina pehe tiquiro cahacj̄enare ñano yeahye. Ihc̄ãquirore tutuaro quē, apequiore wej̄e, apequiore ūt̄ã mehna doqueahye. <sup>36</sup> Came wese up̄aro pari turi tiquiro cahacj̄enare tiquiro oho m̄uhtariquina ȳuhd̄uo cj̄ũno ijiri curuare ohomahye tja. Sa ye wesere ih̄ña ihboyequina tiq̄uina ḡũhare m̄unanota yeahye tja.

<sup>37</sup> ’Sa yero tiquiro oho bato tiriq̄uiro tiquiro mac̄no ijiahye. “Ȳuh̄u mac̄u pehere ño peota”, nino tiquirore ohomahye. <sup>38</sup> Tiquiro sa ni tuh̄otuepeḡũta wesere ih̄ña ihboyequina tiquiro mac̄no ahtaḡũ ih̄ñañe, oh̄o saha ñiahye: “Wese up̄aro mac̄no ijire ahriq̄uiro. Tiquirore wej̄eh̄na mari. Sa yero ahri wese mari ya wese tojoarota”, nimahye tiq̄uina basi. <sup>39</sup> Sa niñeta tiquirore ñehe, wese d̄aht̄u cahap̄u ne c̄ã, wej̄eahye tiq̄uina tiquirore.

<sup>40</sup> ¿Ne, wese up̄aro ahtaro d̄uhse yerotari tiquiro wesere ih̄ña ihboyequinare? ni sinituri Jesu pahia puhtoare, buc̄una ḡũhare.

<sup>41</sup> Tiquiro sa niḡũ tiq̄uina ȳahtiri:



—Tiquiro apequinare wesere ihña ihboatiquinare comesarota iji m̄htañequinare ña ȳhd̄h̄ayequinare wejẽno taro. Tiquirore queoro d̄ucare tu watiquina pehere ihña ihbo dutirota, ni ȳhtiri tiquina.

<sup>42</sup> Tiquina sa niḡta Jesu yahu nemori tiquinare:

—¿Cohãcjũ yere tiquina ojoari p̄p̄h̄ ahrire ȳh̄h̄are tiquiro ni ojoarire ne buherari m̄usa?

Ahriquiro Cristo utã yero saha ijire. Utãre w̄h̄h̄ dahreyequina tiquina cohãno saha masa tiquirore cohãeta. Tiquina sa yepeḡta yojop̄are w̄h̄h̄ dahreyequina w̄h̄h̄are yeye tiquina cũ m̄htaria utãre tiquina cũno saha Cohãcjũ tiquirore p̄h̄toro s̄ori. Cohãcjũ pehe ahrire yeri. Tiquiro sa yeḡ ihñana, “Quehnoa ȳhd̄h̄are”, ni, t̄hotuaja mari, ni ojoahye panop̄h̄.

¿Tire ne buherari m̄usa? <sup>43</sup> M̄sare niita ni-aja ȳh̄h̄. Cohãcjũ tiquiro p̄h̄toro ijiro m̄usa iji-ato ijiboaga. Tiquiro p̄h̄toro ijirore apequina pehere m̄usa ijiborirore ohorota Cohãcjũ. Apequina masa pehe tiquiro dutiro sahata yeeta. [ <sup>44</sup> Ijipihtiyequina tia utã bui doque queheyequinare m̄uta sitea wahaeta. Sa yero tia utã pehe mas̄no bui bora p̄jero m̄utaa wahaḡ yerota tiquirore. Tiquiro paḡh̄ m̄nanore daye manarigã wahaḡ yerota. (Sata ȳh̄h̄are ño peo dueyequina ȳh̄h̄ buhiri dahreatiquina ñano ȳhd̄h̄eta,) ] nidi Jesu pahia p̄h̄toare, mari acaye judio masa b̄uc̄na ḡh̄h̄are.

<sup>45</sup> Ti queoyere tiquiro niḡ t̄h̄oye, “Sohõ tiquiro yahu m̄htari queoye, wesere ihña ihboyequina queoye mehna marine nino niaga tiquiro”, ni

t̄hoturi tiquina. <sup>46</sup> Sa ni t̄hotuye, tiquire ñehe duamedi. Masa pehe Jesure ño peo, “Cohãcjũ yere yahu mahtariquiro ijire tiquiro”, niñequina ijie tiri tiquina. Tire masiñe, pahia puhto, bucuna mehna masare cueye, Jesure ñehedari.

## 22

### *Pajiri bose deco cjẽ queoyere yahuahye Jesu (Lc 14.15-24)*

<sup>1</sup> Sa ye pari turi queoye mehna tiquinare buhe ducari Jesu.

<sup>2</sup> —Uhmuse cjẽno puhtoro ijiro ahri queoye yero saha ijire. Ihcã yehpa cjẽna puhtoro ijiahye. Sa yero tiquiro macuno ya deco bose deco yeahye. Tiquiro omoca duhteri bose deco ijiahye. <sup>3</sup> Sa yero puhtoro tiquiro cahacjẽnare bose decore ihñañe ahtatiquinare piji dutiro ohomahye. Tiquina pehe ahta duerahye. <sup>4</sup> Sa yero apequinare piji dutiro ohomahye tja tiquiro cahacjẽnare. “Yuhũ pijioriquinare ohõ saha ni yahuya. ‘Mari ihyatire dahre tuhasari. Wecũare, wecũagã dihi tiyequinagã gũhare wejẽ tuhasari. Sa yero ijipihtiro bose deco cjẽ ijiatire quehno tuhasari. Sa yena bose deco cjẽne ihyana ahtaya’, ni yahuya tiquinare”, ni ohomahye puhtoro tiquiro cahacjẽnare. <sup>5</sup> Tiquina sa yahuri bato tiquiro pijionhriquina sa t̄hotu cãhye. Bose decore ihñañe wahaerahye. Ihcãquiro tiquiro ya wesepũ waha wahahye. Apequiro tiquiro dahrayere ihñano wahahye. <sup>6</sup> Apequina pehe tiquiro cahacjẽnare ñehe, tiquinare ñano ye, wejẽ cãhye. <sup>7</sup> Tiquina sa yegũ t̄horo, puhtoro pehe

usuahye. Usua, tiquina sa wejēdi buhiri buhiri dahre dutiro tiquiro surarare ohoahye. Sa ye surara tiquinare wejē peho, tiquina ya macare ʌjūa cāhye. <sup>8</sup> Tiquina sa yeri bato, p̄htoro tiquiro cahacjēnare ohō saha niahye: “Bose deco cjē iji-atire quehno tuhasamedi. Sa ijiepegūta ȳh̄h̄ pi-jio māhtariquina ȳh̄h̄ bose decore ihñaboriquina ijierare. Ñañequina ijiri tiquina. <sup>9</sup> Sa yena macare ijiye maharip̄h̄ d̄h̄se ijiyequina m̄sa boca sayequinare bose decore ihñatiquinare pi-jiya”, niahye tiquiro cahacjēnare. <sup>10</sup> Tiquiro sa nigū tiquiro cahacjēna maharip̄h̄ waha, ijipihtiyequinare tiquina boca sayequinare, ñañequina, quehnoañequina gūh̄re yahuahye. Tiquina sa pijiri bato esahye tiquina pari. Quehnoano ti bose deco tiquina yeri tucūre masa wahpa ȳh̄d̄h̄a wahahye.

<sup>11</sup> Top̄h̄ tiquina dujigū p̄htoro pehe ihcāquiore omoca d̄h̄teri deco cjā suhtirore sañeniquiore ihñahye. <sup>12</sup> “¿Ne ȳh̄h̄ acaȳh̄, d̄h̄se yeḡh̄ omoca d̄h̄teri deco cjā suhtirore sañedapegūta sajā tari māh̄h̄?” ni sinituahye p̄htoro.

’Tiquiro sa sinitugū mas̄no pehe ȳh̄tierahye. <sup>13</sup> Tiquiro sa ȳh̄tieragū ihñano tiquiro cahacjēnare ohō saha niahye: “Ahriquiore omocarine d̄h̄teya. Tiquiro dahpocāri gūh̄re d̄h̄teya. D̄h̄te tuhasa ne wijia, sopecahap̄h̄ cohāña tiquiore nahitianop̄h̄. Top̄h̄ tiquiro tutuaro uti, buj̄h̄a witiro mehna bahque dihorota”, niahye p̄htoro, ni yahuri Jesu.

<sup>14</sup> Tiquiro sa nidi bato ohō saha ni bato tiri tiquiro:

—Ahri queoye ijiro saha Cohãcjũ peyequina masa tiquiro pijioriquina ijiepetata meheñequinagã tiquiro mehna tojoaeta, ni yahu bato tiri Jesu.

*Pũhtoa ye wapare apeqina sinituahye Jesure  
(Mr 12.13-17; Lc 20.20-26)*

<sup>15</sup> Tiquiro sa nidi bato fariseo masa waha, tiquirore tiquina yahusãtire tiquina basi yahuducuahye. Tiquiro ñano yũhtigũ tũho duaye nimahye tiquirore yahusãñe tehe. <sup>16</sup> Sa yahuducuye tiquina mehna cjẽnare, Herode ya curua cjẽna gũhũre Jesure sinitu dutiye ohoahye. Tiquina pehe Jesu cahapũ wihi, tiquirore meje cũ sinitumedi:

—Buhegũ, poto yahuducugũ ni mehoñe mariegũ mũhũ ijigũ masiaja usã. Cohãcjũ yere queoro mũhũ yahugũ gũhũre usã masiaja. Sa yegũ ihcãquiro pũhtoro waro ijiepegũta tiquiro gũhũre dõyaro marieno potota yahure mũhũ. <sup>17</sup> Sa yegũ usãre yahuya. ¿Roma cjãno ijipihtiyequina pũhtoro yere marine wapa yero cahmeajari, mũhũ tũhotugũ? ¿Mari dutiye wapa ye dutiajari, mũhũ tũhotugũ? ni sinitumedi tiquina Jesure.

<sup>18</sup> Tiquina sa nigũ tũhoro tiquirore tiquina ñano ye duayere masino ohõ saha nidi:

—Masa ihñono dihita quehnoano iji mehona ijire mũsa. ¿Dũhsena yũhũ ñano yahuducugũ tũho duajari mũsa? <sup>19</sup> Yojopũre niñeru cjoere pũhtoare wapa yeati cjoere ne cãhtaya. Ti cjoere ihñauhna, nidi tiquiro.

Tiquiro sa nigũ tũhoye niñeru cjoere ne cãhtari tiquina.

<sup>20</sup> Sa yero tiquiro sinituri tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituri.

<sup>21</sup> —César, masa ijipihtiyequina p̄h̄toro queoye, tiquiro wame ḡh̄h̄ wahñare, ni ȳh̄tiri tiquina.

Tiquina sa niḡñ t̄h̄oro Jesu yahuri:

—Ti pje p̄rita masa ijipihtiyequina p̄h̄toro yere tiquiro pehere ohoya. Coh̄ãcj̄ yere Coh̄ãcj̄ pehere ohoya, nidi Jesu.

<sup>22</sup> Tiquiro sa niḡñ t̄h̄oye, t̄h̄o maria waha, wahaa wahari.

*Saduceo masa Coh̄ãcj̄ tiquiro masoñene sinitu-ahye Jesure*

*(Mr 12.18-27; Lc 20.27-40)*

<sup>23</sup> Sa ye ti decota ihquẽquina saduceo masa Jesu cahap̄h̄ wihiri. Saduceo masa pehe “Coh̄ãcj̄ yariariquinare masosi”, ni t̄h̄otuyequina ijirí. Sa ye oh̄o saha nidi tiquina tiquirore:

<sup>24</sup> —Buheḡh̄, oh̄o saha ni buheahye Moise: “Ihc̄ãquiro wahmino namo tiriquire pohna mariedaperota yariaḡñ ih̄ñano tiquiro bah̄rore tiquiro wahmino namono ijiricorore n̄oano cahmene. Sa yero wahmino m̄n̄ano tiquiro pohna tiboriro saha pohna tiro cahmene tiquiro bah̄rore. Sa ye tiquiro pohne tiquiro wahmino m̄n̄ano pohne yero saha ijieta”, ni ojoahye Moise, nidi tiquina saduceo masa.

<sup>25</sup> Tire sa ni yahu tuhasa ahri queoyere yahu nemori tiquina Jesure:

—Ihc̄ãquiro mas̄no ijiahye. Seis bahana tiahye tiquiro. Tiquina wahmino pehe namo ti, pohna mariediquiro yariaa wahahye. Sa yero apequiro tiquiro bah̄ro ḡh̄h̄ tiquiro wahmino namono

ijiricorore n̄oahye. <sup>26</sup> Sa n̄oari bato tiquiro wahmino yero sahata pohna mariedaperota yariaa wahahye tja. Sa yero ahriquiroyo bahuro tiquiro wahmino m̄n̄ano yero sahata pohna mariedaperota yariaa wahahye. Sa dihita wahahye ihc̄aquiroyo pohne waro. Ne pohna mariedapeta yaria pihtia wahahye tiquina. <sup>27</sup> Tiquina namono ijiricoro ḡh̄u tiquina bato yariaa wahahye. <sup>28</sup> ¿Coh̄c̄j̄u ijipihtiyequinare yariariquina m̄n̄are tiquiro masoḡu diquiroyo boro namono pehe ijiboagari ticoro? Tiquina ijipihtiyequina ticorore namo tiriquina m̄na ijiahye. ¿Sa yero diquiroyo namono pehe ijiboagari ticoro pototi? ni sinituri tiquina.

<sup>29</sup> Jesu ȳhtiri tiquinare:

—Coh̄c̄j̄u yere tiquina ojoari p̄ure, tiquiro masiñe ḡh̄ure ne masiedare m̄sa. Sa ye m̄sa t̄hotuye pehe ne poto ijierare. <sup>30</sup> Yariariquina m̄na tiquina masa m̄jari bato tiquina angele yero saha ijire. Namu marieñequina, man̄u marieñe numia ijire top̄ure. <sup>31</sup> Yariariquina m̄na tiquina masa wijiato pehere m̄sare yahutja. ¿Coh̄c̄j̄u m̄sare tiquiro nidire ne buherari m̄sa? Oh̄o saha niahye tiquiro. <sup>32</sup> “ ‘Ȳh̄u Abrah̄a, Isaac, Jacob tiquina p̄hto ijiaja’, nine Coh̄c̄j̄u”, ni ojoahye panop̄ure. Tiquina yariari bato “Tiquina p̄hto ijiaja”, ni yahuahye Coh̄c̄j̄u. Sa nieperota yariariquina m̄na p̄htoro ijierare Coh̄c̄j̄u. “Tiquina p̄hto ijiaja”, tiquiro niñe mehna catiyequina tiquina ijiḡu masiaja mari. Tiquiro catiyequina p̄htoro ijire, ni yahuri Jesu tiquinare.

<sup>33</sup> Tiquiro sa ni buhegũ tũhoye peyequina masa tũho maria wahari.

*Quehnoa yũhdũari dutirore yahuahye Jesu  
(Mr 12.28-34)*

<sup>34</sup> Sa ye saduceo masa Jesure tiquina yũhti masiedagũ tũhoye, fariseo masa pehe tiquiro cahapũ cahmecoari. <sup>35</sup> Sa yero tiquina mehna cjũno marine judio masare buheriquiro pehe Jesu tiquiro ñano nigũ tũho duaro meje cũ sinitumedi tiquirore.

<sup>36</sup> —¿Buhegũ, Cohãcjũ ye dutiro quehnoa yũhdũari dutiro noho pehe ijiajari, mũhũ tũhotugũ? ni sinituri tiquiro.

<sup>37</sup> Jesu tiquirore yũhtiri:

—“Tutuario mũsa jeripohna mehna, mũsa tutuaye mehna, quehnoano mũsa wacũñe mehna Cohãcjũre cahĩña”, nine Cohãcjũ. <sup>38</sup> Ahri dutirota ijire quehnoa yũhdũari dutiro apeye dutiye yũhdũoro. <sup>39</sup> Ahri dutiro bato apero dutiro quehnoa yũhdũare: “Mũhũ basi mũhũ cahĩno saha mũhũ cahapũ ijিয়েquina gũhũre cahĩña”, nine Cohãcjũ. <sup>40</sup> Ahri pũa dutirota apeye dutiye gũhũre masi pehogũ yere. Ahri pũa dutirore yena, ijipihtiye apeye dutiyere ye pehona niaja mari. Cohãcjũ yere yahu mũhtariquina panopũ tiquina ojoari gũhũre yena niaja mari, ni yahuri Jesu.

*Cristo Davi mũnano pũhtoro ijire  
(Mr 12.35-37; Lc 20.41-44)*

<sup>41</sup> Sa ye fariseo masa topũ cahmecoañequina tiquina ijigũ Jesu tiquinare sinituri:

<sup>42</sup> —“Cristo Cohãcjũ tiquiro ohoatiquiro ijire”, nine mũsa. ¿Noa boro ijiajari tiquiro ñecũno

m̄n̄ano panop̄a c̄j̄āno, m̄asa t̄uhotuḡā? nidi tiquiro.

—Cristo Davi m̄n̄ano panamino iji turiariquiro ijjirota, ni ȳuhtiri tiquina.

Jesu yahuri:

<sup>43</sup> —¿Cristo Davi m̄n̄ano panamino iji turiariquiro tiquiro ijiḡā d̄uhse yero Davi pehe p̄uhtoro tiyari Cristore? ¿D̄uhse yero sa p̄uhtoro ti dutiyari Esp̄iritu Santo tiquirore? Oh̄o saha niahye Davi:

<sup>44</sup> Coh̄ācj̄ū ȳuh̄a p̄uhtoro oh̄o saha nidi: “Oh̄op̄a ȳuh̄a poto pehep̄a dujiya. Sa yeḡa m̄ah̄ure ih̄ña tuhtiyequinare m̄ah̄ure ȳuh̄d̄ud̄ca basat̄ja ȳuh̄a”, nidi Coh̄ācj̄ū ȳuh̄a p̄uhtoro, ni ojoahye Davi.

<sup>45</sup> Sa ni ojoarota Davi p̄uhtoro tiahye Cristore. ¿Davi Cristo ñec̄ano iji turiariquiro ijjiro d̄uhse yero tiquiro p̄uhtoro tiyari Cristore? Cristo Davi p̄uhtoro ijire, ni yahuri Jesu.

<sup>46</sup> Tiquiro sa ni yahuḡā tiquina tiquirore ne ȳuhti masiedari. Sa ye to punota sinitu duhu c̄ari tiquina tiquirore. Sa ye cueye, pari turi sinituerari tiquirore.

## 23

*Judio masare buheyequina, fariseo masa ḡāh̄u tiquina ñano yeyere yahuahye Jesu*

*(Mr 12.38-40; Lc 11.37-54; 20.45-47)*

<sup>1</sup> Sa ye peyequina masare, us̄ā ḡāh̄ure Jesu yahuri tja.

<sup>2</sup> —Marine judio masare buheyequina fariseo masa ḡāh̄u Coh̄ācj̄ū dutiye Moiserere tiquiro c̄irire



yahuyequina ijire tiquina. <sup>3</sup> Tiquina sa yahuyequina ijigũ m̄sare tiquina yahuriro sahata tire ye pehoya m̄sa. Sa yepenata tiquinare ihña cũedacãhña m̄sa. Tiquina buheriro sahata yerare tiquina. <sup>4</sup> Masare peye dutire tiquina. Sa dutiepetata tiquina dutiro saha masa yeragũ ihñañe tiquinare yedohoerare. <sup>5</sup> Masa tiquina ihñono dihita quehnoano ye ihñomene tiquina. Cohãcjã yere tiquina ojoari pũre tiquina duhu sãñe acarigãre, bujũ cjũñe acarigãre tiquina wũhdoa bui duhte yori, masare ihña dutiye. Tiquina omocari gũhare duhte yori. Sa ye tiquina suhti tu pjeri da bui tiquina ohõri da eh̄sa yũhdũari da ijire. Cohãcjũre tiquina ño peorire masa pehere ye ihñoñe nimene tiquina. Tĩ queoro ijierare tiquina sa ye ihñoñe. <sup>6</sup> Sa ye bõse decori ijigũ pũhtoa tiquina dujiyepũ duji duare. Sa ye judio masa mari buh-eye wũhũsepũ gũhare quehnoañe dujiye pahtari dihitare cahmene tiquina. <sup>7</sup> Sa ye doeri cjẽ duaropũ apeqũna pũhtoare quehnoano ño peo tiquina sinino saha tiquina piti cagũ cahmene tiquina. Tiquinare “Buhegũ”, masa tiquina ni pisugũ cahmene.

<sup>8</sup> 'Apeqũna m̄sare pisuye “Buhegũ”, niedacãhdo. M̄sa ijipihtina ihcãno saha ijina nine. Sa yegũ m̄sare buhegũ ihcãta ijiaja. <sup>9</sup> Sa yena ahri yehpa cjẽnare “Mari pacũ”, nina tiquinare ño peona niaga. Ne sa niedacãhña. Ɔhmũse cjãno dihita mari Pacũ ijire. Tiquiro dihitare ño peoro cahmene marine. <sup>10</sup> Sa yena masũnore “Pũhto”, niedacãhña. M̄sa pũhto yũhũ Cristo pehe ihcãta ijiaja. <sup>11</sup> Cahacjãno yero saha m̄sare yedohoriquiro tiquiro ijire m̄sa pũhtoro

ijiatiquiro. <sup>12</sup> Ihcãquiro pũhtoro iji duaro tiquirore ihyo ijiriquiro yero saha ijiro cahmene. Sa yero “Thyo ijigũ ijiaja yũhũ”, ni tũhoturiquiro pehe pũhtoro ijirota, ni yahuri Jesu.

*Judio masare buheyequina, fariseo masa mehna tiquina ni mehoñene yahuahye Jesu*

<sup>13</sup> Tiquiro sa nidi bato tiquinare yahu nemori:

—Mũsa judio masare buhena, fariseo masa gũhũ ñano yũhdũnata. Masa ihñono dihita quehnoano iji mehona ijire mũsa. Sijoro saha mũsa buhegũ tũhoye masa pehe Cohãcjũ pũhtoro ijiropũre wahaasi. Mũsa gũhũ topũre wahaasi. Sa yena topũre waha duayequinare cahmotare mũsa.

[ <sup>14</sup> 'Mũsa judio masare buhena, fariseo masa gũhũ ñano yũhdũnata. Masa ihñono dihita quehnoano iji mehona ijire mũsa. Wape wiha numia ye wãhũsere tiquina cũoye gũhũre ehmare mũsa tiquina numiare. Sa yena yoari pje masa ihñonopũ Cohãcjũre sini ihñomene mũsa masare. Mũsa sa yeri buhiri peyequina yũhdũoro Cohãcjũ buhiri dahrerota mũsare.]

<sup>15</sup> 'Mũsa judio masare buhena, fariseo masa gũhũ ñano yũhdũnata. Masa ihñono dihita quehnoano iji mehona ijire mũsa. Pajiri mapũ pehã, yoaro cjẽ yehparipũ wahare mũsa, mũsa dutiyere yeatiquirore macana tana. Mũsa dutiyere yeatiquirore boca, tiquirore buhere. Mũsa sa yegũ tiquiro pehe mũsa yũhdũoro pecapũ wahatiquiro ijirota.

<sup>16</sup> 'Mũsa ñano yũhdũnata. Caperi bajueyequina tiquina ihña masieno saha masiena ijire mũsa. Sa ijiepenata apequinare buhemene mũsa. Ohõ

saha ni buhemene m̄sa: “ ‘Cohãcjũ w̄h̄h̄ mehna ȳh̄h̄ nino sahata yeitja’, nidiquiro, tiquiro nidiro sahata yerapegũta quehnoanota”, ni buhemene m̄sa. “ ‘Cohãcjũ ya w̄h̄h̄ cjẽ uru mehna ȳh̄h̄ nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni ti gũh̄re buhemene m̄sa. <sup>17</sup> Caperi bajueyequina tiquina ihña masieno saha masiena ijire m̄sa. T̄ho masiena ijire. ¿Dise boro pehere ño peoro cahmeajari? Urure ño peeraro cahmene. Cohãcjũ pehe ti uru ti w̄h̄h̄p̄h̄ ijigũ quehnoañe ijigũ yere tire. Sa yena ti w̄h̄h̄ pehere ño peoro cahmene m̄sare. Sa ye m̄sa buheye pehe queoro ijierare. <sup>18</sup> Ahri gũh̄re buhemene m̄sa: “ ‘Cohãcjũ w̄h̄h̄ cjã altar mehna ȳh̄h̄ nino sahata yeitja’, nidiquiro tiquiro nidiro sahata yeragũ quehnoanota”, ni buhemene m̄sa. “ ‘Ti altar bui ijiye mehna Cohãcjũre tiquina ohori mehna ȳh̄h̄ nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni buhemene m̄sa. <sup>19</sup> Caperi bajueyequina tiquina ihña masieno saha masiena ijire m̄sa. ¿Dise boro pehe ti waro ijiajari, m̄sa t̄hotugũ? Cohãcjũre mas̄no tiquiro ohori ti waro ijiera cjũre. Ti altar bui Cohãcjũre tiquiro ohogũ, quehnoañe wahare ti altar bui ijiye. Sa yero ti altar pehe ihyo ijiri altar ijierare. Cohãcjũre tiquina ohori bui cjũnogã quehnoari altar ijire. <sup>20</sup> Sa yero “Cohãcjũ w̄h̄h̄ cjã altar mehna ȳh̄h̄ nino sahata yeitja”, ihcãquiro nino, ti altar bui cjẽ tiquiro ohori mehna sa nino niaga. Sa ye m̄sa buheye pehe queoro ijierare. <sup>21</sup> Sa yero “Cohãcjũ w̄h̄h̄ mehna ȳh̄h̄ nino sahata yeitja”, ihcãquiro nino, potota Cohãcjũ mehnata sa ninota niaga.

Cohãcjũ ti wũhũ cjũno ijire. <sup>22</sup> Sa yero “Uhmuse mehna yũhũ nino sahata yeitja”, ihcãquiro nino, Cohãcjũ ijiropũ mehnata sa nino niaga. Sa yero Cohãcjũ mehnata sa nino niaga. Tiquiro pehe to cjũno ijire. Sa ye mũsa buheye pehe queoro ijierare.

<sup>23</sup> 'Mũsa judio masare buhena, fariseo masa gũhũ ñano yũhdũnata. Masa ihñono dihita quehnoano iji mehona ijire mũsa. Moa yero saha ijiyere ihyayere ocagũ yeyere cũona mehenogã ohomene mũsa. Cohãcjũre ño peona tana pahiare ohomene mũsa. Mehenogã ohomene mũsa. Menta, anís, comino wame tiye ocagũ yeyere ohomene mũsa. Sa ohoepenata quehnoañene yerare mũsa. Sa yena masare paja ihñedare mũsa. Sa yena Cohãcjũre wacũ tutuerare mũsa. Oteye dũcare mũsa nedire mehenogã pahiare mũsa ohogũ quehnoare. Sa ohona ohõ saha ye nemoña: Quehnoañene yeya. Sa yena paja ihñaña masare. Sa yena Cohãcjũre wacũ tutuaya. <sup>24</sup> Caperi bajueyequina tiquina ihña masieno saha masiena ijire mũsa. Ohõ saha yere mũsa: Mũsa ye dutiyere ye dutina, ihyo ijiyegã warore dutiyere yere mũsa. Sa yepenata Cohãcjũ pototi tiquiro dutiye warore yerare mũsa.

<sup>25</sup> 'Mũsa judio masare buhena, fariseo masa gũhũ ñano yũhdũnata mũsa. Masa ihñono dihita quehnoano iji mehona ijire mũsa. Mũsa waparire, mũsa sihniñe wajarire bui mũsa cosero saha quehnoañene ye ihñore mũsa buigã warona. Sa yepenata Cohãcjũ yere queoro yerare mũsa. Apequina yere ehmana, mũsa basi dihita bũjũyere ne duana ijire mũsa. Sa dihita tũhoture mũsa.

26 Caperi bajueyequina tiquina ihña masieno saha masiena ijire mᵛsa fariseo masa. Mᵛsa jeripohnarine comesaya mᵛsa. Quehnoañe pehere yeya. Mᵛsa sa yena masa tiquina ihñonopᵛ quehnoana ijinata mᵛsa.

27 'Mᵛsa judio masare buhena, fariseo masa gũhᵛ ñano yᵛhdᵛnata. Masa ihñono dihita quehnoano iji mehona ijire mᵛsa. Masa cope, yehseye mehna tiquina wisōri cope yero saha ijire mᵛsa. Masa ti copere tiquina ihñagũ quehnoari cope bajure. Sa bajuepegũta, puhiapᵛ ahbariquirore, tiquiro cohārine, ñañene ihñedare tiquina. 28 Sata mᵛsa gũhᵛ masa ihñonopᵛ quehnoañequina yero saha bajumene mᵛsa. Sa quehnoañequina yero saha bajuna mᵛsa ijiepegũta mᵛsa tᵛhotuyepᵛ ñañe, ni mehoñe iji yᵛhdᵛare ahbaye yero saha, ni yahuri Jesu.

*Judio masare buheyequina, fariseo masa gũhᵛre tiquiro buhiri dahreatire yahuahye Jesu*

29 Sa ni tuhasa ohō saha ni yahu nemori tiquinare:

—Mᵛsa judio masare buhena, fariseo masa gũhᵛ ñano yᵛhdᵛnata. Masa ihñono dihita quehnoano iji mehona ijire mᵛsa. Cohācjũ yere yahu mᵛhtañequina panopᵛ cjēna tiquina masa coperire quehnoano quehnomene mᵛsa, tiquinare ño peoro saha yena. Sa yena quehnoano yeyequina mᵛna tiquina queoyere mᵛsa yeri queoyere quehnoano quehnomene mᵛsa. 30 Sa yena ohō saha niducumene mᵛsa: “Panopᵛre ᵛsã ñecᵛsmᵛa iji turiayequina mᵛna tiquina yeriro saha ᵛsã pehe yeraboaga. Ti pjerᵛ

ijiyequinare Cohācjū yere yahu māhtariquinare usā wejēdaboaga”, niducumene mᵛsa. <sup>31</sup> Sa nina mᵛsa ṽecᵛsumᵛna iji turiayequina Cohācjū yere yahu māhtariquinare wejēdiquina mᵛna tiquina yerire ihñona nine. Tiquinare wejēdiquina mᵛna tiquina panamena iji turiana mᵛsa ijiye gūhᵛre ihñona nine mᵛsa. <sup>32</sup> Mᵛsa ṽecᵛsumᵛna iji turiayequina mᵛna tiquina yeriro sahata ye sohtori ticūnahña.

<sup>33</sup> Añaa yero saha ña yᵛhdᵛana ijire mᵛsa. Mᵛsa ñañe yerire bujᵛa witi duerana Cohācjū mᵛsa ñañe buhirire pecarᵛ mᵛsare tiquiro cohāto pano duhti masiedare mᵛsa. <sup>34</sup> Sa yegᵛ mᵛsare ni-ita niaja. Cohācjū yere yahu māhtariquinare, apequina quehnoano masiñequinare, apequina mᵛsare buheatiquinare mᵛsa caharᵛ ohoutja. Yᵛhᵛ sa ohogū mᵛsa pehe ihquēquina tiquinare wejēnata. Apequinare curusarᵛ quē bihanata. Apequinare mᵛsa buheye wᵛhᵛseperᵛ tananata. Sa yena macariperᵛ tiquinare ñano yena, oma nᵛnᵛ tānata mᵛsa. <sup>35</sup> Mᵛsa sa yena ijipihtiye-quina ñañe marieñequinare mᵛsa wejēdi buhiri buhiri tinata. Abe mᵛnanore Cañ wejēdi buhiri ijipihtina mᵛsa gūhᵛ buhiri tinata. Ijipihtiye-quina tiquiro bato ijiyequinare quehnoañequinare tiquina wejēdi buhiri gūhᵛre buhiri tinata mᵛsa gūhᵛ. Sa yena Cohācjū wᵛhᵛ caharᵛ wahiquinare mᵛsa ohori altar caharᵛ Zacariare wejēahye mᵛsa. Tiquiro pehe Berequia macᵛno ijiahye. Sa yena tiquiro gūhᵛre mᵛsa wejēdi buhiri buhiri tinata mᵛsa. <sup>36</sup> Ijirota mᵛsare yahugᵛta niaja. Tiquina ijipihtiyequinare tiquina wejēdi buhiri yojorᵛ cjēna gūhᵛ buhiri tieta, ni yahuri Jesu.

*Jerusalē cjēnare tutuaro cahñahye Jesu  
(Lc 13.34-35)*

<sup>37</sup> Sa ni tuhasa ohō saha ni nemori:

—Ahyou, Jerusalē cjāna, Cohācjū yere yahu m̄htariquinare wejēdina ijire m̄sa. M̄sa acaye panop̄m̄ cjēna ḡh̄m̄ sata yeyequina m̄na ijiahye. Sa yena m̄sa cahap̄m̄ tiquiro ohoriquinare utā paca mehna doque wejēdina ijire m̄sa. Canaca ticoro pohnene ticoro w̄h̄ye d̄p̄m̄ri mehna ticoro moha cuñano saha peye tahari cahñducumi m̄sare. M̄sare cahmemi. M̄sa pehe ȳh̄m̄re ne cahmedari. <sup>38</sup> Yojop̄m̄ m̄sa ya maca cohōri maca ijirota. <sup>39</sup> Ijirota m̄sare niita niaja. Camep̄m̄ ahtaütja ȳh̄m̄. Sa ȳh̄m̄ ahtagū ihñana m̄sa ȳh̄m̄re “Cohācjū tutuaye mehna ahtariquiro quehnoahdo”, ninata. Ȳh̄m̄re m̄sa tire niato pano ȳh̄m̄ tojoa tato pano pari turi ȳh̄m̄re ihñasi m̄sa, nidi Jesu tiquinare.

## 24

*—Cohācjū w̄h̄m̄ cohāri w̄h̄m̄ ijirota, niahye Jesu  
(Mr 13.1-2; Lc 21.5-6)*

<sup>1</sup> Sa ye Cohācjū w̄h̄m̄p̄m̄ ijiriquiro Jesu tiquiro wijia wihigū usā tiquiro buhena ti w̄h̄m̄re ti w̄h̄m̄ cahap̄m̄ ijiye w̄h̄m̄se ḡh̄m̄re ihñana,

—Quehnoa ȳh̄d̄m̄ye w̄h̄m̄se ijicjoare. Ihñaña m̄h̄m̄ ḡh̄m̄, nii usā tiquirore.

<sup>2</sup> Jesu ȳh̄m̄tiri:

—Ahri w̄h̄m̄sere yojop̄m̄re ihñamene m̄sa. M̄sare yahugūta niaja. Ahri w̄h̄m̄sere ijipihtiye m̄sa ihñari, ahri w̄h̄m̄se cjē utā paca ḡh̄m̄re cohā pehoeta. Ne ihcāria utā tojoasi, nidi tiquiro usāre.

*Pihtiri deco ijiatire yahuahye Jesu  
(Mr 13.3-23; Lc 21.7-24; 17.22-24)*

<sup>3</sup> Came Olivo wame tidu cunupu esa, topu dujiri Jesu. Topu dujigũ usã tiquiro buhena usã sehsaro tiquiro cahapu esau.

—Yahuya usãre. ¿Duhse ijigũ sa waharotari mahu nidiro saha waharo? ¿Ahri yehpapu mahu tojoa tati deco, pihtiatu deco panogã ijigũ duhse ti waha ducagũ ihñanataru usã? ni sinituu usã.

<sup>4</sup> Jesu yuhtiri:

—Quehnoano yeya musa. Sa yena musare apequina tiquina ni mehoñene tuhoeracãhña.

<sup>5</sup> Peyequina masa “Cristo ijiaja yuhu”, ni mehoñequina ahtaeta. Tiquina sa ni mehogũ tuhoye peyequina masa Cohãcjũ yere duhueta.

<sup>6</sup> Musa cahagãpu masa apequina tiquina cahme wejẽgũ tuhonata musa. Sa yena yoaropu gũhure tiquina cahme wejẽgũ tuhoonata musa. Sa tuhoopenata ne tire pajiro wacũedacãhña. Sa waharota. Tiquina sa yegũ pihtiatu deco duhsarĩnota. <sup>7</sup> Ti pjere ihcã yehpa cjẽna ape yehpa cjẽna mehna cahme wejẽeta. Sa ye ihcãquiro puhtoro yequina apequiro puhtoro yequina mehna cahme wejẽeta. Sa ye peyequina masa uju mehna yarieta. Sa yero peye yehparipu yehpa ñuhminota. <sup>8</sup> Sa wahagũ ahri yehpa cjẽnare tiquina ñano yuhdu nemoato duhsarota ti pjere. Ñano yuhdu nemoeta.

<sup>9</sup> Ti pjere apequina musare ñehe, ñano ye dutiye ohoeta musare apequina puhtoapure. Tiquina sa ohogũ musare wejẽeta. Yeequina masa ijiri buhiri ijipihtiyequina musare ihña tuhtietu. <sup>10</sup> Ti pjere



peyequina yeequina ijimediquina yũhare cohãeta. Sa ye tiquina mehna cjẽnare tiquina ihña tuhti-eta. Sa ye tiquina mehna cjẽna tiquina ijiepegãta tiquinare ñano yeatiquinare ohoeta tiquina. <sup>11</sup> Ti pjere peyequina “Cohãcjũ yere yahu mũhtana iji-aja”, ni mehoñequina ijietta. Sa ye peyequina masa tiquina ni mehoñene tũhoeta. <sup>12</sup> Ti pjere ña yũhdũaro yeeta masa. Sa ye tiquina mehna cjẽnare cahĩ nemosi. <sup>13</sup> Sa yena mũsa tutuana ijina, ahri yehparũ mũsa catinino puno ihcãno sahana, yũhdũnata mũsa. <sup>14</sup> Sa yero ahri quehnoañe buheye ijipihitropũ ahri yehparũre tiquina yahuri buheye ijirota. Cohãcjũ pũhtoro ijiyere yahuri buheye tiquina yahu siteri buheye ijirota, ijip-ihtiyequina ti buheyere tiquina masiato saha. Tiquina sa yahuri bato pihitiri deco dũcarota.

<sup>15</sup> 'Cohãcjũ yere yahu mũhtariquiro Daniel mũnano panopũ cjũno ña yũhdũariquirore Cohãcjũ yere ñano yeriquirore yahue tiahye panopũre. Ti pjere tiquiro ñariquiro pehe Cohãcjũ ya wũhũpũ tiquiro ducugũ ihñanata mũsa. Ahri yũhũ nidire quehnoano masiña mũsa. <sup>16</sup> Topũ tiquiro ducugũ ihñañe, Judea yehparũ ijieyequina pehe cũnũ cahapũ oma duhtiahro. <sup>17</sup> Sojaro mehna oma duhtiahro. Ti pjere tiquina wũhũseri bui cjẽ paaripũ ijieyequina wũhũ puhiarũ ijiyere tiquina yere neñe wahaeracãhdo tiquina mũmũñano waharo. <sup>18</sup> Sa ye ti pjere apequina weseripũ ijieyequina tiquina bui cjẽ suhti wũhũpũ ijieye suhtire neñe wahaeracãhdo tiquina mũmũñano waharo. <sup>19</sup> Ti pjere niji pacosãnumia, tiquina pohnene apũoñe numia gũhũ pejecũoro wahaeta.

20 Sa yena Cohãcjũre ohõ saha ni siniña: “Pohecũ ijigũ judio masa usã soye decori ijigũ gũhũre usã oma duhtiati deco ijieracãhdo”, ni siniña masa Cohãcjũre. 21 Ti decorire masa ña yũhdũaro wahaeta. Ahri yehpare tiquiro bajumehnedi bato masa ñano yũhdũe tiahye. Tiquina sa yũhdũepegũta ijipihtiye ti purĩñe yũhdũoro pihtiri deco panogã ña yũhdũaro yũhdũeta masa. Sa ñano tiquina yũhdũri bato pari turi sata ñano yũhdũsi ahri yehparũ. 22 Cohãcjũ ti decorire meheñe decorigã ijigũ yerota. Tiquiro sa yeragũ ne ihcãquiro masũno yũhdũeraboaga. Sa yero tiquiro beseriquina tiquina yũhdũatire meheñe decorigã cũnota Cohãcjũ.

23 Ti pjere apequina mũsare “Ihñaña. Ohõpũ ijire Cristo”, tiquina nigũ tiquinare tũhoeracãhña. “Topũ ijire Cristo”, tiquina nigũ tiquinare tũhoeracãhña. 24 “Cristo ijiaja”, ni mehoñequina, “Cohãcjũ yere yahu mũhtarina ijiaja”, ni mehoñequina ijjeta ti pjere. Sa ye Cohãcjũ tiquiro beseriquinare ni mehoñe, tiquina bajumehneñene ye ihñoeta. Cohãcjũ yequinare Cohãcjũre tiquina cohãgũ ye duare tiquina ni mehoñequina. 25 Ahri ijipihtiyere yahuyujaja mũsare ti sa wahato pano. Sa yena tũhoya masa. 26 Apequina masa mũsare “Ihñaña. Masa marienopũ ijire Cristo”, tiquina nigũ topũre ihñana wahaeracãhña. Sa yena “Ohõpũ ahri tucũripũ ijire tiquiro”, tiquina nigũ tiquinare tũhoeracãhña. 27 Yũhũ masũ Cohãcjũ ohorigũ wacũeno mehna tojoa taũtja. Upo miadoqueoro umũsere asũ mũja taropũ, asũ sajãnopũ wacũeno mehna ti miadoqueoro saha wacũeno mehna tojoa taũtja

yuh̄. <sup>28</sup> Masa tiquina ñañe yeducurirop̄ top̄ Cohãcjũ tiquina ñañe buhiri buhiri dahrerota tiquinare, ni yahuri Jesu.

*Cristo ahri yehpap̄ tiquiro tojoa tatire yahuahye tiquiro*

*(Mr 13.24-37; Lc 21.25-33; 17.26-30, 34-36)*

<sup>29</sup> Sa ye tiquinare yahu nemori:

—Ti ñano yuh̄d̄ye decori bato asũ deco cjũno, ñami cjũno gũh̄ buhrio duhueta. Tiquina sa wahagũ ñahpicoha paca uhm̄sep̄ ijiye paca bora dijia taeta. Sa ye uhm̄se cjẽ yehpari, ñahpicoha gũh̄ ti sa wahaducurore comesaeta. Sa ye ñuhmieta.

<sup>30</sup> Ti pjeta yuh̄ mas̄ Cohãcjũ ohoriḡ uhm̄sep̄ yuh̄ bajumehnenore yuh̄ ihñogũ ihñæta masa. Sa ye ijipihtiye cururi cjẽna utieta. Sa yeḡ yuh̄ tutuaye mehna, yuh̄ asi siteye mehna uhm̄ano cjẽ ehmeo cururi bui ahri yehpap̄re yuh̄ tojoa tagũ ihñæta tiquina. <sup>31</sup> Corneta bisirota. Sa yeḡ yeequina angelere ijipih̄tirop̄ ahri yehpap̄ ohoutja yuh̄. Sa ye ijipih̄tirop̄ yeequina yuh̄ beseriquinare tiquina neeta.

<sup>32</sup> Yojop̄re higuerağ̄re t̄hotuya m̄sa. T̄ queoye mehna m̄sare buheitja. T̄ yuc̄ğ̄ p̄ri tigũ ihñana, c̄hma mehenogã d̄hsagũ masine m̄sa. <sup>33</sup> Sata ahri ijipihtiye yuh̄ nidire ti sa wahagũ ihñana, yuh̄ tojoa tato mehenogã ti d̄hsagũ masinata m̄sa. <sup>34</sup> Ijirota niita niaja m̄sare. Ti pje cjẽna tiquina yariato pano ijipihtiye yuh̄ nidiro sahata sa waharota. Uhm̄se, ahri yehpa gũh̄ pihtia waharota. <sup>35</sup> Yuh̄ yahuducuye pehe ne comesasi. Ijipihtiye yuh̄ nidiro sahata sa waha sohtori tirota.

<sup>36</sup> 'Ti decore y<sub>h</sub>h<sub>h</sub> tojoa tati decore, ti hora g<sub>h</sub>h<sub>h</sub>re masiedaja y<sub>h</sub>h<sub>h</sub>. Angele g<sub>h</sub>h<sub>h</sub> tire masiedare. Masa g<sub>h</sub>h<sub>h</sub> masiedare. Y<sub>h</sub>h<sub>h</sub> Pac<sub>h</sub> dihita tire masine.

<sup>37</sup> 'Noé tiquiro ijiri pje cjēna tiquina ijiriro sahata ahri yehpap<sub>h</sub> y<sub>h</sub>h<sub>h</sub> tojoa tato panogāre sata ijieta masa. <sup>38</sup> Yehpa miniato pano masa ihya, sihni, yeahye. Sa yeye <sub>h</sub>m<sub>h</sub>a, numia mehna omoca d<sub>h</sub>hteahye. Noé g<sub>h</sub>h<sub>h</sub> yuc<sub>h</sub>sap<sub>h</sub> tiquina sajāto pano sa yee timahye masa. <sup>39</sup> Duita tutuaro acoro ahta, wacūeno mehna yehpa minia wahahye. Masa g<sub>h</sub>h<sub>h</sub> mini pihtia wahahye. Wacūeno mehna tiquina minidiro saha y<sub>h</sub>h<sub>h</sub> mas<sub>h</sub> Cohācj<sub>h</sub> ohorig<sub>h</sub> ahri yehpap<sub>h</sub>re wacūeno mehna tojoa ta<sub>h</sub>tja. <sup>40</sup> Ti pjere wesep<sub>h</sub> p<sub>h</sub>aro dahrayequina ijigū ihcāquiro y<sub>h</sub>h<sub>h</sub>re cahmediquirore neitja. Sa yero y<sub>h</sub>h<sub>h</sub>re cahmediquiro top<sub>h</sub> tojoarota. <sup>41</sup> Ti pjere p<sub>h</sub>aro numia ihcānop<sub>h</sub> tiquina trigore ña m<sub>h</sub>toñequina numia ijigū ihcācoro y<sub>h</sub>h<sub>h</sub>re cahmedicorore neitja. Sa yero y<sub>h</sub>h<sub>h</sub>re cahmedicoro top<sub>h</sub>ta tojoarota.

<sup>42</sup> 'Quehnoano wacū masi cohteya. Y<sub>h</sub>h<sub>h</sub> m<sub>h</sub>sa p<sub>h</sub>hto, y<sub>h</sub>h<sub>h</sub> tojoa tati decore ne masiedare m<sub>h</sub>sa. <sup>43</sup> Ahrire wacūña. Yaqueriquiro w<sub>h</sub>h<sub>h</sub>p<sub>h</sub> tiquiro sajā yaqueato panore w<sub>h</sub>h<sub>h</sub> up<sub>h</sub>ro masino, ti ñami tiquiro carīedaboaga, yaqueriquirore cohtero. Sa yero yaqueriquirore tiquiro ya w<sub>h</sub>h<sub>h</sub>p<sub>h</sub> sajā dutieraboaga. Yaqueriquiro tiquiro wacūeno mehna tiquiro ahtariro saha wacūeno mehna ahta<sub>h</sub>tja y<sub>h</sub>h<sub>h</sub>. <sup>44</sup> Sa yena yeere sa yeducuna y<sub>h</sub>h<sub>h</sub>re cohteya. Y<sub>h</sub>h<sub>h</sub> mas<sub>h</sub> Cohācj<sub>h</sub> ohorig<sub>h</sub> ahri yehpap<sub>h</sub> tojoa tag<sub>h</sub> wacūeno mehna ahta<sub>h</sub>tja, nidi Jesu.

*Apequiro dahra cohteriquiro tiquiro p<sub>h</sub>htorore*

*ño peo, apeqiro ño peoerare*  
*(Lc 12.41-48)*

<sup>45</sup> Sa ye Jesu queoye mehna ohõ saha ni buhe nemori tja:

—Dahra cohteriquiro tiquiro pũtorore ño peoriquiro tũho masiniquiro ijire. Tiquiro sa ijigã ihñano apeqina dahra cohteyequina bui cũre tiquirore tiquiro pũtoro pehe waharo taro. Sa tiquirore cũ tuhasa wahaa wahare pũtoro. Sa yero ihyari pje ijigã dahra cohteriquiro apeqinare ihyayere itire. <sup>46</sup> Came pũtoro tiquiro ya wũhũpũ tojoa wihire. Tiquiro tojoa wihigã ihñano dahra cohteriquiro pehe tiquiro pũtoro dutiriro sahata ye pehoriquiro ijiro, bucueriquiro ijirota. <sup>47</sup> Ijirota mũsare niita niaja. Tiquiro sa yegã ihñano tiquiro pũtoro ijipihtiye tiquiro yere ihña ihboriquiro cũnota tiquirore. <sup>48</sup> Sa yepegãta ñariquiro dahra cohteriquiro pehe “Yũhũ pũtoro bajuerare”, nino, <sup>49</sup> apeqina dahra cohteyequinare quẽpe, pajiro ihya, sihni, queheyequina mehna queherota. <sup>50</sup> Came tiquiro pũtoro wacũeno mehna tojoa tarota. Ti deco, ti hora gũhare ne masiedare dahra cohteriquiro. <sup>51</sup> Pũtoro pehe tojoa taro ñariquiro tiquiro ñano yerire tũhorõ, tiquirore tutuaro buhiri dahrerota. Sa yero ni mehoñequina tiquina waharopũ cohãnota tiquirore. Topũre tiquiro tutuaro uti, bujũa witiro mehna bahque dihorota, ni yahuri Jesu.

## 25

*Pũa omope nuhmia queoye mehna buheahye*  
*Jesu*

<sup>1</sup> Sa ye Jesu pari turi queoye mehna ohõ saha ni buhe nemori tja:

—Ūhmase cjãno pũhtoro tiquiro ijiye ahri queoye yero saha ijire: Pũa omope nuhmia ijiahye. Ihcã ñami tiquina sihõñe paca mehna omoca dũhteatiquirore piti caye wahahye. <sup>2</sup> Tiquina mehna ihcã omope numia tũho masieñequina numia ijiahye. Apequina numia pehe ihcã omope numia tũho masieñequina numia ijiahye. <sup>3</sup> Tũho masieñequina numia pehe tiquina sihõñe pacare, pose tiye pacare nemahye. Apee pacare ʘhse pose tiye pacare ti pihtigũ tiquina pioborire nedahye. <sup>4</sup> Tũho masieñequina numia pehe tiquina sihõñe paca ʘhse pose tiye pacare neahye. Apee paca tiquina pioati paca gũhũre neahye. <sup>5</sup> Sa ye omoca dũhteatiquiro tiquiro bajueragũ tiquina numiare wũjũa purĩgũ carĩa wahahye. <sup>6</sup> Sa yero ñami decorpũ sañuducugũ tũhoahye. “Tũhoya. Omoca dũhteatiquiro ahtaro ca tare. Tiquirore piti cana ahtaya”, ni sañuducugũ tũhoahye. <sup>7</sup> Tiquiro sa nigũ tũhoye numia wahcã, tiquina ye sihõñe pacare quehnoahye. <sup>8</sup> Sa ye tũho masieñequina numia pehe apee numia tũho masieñequina numiare ohõ saha niahye: “Ūsã sihõñe paca yatiro nine. Sa yena mehenogã mũsa ye ʘhsere ohoya ʘsãre”, ni sinimahye tiquina numia. <sup>9</sup> Tiquina sa siniepegũta tũho masieñequina numia ohõ saha yũhtiahye: “Ūsã ye ʘhse mari ijipihtinare esa tuhaeraboaga. Sa yena ʘhse cũoyequinare mũsa basi dũna wahaya”, ni yũhtiahye tũho masieñequina numia pehe. <sup>10</sup> Sa ye tũho masieñequina numia dúye

wahahye. Tiquina sa wahari bato omoca d̄ahteatiquiro wihiahye. Tiquiro wihigã ihña tiquina yere quehno tuhasariquina numia t̄aho masiñequina numia tiquirore piti cahye. Piti ca bose deco omoca d̄ahteri decop̄a tiquiro mehna ihñañe wahahye. Sa ye bose decore tiquina yeri w̄ah̄ap̄a apequina mehna numia tiquina sajãri bato, sopecahare biha cãhye. <sup>11</sup> Camer̄a t̄aho masiñequina numia pehe wihimahye. “P̄ahto, usãre p̄ohña”, nimahye tiquina numia. <sup>12</sup> “Ijirota m̄sare niita niaja. M̄sare masiedaja ȳh̄a”, niahye tiquiro tiquina numiare.

<sup>13</sup> Sa yena t̄aho masiñequina numia tiquina yere quehnoano quehno tuhasa, tiquina cohteriro saha quehnoana, ñaño mariena iji, cohteya m̄sa ḡuh̄a. Ȳh̄a tojoa tati decore ti hora ḡuh̄are ne masiedare m̄sa, ni yahuri Jesu.

*Niñeru cjoeri uru cjoeri queoyere yahuahye Jesu*

<sup>14</sup> Sa ni yahu tuhasa queoye mehna ohõ saha ni buhe nemori tja:

—Ti pjere ȳh̄a tojoa tati pje ahri queoye yero saha ijirota. W̄h̄a up̄aro ijiahye. Tiquiro ape siep̄a tinino waharo taro, tiquirore dahra cohteyequinare pijioahye. Sa yero tiquinare tiquiro yere cohte dutiahye.

<sup>15</sup> Sa cohte dutiro tiquina ihbo masino puno tiquinare niñeru cjoerire ohoahye. Ihcãquirore ihcã omope cjoeri wapa b̄aj̄aye cjoerire uru cjoerire ohoahye. Apequirore p̄a cjoie ohoahye. Apequirore ihcã cjoie ohoahye. Tiquinare oho tuhasa, wahaa wahahye. <sup>16</sup> Sa ye ihcã omope

cjoeri tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dúrire apequinare duahye. Tiquiro duari wapa pua omope cjoeri wapa yeahye tiquirore. Sa yero pua omope cjoeri cnoahye. <sup>17</sup> Sa yero pua cjoer tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dúrire apequinare duahye. Tiquiro duari wapa pititia cjoer wapa yeahye tiquirore. Sa yero pititia cjoer cnoahye. <sup>18</sup> Ihcã cjoere tiquiro ohoriquiro pehe cope sehe, ti cjoere yahye, ti copepu nãono.

<sup>19</sup> 'Came yuari bato tiquina puhtoro wihiahye. Sa wihiro tiquiro niñeru cjoeri mehna tiquina ñehe nemorire queoro ahtaro tiquirore dahra cohteyequinare pijioahye. <sup>20</sup> Sa yero ihcã omope cjoeri tiquiro ohoriquiro puhtoro cahapu esa, pua omope cjoeri wiahye tiquirore. "Ihcã omope cjoeri yuhure ohori mahu. Ihñaña. Ti cjoeri mehna apeye cjoerire ñehe nemou", niahye tiquirore. <sup>21</sup> "Quehnoano yeaya mahu. Mahu quehnoagu, yuhu dutiriro saha yerigu ijire. Mehenogãre quehnoano yeaya mahu. Sa yegu yojopure mahure pajiro mahu dahratire cõtja. Sa yegu yuhu mehna bucueya mahu", niahye tiquiro puhtoro. <sup>22</sup> Sa yero pua cjoere ñehediquiro puhtoro cahapu esa, yahuahye tiquirore: "Pua cjoer yuhure ohori mahu. Ihñaña. Ti cjoeri mehna apeye cjoeri pua cjoer ñehe nemou", niahye tiquiro. <sup>23</sup> "Quehnoano yeaya mahu. Mahu quehnoagu, yuhu dutiriro saha yerigu ijire. Mehenogãre quehnoano yeaya mahu. Sa yegu yojopure pajiro mahu dahratire cõtja. Sa yegu yuhu mehna bucueya mahu", niahye tiquiro puhtoro.



24 'Sa yero ihcã cjoere ñehediquiro pũtoro caharũ esa, yahuahye tiquirore: "Pũhto, mãhũ apequina pehere tutuaro dahra dutigũ ijire. Sa tutuaro dahra dutigũ ijigũ mãhũ basi oterapegũta ti dũcare nene mãhũ. 25 Mãhũ sa ijigũ mãhũre cuei. Sa cuegũ cope sehe, ti copere mãhũ niñeru cjoere nõou. Ihñaña. Ohõpũ ijire mãhũ ya cjoe niñeru cjoe", niahye tiquiro. 26 "Mãhũ ñagũ, cape bũjũgũ ijire. Yũhũ basi oterapegũta ti dũcare yũhũ negũ ijigũ masine mãhũ. 27 Yũhũ sa ijigũ ihñaapegũta yũhũ niñeru cjoere niñeru ihbori wũhũpũ ihbooya mãhũ. Mãhũ sa ihbogũ tiquina ti cjoere wiayerũ apee niñeru oho nemoboaya tiquina", niahye pũtoro tiquirore. 28 Sa nino apequina tiquiro dahra cohteyequinare dutiahye tiquiro: "Niñeru cjoere ehmaña tiquirore. Pũa omope cjoerire cõoriquiro pehere ohoya. 29 Cõoyequinare oho nemoutja. Sa ye pajiro cõoeta. Cõoyequina pehere mehenogã tiquina cõoepẽgũta tire ehmautja. 30 Ahriquiro dahra cohteriquiro dahseatiquiro ijierare. Nahitianopũ ñanopũ cohã cãhña tiquirore. Topũ tiquiro tutuaro uti, bũjũa witiro mehna bahque dihorota", niahye pũtoro, ni yahuri Jesu.

### *Buhiri dahreatire yahuahye Jesu*

31 Sa ye Jesu yahu nemori:

—Yũhũ masũ Cohãcjũ ohorigũ ijipihtiyequina angele mehna pũhto ijigũ tagũ, yũhũ pũtoro dujiropũ yũhũ asi siteye mehna dujigũtja. 32 Sa yũhũ dujigũ, ahri yehpa cjẽna ijipihtiyequina yũhũ caharũ cahmecoeta. Tiquina sa cahmecoari bato

pua curua tu waɩtja tiquinare. Ovejare ihña ih-  
 boriquire ovejare, cabra gũhare tiquire tu wariro  
 saha masare tu wa docoutja. <sup>33</sup> Sa tu wagũ  
 oveja yero saha ijiyequinare quehnoañequinare  
 yũhũ poto pehe bese docoutja. Sa yegũ cabra  
 yero saha ijiyequinare ñañequinare yũhũ cũ pehe  
 peherũ bese docoutja. <sup>34</sup> Yũhũ sa yeri bato yũhũ  
 ijiptiyequina pũhto pehe yũhũ poto peherũ yũhũ  
 bese docoriquinare ohõ saha ni yahutja: “Yũhũ  
 Pacũ mũsare quehnoano yere. Ahri yehpare  
 bajumehnenopũ mũsa ye ijiatire tiquire pũhtoro  
 ijirore quehnoyu tuhasari Cohãcjũ. Sa yena  
 yojopũre tiquire quehnorioropũre ijina ahtaya.  
<sup>35</sup> Yũhũ ɩjua ahbagũ mũsa pehe yũhare ihyayere  
 ohori. Yũhũ aco wũogũ yũhare mũsa sihõri. Mũsa  
 cahapũ yũhũ tinigũ yũhare ihña masiedapenata  
 yũhare quehnoano piti cari mũsa. <sup>36</sup> Suhti mariegũ  
 yũhũ ijigũ ihñana mũsa pehe yũhare suhti sãari.  
 Dohatigũ yũhũ ijigũ mũsa yũhare ihñana ahtari.  
 Peresupũ yũhũ ijigũ gũhare yũhare ihñana ahtari  
 mũsa”, niitja quehnoañequinare. <sup>37</sup> Yũhũ sa nigũ  
 tũhoye tiquina yũhare sinitueta: “¿Pũhto, dũhse  
 ijigũ mũhũ ɩjua ahbagũ mũhare ihyayere ohori  
 usã? ¿Dũhse ijigũ mũhũ aco wũogũ mũhare sihõri  
 usã? <sup>38</sup> ¿Dũhse ijigũ mũhare ihña masiedapenata  
 mũhare quehnoano piti cari usã? ¿Dũhse ijigũ  
 suhti mariegũ mũhũ ijigũ mũhare suhti sãari usã?  
<sup>39</sup> ¿Dũhse ijigũ mũhũ dohatigũ o peresupũ mũhũ  
 ijigũ gũhare mũhare ihñana esari usã?” nieta  
 yũhare. <sup>40</sup> Tiquina sa ni sinitugũ tũhogũ yũhũ pũhto  
 tiquinare yahutja. “Ijirota mũsare niita niaja.  
 Ahriquina yeequina mehna cjãno ihyo ijiriquire  
 tiquire ijiepegũta, tiquireore mũsa sata yeri. Sa

ijiriquirore sa yena, yuhure yero saha yena nidi m̄sa tiquinare”, ni yahutja.

<sup>41</sup> 'Quehnoañequinare yuh̄ sa ni yahuri bato yuh̄ cū pehe peher̄ ducuyequinare yuh̄ ijipihtiyequina p̄hto oh̄ saha ni yahutja: “Coh̄cj̄ tiquiuro buhiri dahreatina ijire m̄sa. Yuh̄ mehna tojoeracāh̄na. Pecar̄ wahaya m̄sa. Ti peca ne yatierare. Wat̄no, tiquiuro yequina angele ḡh̄ tiquina ijiatire ti pecare yeri Coh̄cj̄. <sup>42</sup> Yuh̄ ūja ahbaḡ m̄sa pehe yuh̄re ihyayere ohoerari. Yuh̄ aco w̄oḡ m̄sa yuh̄re sih̄edari. <sup>43</sup> Yuh̄re masiedana m̄sa yuh̄re piti caerari. Sa ih̄na c̄ari. Suhti marieḡ yuh̄ ijiepeḡta, yuh̄re suhti s̄aedari m̄sa. Dohatiḡ yuh̄ ijiḡ peresup̄ yuh̄ ijiḡ ḡh̄re sa ih̄na c̄ari m̄sa yuh̄re”, ni yahutja tiquinare ñañequinare. <sup>44</sup> Yuh̄ sa niḡ t̄hoye tiquina yuh̄re sinitueta: “¿P̄hto, m̄h̄ ūja ahbaḡ, m̄h̄ aco w̄oḡ, us̄ masiediḡ m̄h̄ ijiḡ, suhti marieḡ m̄h̄ ijiḡ, dohatiḡ m̄h̄ ijiḡ, peresup̄ m̄h̄ ijiḡ dahse ijiḡ us̄ pehe m̄h̄re yedohoerari?” ni sinitueta yuh̄re. <sup>45</sup> Tiquina sa ni sinituḡ yuh̄ tiquinare oh̄ saha ni yahutja: “Ijirota m̄sare niita niaja. Ahriquina yeequina mehna cj̄no ihyo ijiriquirore m̄sa ne yedohoerari. Sa ijiriquirore m̄sa yedohoerana, yuh̄reta sa yena nidi m̄sa”, ni yahutja tiquinare. <sup>46</sup> Sa yero tiquinare sa buhiri dahreducurota Coh̄cj̄. Ti buhiri dahreye ne phtisi. Sa ye, quehnoañequina pehe ijipihtiye decori quehnoano ijieta, ni yahuri Jesu.

*Pahia pũhtoa, judio masa bũcũna mehna Jesure wejẽ duahye*

*(Mr 14.1-2; Lc 22.1-2; Jn 11.45-53)*

<sup>1</sup> Ti ijipihtiyere tiquiro buheri bato Jesu usãre tiquiro buhenare yahuri:

<sup>2</sup> —Pũa deco bato pascua ijirota. Tire mũsa masine. Ti pjere yũhũ masũre Cohãcjũ ohorigũre ñeheeta. Ñeheñe, yũhũre curusapũ wejẽeta, nidi tiquiro usãre.

<sup>3</sup> Sa ye pahia pũhtoa, judio masa bũcũna gãhũ cahmecoahye. Caifa pahia pũhoro ya wũhũpũ cahmecoahye tiquina. <sup>4</sup> Topũ cahmeco, tiquina ni mehoñe mehna Jesure ñehe tiquina wejẽatire cahme yahuye niahye.

<sup>5</sup> —Bose deco ijigũ tiquirore ñehedacũhna, “Masa usuari”, nina, niahye tiquina basi.

*Numino ehme sitiye uhsẽ mehna Jesure pio peoahye*

*(Mr 14.3-9; Jn 12.1-8)*

<sup>6</sup> Ti pjere Simo cami bũcũ mũna wihiro ijimediquiro ya wũhũpũ ijiri Jesu. Tiquiro ijiri maca Betania wame tiri maca ijiri. <sup>7</sup> Ti wũhũpũ tiquiro ihyari watoa ihcãcoro numino ehme sitiye ne cãhta, Jesu dapu bui pio peori. Ti ehme sitiye alabastro wame tiriapũ pose tiri. Wapa bũjũye co ijiri. <sup>8</sup> Ticoro sa pio peogũ ihñana usã Jesu buhena usuau.

—¿Dũhsero ahricoro ahri core wapa bũjũyere sa ye siteajari? <sup>9</sup> Ti ehme sitiye duaboaya. Sa duaro pajiro wapa ñeheboaya. Sa ñeheno ti niñerure pejecũoyequinare ohoboaya ahricoro, nii usã tiquiro buhena.

<sup>10</sup> ʘsã sa ni usuagũ ihñano, Jesu yahuri ʘsãre:

—Sa niedacãhña ticorore. Yũhũre quehnoano yero nine. <sup>11</sup> Pejecũoyequina pehe mũsa mehna sa ijiducueta. Sa yena tiquina pehere mũsa oho masine. Yũhũ pehe ahri yehpapũre mũsa mehna sa ijiducusi. <sup>12</sup> Yũhũre tiquina yato pano yũhũ pagũre quehnoyuro, ticoro yũhũre pio peori. <sup>13</sup> Ijirota mũsare niita niaja. Ijipihtiro ahri yehpapũ quehnoañe buheyere tiquina yahuropũ ahricoro yojopũre ticoro yerire yahueta. Tiquina sa yahugũ tũhoye ticorore masa peyequina wacũeta, ni yahuri Jesu ʘsãre.

*Juda Iscariote Jesure ihña tuhtiyequinare ihñohye*

*(Mr 14.10-11; Lc 22.3-6)*

<sup>14</sup> Ti pjere ihcãquiuro ʘsã mehna cjũno Juda Iscariote pahia pãhtoa cahapũ esahye. <sup>15</sup> Esa, tiquinare sinituahye.

—¿Jesure mũsare yũhũ ihñogũ noho puno wapa yenatari mũsa? ni sinituahye tiquinare.

Tiquiro sa nigũ tiquina tiquirore treinta cjoeri plata cjoerire ohoahye.

<sup>16</sup> Tiquina sa ohogũ Juda pehe Jesure tiquiro ihñoati ñamine cohtero niahye.

*Jesu tiquiro buheyequina mehna tiquiro ihya bato tiri deco ijiahye*

*(Mr 14.12-25; Lc 22.7-23; Jn 13.21-30; 1 Co 11.23-26)*

<sup>17</sup> Sa ye pugũ yeye moremehneñe pãre tiquina ihyati deco bose deco iji dũcari deco ʘsã tiquiro buhena Jesu cahapũ waha, sinituu tiquirore:

—¿Noho boropu bose deco ijigũ mari ihyatire quehnoyu dutigu ohoutjari mahu usãre? nii tiquirore.

<sup>18</sup> Usã sa nigũ tiquiro yuhtiri:

—Jerusalẽpu wahaya. Topu ijiriquirore ohõ saha ni yahuya: “Marine buheriquiro tiquiro ñano yuhduati deco mehenogã dũsatjiãñohiti. Pascua ijigũ mahu ya wuhupũ Jesu usãre tiquiro buhenare siho ihyati ijiñohiti”, ni yahuya ti wahu upurore, ni ohori Jesu usãre.

<sup>19</sup> Sa yena usãre tiquiro dutiriro sahata yena, pascua ijigũ usã ihyatire quehnoyu usã.

<sup>20</sup> Sa ye ti ñamine usã mehna doce tiquiro buhena mehna ihyaro nidi Jesu. <sup>21</sup> Usã ihyari watoa tiquiro usãre yahuri:

—Ijirota musare niita niaja. Ihcãquiro musa mehna cjuño yuhare ihña tuhtiyequinare ihñonota yuhare, ni yahuri tiquiro usãre.

<sup>22</sup> Tiquiro sa nigũ tuhona tutuaro bujua witina, tiquirore sinitu ducan usã ijipihtina:

—¿Puhto, yuhata ijiajari mahare ihñocju? ni sinituu.

<sup>23</sup> Usã sa ni sinitugũ tiquiro yuhtiri:

—Yuhu ihyari papu yuhu mehna soha ihyariquiro ijire yuhare ihña tuhtiyequinare ihñoatiquiro. <sup>24</sup> Panopu yuhare tiquina ojoariro sahata yuhu masu Cohãcju ohorigu yariagutja. Sa yero yuhare ihña tuhtiyequinare ihñoatiquiro ñano yuhdurota. Tiquiro pehe masa bajueraro quehnoa yuhduaboaya. Ñano yuhdueraboaya, nidi Jesu.

<sup>25</sup> Tiquiro sa nigũta tiquirore ihñoatiquiro Juda sinituri:

—¿Buhegũ, mũhũre ihñõacjũ ijiajari yũhũ? ni sini-turi tiquiro.

Jesu yũhtiri:

—Ehũ. Mũhũta ijire, nidi.

<sup>26</sup> Sa ni yahu tuhasa usã tiquiro buhena mehna ihyaro taro nidi. Sa yero Jesu pãre ne, Cohãcjũre “Quehnoare”, nidi. Sa ni tuhasa tire nuha, usãre tiquiro buhenare itiri.

—Ahrire ne, ihyaya. Ahri yũhũ pagũ ijire, nidi tiquiro.

<sup>27</sup> Sa ni tuhasa tiquiro sihnidi pare ne, Cohãcjũre “Quehnoare”, ni, usãre ohori.

—Mũsa ijipihtina ahrire sihniña. <sup>28</sup> Ahri yũhũ dii ijire. Peyequina masa tiquina ñaÑe yerire cohãgũ tagũ yariũtja. Sa yegũ yũhũ diire cohãũtja. Cohãcjũ “Mũsare yũhdũoutja”, tiquiro nidiro esagũ yũhũ yariaro mehna tiquiro nidiro sohtori tirota.

<sup>29</sup> Mũsare niita niaja. Yũhũ Pacũ tiquiro pũhtoro ijiropũ uhmũsepũ mũsa mehna wahma core uÑse core sihniitja. Mari sa sihniato pano ahri core sihni nemosi yũhũ, nidi Jesu usãre.

<sup>30</sup> Sa yena Cohãcjũ yere basa tuhasana cũnũpũ Olivo wame tidũpũ wahau usã.

*Pedro Jesure tiquiro cohãtire yahuahye Jesu  
(Mr 14.26-31; Lc 22.31-34; Jn 13.36-38)*

<sup>31</sup> Topũ usã esagũ Jesu pehe usãre yahuri:

—Mia ñami yũhũre cohã cãnata mũsa. Ohõ sa-hata nine Cohãcjũ tiquiro yere tiquina ojoari pũpũ yũhũre yahuro: “Ovejare ihña ihboriquiro yero saha ijiriquirore yũhũ Cohãcjũ cohãgutja. Yũhũ sa cohãgũ tiquiro yequina oveja yero saha ijiyequina duhti site cãa wahaeta”, nine Cohãcjũ tiquiro yere

tiquina ojoari pũpũ. <sup>32</sup> Sa yegũ Cohãcjũ yũhũre tiquiro masori bato mũsa pano Galileapũ waha-yutja yũhũ, nidi tiquiro.

<sup>33</sup> Tiquiro sa nigũ tũhoro ohõ saha nimesi Pedro:

—Yũhũ mehna cjẽna ijipihtiyequina mũhũre tiquina cohãepẽgũta yũhũ pehe mũhũre ne cohãsi, nimesi Pedro tiquirore.

<sup>34</sup> Jesu yũhtiri:

—Ijirota niita niaja mũhũre. Mia ñami canaca tiquiro yahuato pano “Yũhũ Jesure masiedaga”, niita mũhũ. Ihtia taha sa niita mũhũ, nidi tiquiro Pedrore.

<sup>35</sup> Tiquiro sa niepẽgũta Pedro ohõ saha ni yũhtiri:

—Mũhũ mehna yũhũre tiquina wejẽ duepẽgũta “Jesure masiedaga”, ne nisi yũhũ, ni yũhtimesi Pedro.

Sa yena usã gũhũ apeqũna tiquiro buhena Pedro tiquiro nidiro sahata nimi usã Jesure.

*Getsemaní wame tiri wesepũ Cohãcjũre siniahye Jesu*

*(Mr 14.32-42; Lc 22.39-46)*

<sup>36</sup> Sa ye Getsemaní wame tiri wesepũ Jesu usã tiquiro buhena mehna waha, topũ esa, usãre nidi:

—Ohõ dujiyuya. Mũsa ohõ dujiri watoa sohõ cjũnogãpũ Cohãcjũre sinigũ wahagũ niaja, nidi tiquiro usãre.

<sup>37</sup> Sa ni tuhasa, Pedrore, pũaro Zebedeo pohnene tiquina ihtiarore piji cãri. Sa yero tiquiro tutuaro bujũa witi, ñano jeripohna tiahye. <sup>38</sup> Sa bujũa witiro tiquiro mehna cjẽnare tiquiro piji cãriquinare ohõ saha niahye:



—Tutuario ñano jeripohna tiaja yuhũ. Yuhũre tutuario purĩno saha tãhotugũ niaja. Sohõ cjũnogã wahagũ niaja. Ohõpũ tojoaya. Sa yena yuhũ mehnata carĩedacãhña mũsa gũhũ, niahye tiquiro tiquinare.

<sup>39</sup> Sa ni tuhasa mehenogã waha nemo, yehparũ quehe sa, Cohãcjũre niahye:

—Mai, yuhũ ñano yuhduatire ye dueragũ yeracãhña. Yuhũ sa niepegũta yuhũ cahmeno saha yeracãhña. Mũhũ pehe masine. Mũhũ cahmeno saha yeya yuhũre, ni siniahye tiquiro Cohãcjũre.

<sup>40</sup> Sa ni tuhasa, ihtiaro tiquiro buheyequina cahapũ wihiro, carĩñequinare ihñahye. Tiquinare ihñano, Pedrore ohõ saha niahye:

—¿Ihcã hora waro yuhũ mehna carĩegũ iji masiedajari mũhũ? <sup>41</sup> Quehnoano yeya mũsa. Sa yena Cohãcjũre siniducuya mũsa, “Ñano yeari”, nina. Mũsa tãhotuye mehna quehnoañene ye duamene mũsa. Mũsa sehsaro sa ye duepenata tire ye masiedare mũsa, ni yahuahye Jesu.

<sup>42</sup> Sa ni yahu tuhasa, pari turi waha, Cohãcjũre siniahye:

—Mai, yuhũ ñano yuhduatire ye duagũ yeya yuhũre. Mũhũ cahmeno saha yeya, ni siniahye tiquiro.

<sup>43</sup> Ni, tiquiro buheyequina ihtiaro buheyequina cahapũ pari turi wiahaye tja. Sa wihiro carĩñequinareta ihñahye tja. Wũjũa purĩ yuhduahye tiquinare. <sup>44</sup> Sa yero tiquinare cũ cã, pari turi waha, Cohãcjũre siniahye. To pano tiquiro nidiro sahata niahye tja. <sup>45</sup> Sa ni tuhasa tiquiro buheyequina cahapũ wihi, tiquinare ohõ saha niahye:

—¿Yojoꝑu pũritare carĩnina niajari m̄sa? ¿Sorĩna niajari m̄sa? niahye tiꝑiuro.

Sa ni tuhasa, masa tiꝑuina ahtagũ ihñano, ohõ saha niahye.

—Tũhoya. Mianogãta yũhũ masure Cohãcjũ ohorigure ñañequinare ohoeta yũhũre. <sup>46</sup> Wahcãña. Isa wahana. Ihñaña. Yũhũre ihña tuhtiyequinare ihñoatiꝑiuro ohõꝑu ahtare, niahye tiꝑiuro.

*Jesure ihña tuhtiyequina tiꝑiurore peresu yeahye*

*(Mr 14.43-50; Lc 22.47-53; Jn 18.2-11)*

<sup>47</sup> Tiꝑiuro sa nino watoa usã mehna cjãno ijimediquiro Juda pehe wihiri. Masa peyeꝑuina ahtari tiꝑiuro mehna. Tiꝑuina pahia pũhtoa, judio masa bũcũna gũhũ tiꝑuina ohoriꝑuina ijiri. Ñoseñe pĩĩnine, yucũ tiãri gũhũre cũori. <sup>48</sup> Coã warore Jesure ihña tuhtiyequinare ihñoatiꝑiuro masare ohõ saha ni yahuyu tuhasahye:

—Yũhũ wahsupu ihmidiꝑiurota ijirota m̄sa ñeheatiquiro. Tiꝑiurore yũhũ ihmidi bato ñeheña tiꝑiurore, niahye Juda tiꝑuinare.

<sup>49</sup> Sa ye wihiro Jesu cahapũ duita wahari.

—¿Buhegu, ijjajari m̄hũ? ni, tiꝑiurore wahsupu ihmidi.

<sup>50</sup> Tiꝑiuro sa ihmigũ Jesu ohõ saha nidi:

—Yũhũ acayũ, ohõꝑure m̄hũ yei tũ ahtarire yeya m̄hũ, nidi tiꝑiuro.

Sa ye tiꝑuina Jesure ñehedi.

<sup>51</sup> Tiꝑuina sa yegũ ihñano Jesu mehna cjãno tiꝑiuro ñoseni pĩĩne tũã we ne, pahia pũhtoro cahacjãnore cahmonore dũte pahrẽ cãri. <sup>52</sup> Tiꝑiuro sa yegũ ihñano Jesu tiꝑiurore yahuri.

—Mũhũ ñoseni pjĩne ihboya. Apequinare mũhũ ñosegũ tiquina ñose cahmegũ yariagũta mũhũ. <sup>53</sup> Yũhũ Pacũre yũhũre yũhũ yedoho dutigũ tiquiro pehe peyequina angelere doce cururire yũhũ cahũpũ ohoboaya tiquiro. ¿Tire masiedajari mũhũ? <sup>54</sup> Sa yedohoboriquiro tiquiro ijiepegũta tiquirore yũhũre yedoho dutisi yũhũ. Yũhũ sa dutieragũ Cohãcjũ yere tiquina ojoari pũ ti nidiro sahata sa waharota, nidi tiquiro.

<sup>55</sup> Sa ni tuhasa masare yahuri tiquiro:

—¿Dũhse ijiro boro mũsa ñoseñe pjĩni mehna, yucũ tiãri mehna yaque bũcũrore yero saha mũsa yũhũre ñehena ahtajari? Decoripe Cohãcjũ wũhũpũ mũsare yũhũ buhe dujigũ, mũsa yũhũre ne ñehedari. <sup>56</sup> Sa ijiepegũta ahri ijipihtiye sa waharo nine Cohãcjũ yere yahu mũhtariquina tiquina ni ojoariro sahata, nidi Jesu.

Tiquirore tiquina sa ñehegũ ihñana usã tiquiro buhena tiquirore cohã oma cãa wahũũ usã.

### *Judio masa pũhtoa Jesure sinituahye*

*(Mr 14.53-65; Lc 22.54-55, 63-71; Jn 18.12-14, 19-24)*

<sup>57</sup> Sa ye tiquirore ñehediquina pahia pũhtoro Caifa wame tiriquire ya wũhũpũ ne sahye tiquirore. Ti wũhũpũta marine judio masare buheyequina, bũcũna gũhũ cahmecoahye. <sup>58</sup> Topũ Jesure tiquina neagũ Pedro yoaropũ tiquinare ihña nũnũ tãhye. Sa nũnũ tãno Caifa ya wũhũre cahmotari sahrĩnore esa, ti sahrĩno puhiapũ sajãa wahahye. Sajã sa, ti wũhũre cohteyequina surara mehna dujahye. Jesure tiquina dũhse yegũ ihñano taro niahye.

59 Sa ye pahia pũhtoa, apequina pũhtoa mehna Jesure wejẽ duti duaye, ni mehoñe mehna tiquireore tiquina ñano buhiri dahreatire wacũ macamahye. 60 Tiquina yahusãtire wacũ bocaerahye. Sa wacũ bocaerapeta peyequina masa tiquireore sa ni meho yahusã maca cãhye. Sa ye pũaro tiquina bato wihiyequina tiquireore yahusãhye tja.

61 —Ahriquiuro ohõ saha nidi: “Cohãcjũ wũhũre cohã masiaja. Sa cohãgũ ihtia deco wahaboro ti wũhũre pari turi yeitja”, tiquiuro nigũ tũhou usã, ni yahusã maca cãhye Jesure.

62 Tiquina sa nidi bato pahia pũhoro wahcãdũca sa, Jesure sinituahye:

—¿Ahriquina mũhũre tiquina yahusãepegũta tiquinare yũhti cahmedajari mũhũ? niahye pũhoro.

63 Tiquiuro sa nigũ tũhoeperota Jesu sata tũhotu cãhye. Tiquiuro sa yũhtieragũ ihñano pahia pũhoro pari turi sinituahye tja:

—Cohãcjũ catiriquiro wame mehna poto niña mũhũ. Mũhũ sa niedagũ tiquiuro mũhũre buhiri dahrerota. Yahuya usãre. ¿Cristo Cohãcjũ macũta ijiajari mũhũ? ni sinituahye tja.

64 Tiquiuro sa nigũpũta Jesu yũhtiahye:

—Tiquiurota ijiaja. Mũsare poto yahugũta niaja. Came yũhũ masũ Cohãcjũ ohorigũ yũhũ Pacũ tuuariquiuro cahapũ tiquiuro poto pehepũ yũhũ dujigũ ihñanata mũsa. Sa yena uhmũse cjẽ ehmeo cururi bui yũhũ ahtagũ gũhũre ihñanata mũsa, ni yũhtiahye Jesu.

<sup>65</sup> Tiquiro sa nigũ tũhoro pahia pũhtoro tiquiro sañari suhtirore tũhrẽ cãhye apequinare “Usua yũhdũare”, ni ihña masi dutiro.

—Cohãcjũre pajiro ñano yahuducuro nine ahriquiro. Sa ye tiquiro ñano yahuducuyere tũho tuhasaja mari. Sa ye topequinata yahusãahdo ahriquirore. Ohõpũta tiquiro ñano yahuducugũ tũhoaja mari basita. <sup>66</sup> ¿Dũhse yenatari mari yojopũre ahriquirore? ni sinituahye tiquiro apequina pũhtoare.

—Tiquiro ñari buhiri wejẽ cãno cahmene tiquirore, ni yũhtiahye tiquina.

<sup>67</sup> Tiquina sa nidi bato tiquiro wũhdoare sihco puti ohõ, tiquirore quẽpeahye tiquina. <sup>68</sup> Tiquirore quẽpe tuhasa, ohõ saha niahye tiquirore:

—¿Noa pehe mũhũre quẽajari? Cristo ijigũ ihñedapegũta yahuya mũsãre, ni bũjũpeahye tiquina.

—*Tiquirore masiedaga, niahye Pedro Jesure  
(Mr 14.66-72; Lc 22.56-62; Jn 18.15-18, 25-27)*

<sup>69</sup> Sa ye ti wũhũ cahapũ ijiri paapũ quehnoari paapũ Pedro pehe dujiahye. Tiquiro sa dujigũ ihñano pahia pũhtoro cahacjõno tiquiro cahapũ esaro, ohõ saha niahye:

—Mũhũ gũhũ Jesu Galilea cjãno mehna ijiri, niahye ticoro.

<sup>70</sup> Ticoro sa nigũ tũhoro, Pedro ohõ saha niahye:

—¿Dũhse ni maca cõo niajari mũhũ? Mũhũ nidiquirore ne masiedaga yũhũ, niahye Pedro ticorore ijipihtiyequina tiquina tũhoropũ.

<sup>71</sup> Tiquiro sa nidi bato ti paa cjã sahrĩno sopecaha cahapũ wahahye Pedro. Topũ tiquiro ijigũ

apecoro cahacjõno tiquiore ihñano, topu ijiye-quinare ohõ saha niahye:

—Jesu Nazare cjũno mehna ijiri ahriquiore, niahye ticoro Pedrore tja.

<sup>72</sup> Ticoro sa nigũ tũhoro Pedro yũhtiahye:

—Cohãcjũ mehna poto nii niaja. Tiquiro mũhũ nidiquiore ne masiedaga yũhũ, ni yũhtiahye Pedro.

<sup>73</sup> Sa ye came cjũno topu ducuyequina Pedro cahapu waha, tiquiore ohõ saha niahye tja:

—Poto tjire. Jesu yequina mehna cjũ ijire mũhũ gãhũ. Tiquina yero saha yahuducure mũhũ, niahye tiquina Pedrore.

<sup>74</sup> Tiquina sa nigũ Pedro yũhtiahye:

—Poto Cohãcjũ mehna nii niaja mũsare. Yũhũ poto yũhũ niedagũ Cohãcjũ yũhũre buhiri dahreahro. Tiquiore mũsa nidiquiore ne masiedaga yũhũ, ni yũhtiahye tiquiro tiquinare.

Tiquiro sa nigũta canaca yahuahye. <sup>75</sup> Tiquiro yahugũ tũhoro Jesu tiquiore nidire wacũahye. “Canaca tiquiro yahuato pano ‘Jesure masiedaga’, niita mũhũ. Ihtia taha waro sa niita mũhũ”, Jesu tiquiore nidire wacũahye Pedro. Sa wacũno, ti sahrĩnore wijia, tutuaro utiahye.

## 27

*Pilato cahapu Jesure neahye*

*(Mr 15.1; Lc 23.1-2; Jn 18.28-32)*

<sup>1</sup> Sa ye bohrea quehagũpu pahia puhtoia mari judio masa bũcũna gãhũ Jesure tiquina wejẽ du-tiatire cahme yahuducuahye. <sup>2</sup> Tiquina sa yeri bato tiquiore dahte, Pilato cahapu nea, tiquiore

ohoahye Pilatore. Pilato pehe ti yehpa cjēna p̄h̄toro ijiri.

*Juda Iscariote yariaa wahahye*

<sup>3</sup> Sa yero Jesure tiquina wejē dutigū ihñano Juda pehe Jesure ihñoriquiro tiquirore tiquiro ihñorire tutuaro wacū b̄j̄ua witiahye. Sa b̄j̄ua witiro treinta cjoeri tiquiro ñehedi niñeru cjoerire wiaro waharo, pahia cahar̄u, b̄c̄na cahar̄u esa, ohō saha niahye:

<sup>4</sup> —Jesu m̄sare ȳh̄u ihñoriquiro ñañe marieniquiro tiquiro ijiepegāta tiquina wejē dutiri tiquirore. Sa yeḡu m̄sare tiquirore ihñoḡu ñano yeḡu niaya ȳh̄u, ni yahuahye Juda tiquinare.

Tiquiro sa ni yahuri bato tiquina ȳhtiahye:

—Sata yecūnahdo. Ūsāre d̄h̄seati ijierare ti m̄h̄u sa niñe. M̄h̄u dihita sa ni t̄hoture tire, ni ȳhtiahye tiquina tiquirore.

<sup>5</sup> Tiquina sa ni ȳhtiri bato Cohācjū ya w̄h̄ar̄u Juda tiquiro ye niñeru cjoerire doque site cūahye. Doque site cū, wahaa wahahye. Waha, yuta dare d̄hte ohō, tiquiro basi wam̄are tu suha, uhpu cjū sa, yariaa wahahye.

<sup>6</sup> Sa ye pahia p̄h̄toa niñeru cjoerire ne, ohō saha niahye:

—Ahri niñerure Cohācjū w̄h̄u cjā acarop̄u niñeru ihbori acarop̄u mari cū masiedaja. Ahri niñeru mehnata mas̄nore wejē dutiri. Sa ye mari ye dutiye marine sa ijiye niñerure ihbo dutierare, niahye tiquina basi.

<sup>7</sup> Tiquina sa nidi bato “Ohō saha yeihna”, tiquina ni yahuri bato dihi suturire yeriquiro ya yehpare dúahye. Ti cjoeri mehna dúahye. Ape

sie cjěna tiquina wihi tiquina yariagũ tiquina yati yehpa ijiatore ti yehpare dúahye. <sup>8</sup> Sa ye ti yehpare “Dii yehpa”, wame yeri masa. Yojopũ gũhũre sata wame tire. <sup>9</sup> Ahri ijipihtiye sa wahahye Jeremia panopũ “Sa waharota”, tiquiro ni ojoariro sahata. Tiquiro Cohãcjũ yere yahu mũhtariquiro ijiahye. Ohõ saha ni ojoahye tiquiro: “Treinta niñeru cjoerire plata cjoerire ‘To punota wapa yenata tiquirore usã ñeheatire’, nieta Israe masa. <sup>10</sup> Sa ye ti cjoeri mehna dihi suturire yeriquiro ya yehpare dúeta tiquina. Ohõ sahata yũhũre ye dutiri Cohãcjũ”, ni ojoahye Jeremia panopũ.

*Pilato Jesure sinituahye*

*(Mr 15.2-5; Lc 23.3-5; Jn 18.33-38)*

<sup>11</sup> Sa ye Pilatore tiquina ohori bato tiquiro pehe Jesure sinituahye:

—¿Potota judio masa pũhtota ijiajari mũhũ? ni sinituahye Jesure.

—Mũhũ nino sahata ijiaja, ni yũhtiahye Jesu.

<sup>12</sup> Sa ni yũhtieperota, pahia pũhto, bũcũna gũhũ tiquina tiquirore yahusãgũ yũhtierahye Jesu.

<sup>13</sup> Tiquiro sa yũhtieragũ ihñano Pilato sinituahye:

—¿Ahri ijipihtiye mũhũre tiquina yahusãrيره tũhoerajari mũhũ? ni sinituahye tiquiro Jesure.

<sup>14</sup> Tiquiro sa ni sinituepegũta Jesu ne mehenogã yũhtierahye. Tiquiro sa yũhtieragũ ihñano Pilato ne dũhse ni masiedahye.

*Jesure wejẽ dutiahye*

*(Mr 15.6-20; Lc 23.13-25; Jn 18.38-19.16)*

<sup>15</sup> Cũhmaripe pascua ijigũ masa yaquiro ijia-tiquirore ihcãquiro peresupũ ijiriquirore Pilato sa wio basaducue tiahye. <sup>16</sup> Ti pjere Barrabá wame



tiriquire peresup<sub>u</sub> ijiahye. Tiquirore masiahye masa. <sup>17</sup> Sa yero tiquina cahmecoagũ Pilato pehe sinituahye tiquinare:

—¿Diquiro pehere musare wio basaboagari yuh<sub>u</sub>? ¿O Barrabá pehere o Jesure Cristo tiquina nidiquirore wio basaboagari yuh<sub>u</sub>? ni sinituahye tiquiro.

<sup>18</sup> Jesure masa cahĩgũ ihñañe judio masa mari puhto<sub>a</sub> tiquirore ihña tuhtiahye. Sa ihña tuhtiye tiquirore ohoahye Pilatore. Sa yero masa tiquina cahĩdi buhiri tiquina ihña tuhtirire masino Pilato Jesure wio duamahye.

<sup>19</sup> Sa ye Pilato masare ñañe yeyequinare tiquiro beseri pahtap<sub>u</sub> dujigũ tiquiro namono tiquirore quti ohoahye: “Mia ñamine Jesure quehẽgo, tutuaro ñano yuhd<sub>u</sub>. Sa yeg<sub>u</sub> tiquirore ñañe marieniquirore ne sijoro saha yeracãhña m<sub>u</sub>h<sub>u</sub>”, ni yahudoqueoahye tiquiro namono Pilatore.

<sup>20</sup> Sa ye coã warop<sub>u</sub>re pahia puhto<sub>a</sub>, bucuna gũh<sub>u</sub> masare ohõ saha ni duti tuhasahye. “Barrabá pehere wio duti, Jesu pehere wejẽ dutiya”, ni dutiahye masare. <sup>21</sup> Sa yero Pilato masare sinituahye:

—¿Ahriquina puarore diquire pehere musare wio basaboagari yuh<sub>u</sub>? ni sinituahye.

—Barrabá pehere wio basaya usãre, ni yuhtiahye.

<sup>22</sup> —¿Ahriquire Jesu Cristo tiquina nidiquiro pehere dahse yeitari yuh<sub>u</sub>, musa sa ni sañuducugũ? ni sinituahye tiquiro.

—Curusap<sub>u</sub> quẽ biha wejẽña tiquirore, ni yuhtiahye masa ijipihtiyequina.

23 —¿Yabe borore ñañene yeari ahriquiroy, masa sa nigũ? niahye tiquiro.

Tiquiro sa nigũ tũhoye tiquina tutuaro mehna sañuducuahye:

—Curusapũ quẽ biha wejẽña tiquirore, ni sañuducuahye masa tiquirore.

24 Tiquina sa ni sañuducugũ tũhoro, tiquirore tiquina tũho dueragũ ihñano “Masa usua, cahmequeboaga”, nino, yũhtiro ohõ saha yeahye Pilato. Masa tiquina ihñonopũ tiquiro omo coseahye. Sa omo cosero ohõ saha niahye.

—Ahriquiroyre wejẽdi buhiri yee buhiri ijierare. Masa ye buhiri ijire, nino omo coseahye.

25 Tiquiro sa nigũ tũhoye ijipihtiyequina masa ohõ saha niahye.

—Ahriquiroyre wejẽdi buhiri usã, usã pohna gũhũ usã ye buhiri ijiahro, niahye masa.

26 Tiquina sa nigũ tũhoro Pilato Barrabáre perezupũ ijiriquirore wio dutiahye masa tiquina cahmeniquirore. Sa ye tuhasa Jesu pehere yuta dari mehna tana duti, tiquirore curusapũ wejẽ dutiro ohoahye surarare.

27 Tiquiro sa ohogũ Pilato ya wũhũpũ tiquiro yequina surara Jesure neñe esahye. Sa ye tiquina surara ijipihtiyequina Jesu cahapũ cahmecoahye.

28 Sa ye tiquiro suhtire tu we ne, pũhtoro ya suhtiro saha bajuri suhtirore tiquirore sãahye.

29 Sa sãa tuhasa, pota behtore ye tuhasa, tiquiro dapu bui duhu peoahye. Sa duhu peo tuhasa, yucũgũre poto pehe dahra suhahye. Dahra suha tuhasa, dũsepe curi mehna quehe sa, bũjũpeahye tiquirore.

—Quehnoano ahtaya. Judio masa p̄ahto, quehnoano ahtaya, ni b̄uj̄peahye tiqiurore.

<sup>30</sup> Sa nieta tiqiurore sihco puti ohō, tiquina dahra suhadure tiqiurore t̄ã we ne, tiqiurore dapure quēahye t̄ mehnata. <sup>31</sup> Tiquina sa b̄uj̄peri bato tiquina s̄ari suhtirore tu we ne, tiqiurore ye suhti pehere s̄ahye t̄ja. S̄a tuhasa, curusap̄a wejēñe tehe, tiqiurore ne wijiahye.

*Tiquina Jesure curusap̄a quē biha, wejēahye  
(Mr 15.21-32; Lc 23.26-43; Jn 19.17-27)*

<sup>32</sup> Tiqiurore ne cã, Simo wame tiriqiurore Cirene c̄j̄nore piti ca, tiqiurore Jesu w̄ari curusare w̄a cã dutiri.

<sup>33</sup> W̄a cã Gólgota wame tirop̄a esari. “Gólgota”, nino “Dapu pehtoro”, nino nine. <sup>34</sup> Sa ye vinore s̄ēñe co mehna tiquina moreñe core Jesure ohomedi. Ti acore sihni tuhu, sihniedari tiqiurore.

<sup>35</sup> Sa ye Jesu ye suhtire tiquina tu we nedi bato tiqiurore curusap̄a quē bihari tiquina. Sa quē biha tuhasa, tiqiurore ye suhtire “¿Noa yaro ijiretari ohō?” ni, cahme doqueperi, ni ojoahye panop̄a. <sup>36</sup> Doquepe tuhasa tiqiurore ihña dujiducuri tiquina. <sup>37</sup> Tiqiurore dapu bui curusap̄a ohō saha ni ojoari p̄j̄ne duhu ohōri tiquina tiqiurore ñañe buhirire yahu duaye. “AHRIQUIRO JESU JUDIO MASA P̄HTORO IJIRE”, ni ojoari tiquina ti p̄j̄ne.

<sup>38</sup> Came p̄aro yaque b̄c̄nare Jesu cahap̄a ap̄eye curusarip̄a quē biha docori tiquina. Ihcãquiurore tiqiurore poto pehe, apequiurore tiqiurore c̄ pehe pehe quē biha docori tiquina. <sup>39</sup> Curusari cahap̄a ȳhd̄a

cãñequina Jesure ihña, tiquina dapu pacare yure, tiquiore ñano yahuducuri:

<sup>40</sup> —¿Cohãcjũ wuhure cohã, ihtia deco wahaboro pari turi ti wuhure dahreborigũ ijiajari mũhũ? Cohãcjũ macũ ijigũ mũhũ basi dijia taya. Sa yegũ mũhũ basi yedohoya, nidi masa.

<sup>41</sup> Sata ni bũjũperi tiquiore. Pahia pũhto gũhũ, marine judio masare buheyequina gũhũ, bũcũna gũhũ tiquiore sa ni bũjũperi.

<sup>42</sup> —Tiquiro apequinare yũhdũoriquiro ijiro tiquiore basi gũhũ yũhdũoahro. “Israe masa pũhto ijiaja”, nimene tiquiore. Sa yena tiquiore basi dijia tagũ ihñana tiquiore wacũ tutuanata. <sup>43</sup> Tiquiro pehe Cohãcjũre wacũ tutuamene. Sa yero “Cohãcjũ macũ ijiaja”, nimene tiquiore. Tiquiro sa ijigũ Cohãcjũ pehe tiquiore yedohoahro, ni bũjũperi tiquina.

<sup>44</sup> Yaque bũcũna tiquiore cahapũ tiquina quẽ bihanohriquina sata tiquiore bũjũpe, ñano yahuducuri tiquina gũhũ.

### *Jesu yariaa wahahye*

*(Mr 15.33-41; Lc 23.44-49; Jn 19.28-30; He 6.19-20; 10.19-20)*

<sup>45</sup> Sa ye coheri pje ijigũ ihtia hora waro ijipihtiropũ nahitiano ijiri. <sup>46</sup> Sa yero ti pjere nahitia yũhdũgũ waro Jesu tutuaro sañuducuri:

—¿Elí, Elí lema sabactani? nidi tiquiore. Sa nino ohõ saha nino niahye: “¿Yũhũ Pacũ, yũhũ Pacũ, dũhsegũ yũhũre cohãjari mũhũ?” nino nidi.

<sup>47</sup> Tiquiro sa nigũ tũhoye ihquẽquina topũ ducuyequina ohõ saha nimedi:

—Cohãcjũ yere yahu mahtariquirore Eliare pijoro niboaga, nimesi tiquina.

<sup>48</sup> Sa yero ihcãquiro tiquina mehna cjãno oma cã, aco ihmini suhte mehna vino suẽñe core soha tuhasa, yucugũ sohtoapũ duhte ohõ, Jesu cahapũ esa, tiquirore sihõmedi. <sup>49</sup> Tiquiro sa yegũ ihñañe apequina sihõriquirore ohõ saha nidi:

—Cohteniña. Elia ahriquirore tiquiro yũhdũogũ ihñaũhna mari, nidi apequina.

<sup>50</sup> Tiquina sa nidi bato pari turi sañuducu, Jesu pehe yariaa wahari. <sup>51</sup> Tiquiro yariagũta Cohãcjũ wũhũ cjã suhtiro cahsero, topũ tiquina cahmo-tari cahsero deco tũhnũ maa dijia, cjũ saa wahahye. Sa yero yehpa gãhũ ñuhmidi. Sa ñuhmigũ utã paca bũjũye paca wahtia wahari. <sup>52</sup> Sa ye masa coperi parĩgũ, peyequina Cohãcjũ yequina mũna panopũ yariariquina mũna masa wijiahye. <sup>53</sup> Masa wijia, Jesu masa wijiaro bato ti coperire cohã cã, quehnoari macapũ Jerusalẽpũ wahari tiquina. Topũ tiquina wahagũ peyequina masa ihñaahye tiquinare.

<sup>54</sup> Sa ye ti ijipihtiyere ihñañe, yehpa ñuhmigũ ihñañe, surara pũhtoro tiquiro yequina surara mehna ihña maria wahari. Tiquina Jesure curusapũ ijiriquirore cohteyequina ijiri. Ihña maria waha, ohõ saha nidi:

—Ijirota ijire. Ahriquiro Cohãcjũ macũnota ijimeya, nidi tiquina.

<sup>55</sup> Sa ye Galileapũ Jesu mehna ahtariquina numia tiquirore yedohoriquina numia yoropũ tiquirore curusapũ ijiriquirore ihñaaducuye nidi.

<sup>56</sup> Tiquina numia mehna María Magdalena ijiri. Apecoro María wame tiricoro gãhũ ijiri. Ticoro

pehe Santiago, José gũhũ pacoro ijiri. Apecoro Zebedeo namono ijiri.

*Jesu pagũre masa copepũ cũahye José*  
(Mr 15.42-47; Lc 23.50-56; Jn 19.38-42)

<sup>57</sup> Sa ye ñamicahapũ José Arimatea cjãno doeri cjẽ upũro topũ wihiahye. Tiquiro Jesu buheriquiro ijiri. <sup>58</sup> Wihi, Pilato cahapũ esa, Jesu pagũre siniahye. Tiquiro sa sinigũ tuhoro Jesu pagũre tiquirore oho dutiahye Pilato. <sup>59</sup> Tiquiro sa dutiri bato José pehe tiquiro pagũre ne dijio, quehnoari suhtiro wete marieni suhtiro mehna tiquiro pagũre wahmeahye. <sup>60</sup> Wahme tuhasa, José tiquiro ya masa copepũ cũahye Jesu pagũre. Ti cope tiquina utãpũ seheri cope wahma cope ijiri. Ti copepũ ne sajà duhu cũ tuhasa, pajiria utãre tu torẽ cãhye tia mehna biharo taro. Biha tuhasa, wahaa wahahye. <sup>61</sup> Sa ye María Magdalena, apecoro María mehna ti copere ihña dujuducuahye.

*Jesure tiquina cũri copere surara cohteahye*

<sup>62</sup> Sa ye ape deco, pascua ijiatire tiquina quehnori deco bato, saurú ijigũ pahia pũhto, fariseo masa gũhũ Pilato cahapũ cahmecoahye. <sup>63</sup> Cahmecoa tuhasa ohõ saha niahye tiquina Pilatore:

—Pũhto, tiquiro ni mehoriquire Jesu catiro ohõ saha niahye: “Ihtia deco wahaboro masa wiagiãtja yũhũ”, niahye tiquiro. <sup>64</sup> Tiquiro sa nidiquiro ijigũ tiquiro buheyequina pehe tiquiro pagũre yaqueboaga. Sa yaqueye masare ohõ saha niboaga: “Jesu masa wijiari”, niboaga tiquina. Tiquiro Jesu pehe masare ni mehono nidi. Sa ijiepegũta tiquiro buheyequina pehe “Tiquiro

masa wijiari”, niñe, ni mehoñe nieta. Sa yero Jesu tiquiro ni mehoriro yuhduoro tiquina ye ni mehoñe pehe ña yuhduarota. “Sa yaqueari”, nigũ ihtia deco waro tiquiro masa copere maũu yequina surarare cohte dutiya, niahye tiquina Pilatore.

<sup>65</sup> Pilato yuhtiahye:

—Aũ. Ti copere cohteahro. Sa yena mũasa gũũ mũasa ye masino puno ti copere quehnoano cohte ya, niahye tiquiro tiquinare.

<sup>66</sup> Tiquiro sa nigũ tiquina waha, ti copere biharia utã mehnarũta ñehogũrũta wihtã ñecheahye masa tiquina sajãgũ ihña masiñe tehe. Sa ye surarare ti copere cohte dutiahye.

## 28

### *Jesu masa wiji ahye*

*(Mr 16.1-8; Lc 24.1-12; Jn 20.1-10)*

<sup>1</sup> Sa ye judio masa mari sori deco saurũ pehe yuhdugũ domingo ijigũ ñami cjũnogã ijigũ María Magdalena apecoro María mehna Jesu masa copere ihñañe wahahye. <sup>2</sup> Sa yero duita yehpa tutuaro ñuhmiahye. Sa ñuhmigũ mari pũhoro tiquiro yaquiro angel uhmũsepũ ijiriquiro dijia ta, masa copere biharia utãre tu torẽ cã, tia bui dujiahye. <sup>3</sup> Upo miadoqueoro yero saha quehnoano asi siteahye tiquiro. Sa ye tiquiro suhti ehmeo curua yero saha quehnoano yehseye suhti ijiahye. <sup>4</sup> Tiquiro sa bajuagũ ti copere cohteyequina surara cue yuhduye, nanare yuhduu waha, buigã warona yaria yuhduu wahahye. <sup>5</sup> Sa yero angel pehe tiquina numiare ohõ saha niahye:

—Yuhure cueracãhña. Curusapũ tiquina quẽ bihariquiro, Jesure m̄sa macagũ masiaja yũhũ. <sup>6</sup> Tiquiro yojopũre ohõre mariedare. Tiquiro ni-diro sahata masa wijiaa wahari. Tiquiro pagũre tiquina cũrirore ihñana ahtaya. <sup>7</sup> Sa yena tiquiro buheyequina cahapũ umũñano waha, ohõ saha ni yahuna wahaya: “Jesu masa wijiarĩ. Sa yero m̄sa pano Galileapũ tiquiro wahayurota. Topũ tiquirore ihñanata m̄sa”, ni yahuna wahaya m̄sa. Ahrita ijire m̄sare yũhũ yahuri quti, niahye angel tiquina numiare.

<sup>8</sup> Tiquiro sa nidi bato tiquina numia masa coperpũ ijiye numia sojaro mehna wijia, tiquirore cuepeta bucue yũhdũye mehna Jesu buheyequinare yahuye oma cãa wahahye. <sup>9</sup> Sa wahayequina numiare Jesu piti ca, ohõ saha niahye:

—¿Quehnoano ijiajari m̄sa? niahye tiquiro.

Tiquiro sa nidi bato, tiquina pehe tiquiro cahapũ esa, dahpocãrine ñehe, tiquirore ño peohaye.

<sup>10</sup> —Cueracãhña m̄sa. Yũhũ bahanare “Galileapũ wahaya”, ni yahuna wahaya. Topũ yuhure ihñaeta tiquina, niahye Jesu tiquinare.

*Masa copere cohteyequina surara tiquina ihñarire yahuahye*

<sup>11</sup> Tiquiro sa nidi bato numia wahari watoa ihquẽquina masa copere cohteriquina mehna cjẽna surara, Jerusalẽpũ pahia pũhtoare ijipihiyere yahu pehoye wahahye. Jesu tiquiro masa coperpũ wijiarire yahu peho cãhye. <sup>12</sup> Tiquina sa ni yahugũ pahia pũhtoa, judio masa mari bucũna mehna cahmecoahye. Cahmecoa, yahuducuahye.



Sa yeye surarare ni meho dutiye niñerure wapa yeahye.

<sup>13</sup> —Ohõ saha niña m<sub>usa</sub> masare: “Ñami <sub>usã</sub> carĩdi bato tiqui<sub>ro</sub> buheyequina pehe masa copep<sub>u</sub> wihi, tiqui<sub>ro</sub> pag<sub>u</sub>re ne cãri jiri”, ni yahuya masare. <sup>14</sup> M<sub>usa</sub> sa ni yahugũ Pilato pehe m<sub>usa</sub> carĩ y<sub>h</sub>h<sub>u</sub>arire t<sub>u</sub>hoboaga. Tiqui<sub>ro</sub> sa t<sub>u</sub>hogũ, “M<sub>us</sub>are tuhtiari”, nina, m<sub>us</sub>are yahu basanata <sub>usã</sub> tiqui<sub>ro</sub>re, niahye tiquina surarare.

<sup>15</sup> Tiquina sa nidi bato surara pehe niñerure ñehe, tiquinare tiquina ni meho dutiriro sahata masare yahuye wahahye. Sa ye tiquina ni mehoriro sahata Jesu tiqui<sub>ro</sub> masa copepe w<sub>i</sub>jarire yahuducuri judio masa. Yojop<sub>u</sub> gãh<sub>u</sub>re sata nine tiquina.

*Jesu tiqui<sub>ro</sub> yere buhe dutiro ohoahye tiqui<sub>ro</sub> buheyequinare*

*(Mr 16.14-18; Lc 24.36-49; Jn 20.19-23)*

<sup>16</sup> Sa ye <sub>usã</sub> Jesu buhena once buhena c<sub>u</sub>n<sub>u</sub>p<sub>u</sub> Galileap<sub>u</sub> ijid<sub>u</sub>p<sub>u</sub> Jesu tiqui<sub>ro</sub> waha dutid<sub>u</sub>p<sub>u</sub> wah<sub>u</sub> <sub>usã</sub>. <sup>17</sup> Top<sub>u</sub> esa, Jesure ihñana, ño peou <sub>usã</sub> tiqui<sub>ro</sub>re. Sa ño peopenata, <sub>usã</sub> ihquẽquina “Ahriqui<sub>ro</sub> Cohãcjũ macano ijieraboaga”, ni t<sub>u</sub>hotumi. <sup>18</sup> <sub>Usã</sub> sa ño peogũ tiqui<sub>ro</sub> pehe <sub>usã</sub> cahap<sub>u</sub> wihi, ohõ saha nidi:

—Ahri yehpapare, <sub>u</sub>hm<sub>u</sub>sep<sub>u</sub> gãh<sub>u</sub>re Cohãcjũ ijipihtiyequina bui tutuayere oho<sub>ri</sub> y<sub>u</sub>h<sub>u</sub>re.

<sup>19</sup> Tiqui<sub>ro</sub> sa ohogũ ohõ saha dutiaja m<sub>us</sub>are: Ijipihtiro cjẽnare yeere buhena wahaya. Yeequina tiquina wahatire buhena wahaya. Sa yena mari Pac<sub>u</sub> wame mehna, y<sub>u</sub>h<sub>u</sub> wame mehna, Espí<sub>ri</sub>tu Santo wame mehna tiquinare wame yeya. <sup>20</sup> Sa

yena m̄sare ȳh̄h̄ dutirire tiquina ye pehoatire buheya tiquinare m̄sa. Sa yena ahrire ȳh̄h̄ niatire wacũña: Ijipihtiye decori ahri yehpa ijiro puno m̄sa mehna sa ijiducuḡtja. M̄sa mehna ȳh̄h̄ sa ijiducuatire wacũña m̄sa, ni yahuri ʘs̄are Jesu.

**Cohãcjũ Yere Yahuducuri Tju**  
**New Testament in Piratapuyo (CO:pir:Piratapuyo)**

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 21 Feb 2024 from source files  
dated 29 Jan 2022  
ad83cef1-6eb5-5233-a8f3-356e47bbda0d